


Djesuwalaŋuwuy
latju' dhäwu'
Markkuŋu wukirriwuy



The Gospel According to Mark in the Dhuwaya language of
Australia

**Djesuwalanuwuy latju' dhäwu' Markkuŋu wukirriwuy
The Gospel According to Mark in the Dhuwaya language of Australia**

copyright © 2019 Bible Society of Australia

Language: Dhuwaya

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2021-11-12

PDF generated using Haiola and XeLaTeX on 11 Nov 2022 from source files dated 30 Sep 2022

68377831-bb17-5d40-b5bf-f788ffbc0d1e

Contents

Mark	1
Romans	59

Djesuwalaŋuwuy latju' dhäwu' Markkuŋu wukirriwuy Mark

1 Dhuwayatja latju'na yana dhäwu'. Ga dhäwu'ya dhuwaya God-Waŋarrwalaŋuwuy Gäthu'minjuwalaŋuwuy,* ga yäkuya ɳayi ɳunhi Djesu. Nayiya dhuwaya Christnha, Maŋutji-lakanhawuynha ɳunhi ɳayi God-Waŋarryu lakanjaya ɳäthiyi. Ga dhäwu'ya nhanukalaŋuwuy gurra bitjan gam' ɳurru-yirr'yun:

*John-dhu ɳunhi buku-lupthunamiyu dhukarr-warkthuna Djesuwu
(Matthew 3:1-12, Luke 3:1-18, John 1:19-28)*

2 Yaka ɳayi ɳunhi Djesuya ɳurru-yirr'yuna djäma, yurru God-Waŋarryu ɳunhi linygu djuy'yuna yolŋuna yäkuna John-na. Nayi ɳunhi John-dhu riwal'yunaya dhukarrya nhannu Djesuwu. Ga ɳäthiyi ɳayi bili God-Waŋarryuya djuy'yuna nhanŋuway djawarrkmina yolŋuna yäkuna Isaiah-na. Ga bitjaya ɳayi ɳunhi ɳäthiyi wukirri gam':

“Näku waya! Dhuwaya ɳarra gurra djuy'yuna yolŋunaya dhäwu'minaya ɳarrakuway. Nayi yurru dhukarrnha riwal'yun nhuŋuna.”[†]

3 Ga marrtjiya ɳayi yurru ɳunhi yolŋuya ɳunha wiraŋdhi wäŋayi yolŋumiriwyi ga ɳunhayana ɳayi ɳuli djawarrkthuya,
‘Bukmak yolŋu bawalamiŋu, gatjuy ɳamaŋamayunmina nhanŋuya Garrawuya.
Dhukarrya dhunupakuŋuna, gumurr-ɳamathina nhanŋu.’”[‡]

4-6 Ga ɳunhiya yolŋu yäku John-dja ɳunhi Buku-ŋupthunamiya yolŋu. Ga nhinanaya ɳayi gurrana ɳunhi guŋnharrana yana yolŋumiriwnha ɳunhaya wäŋajau yäkuŋu galki mayaŋ'ŋu Jordan. Ga girri'ya ɳayi ɳuli dhaṭthunminya camel-waya bulka'yu, ga biral'ya nhanŋu wäyin barrwaŋ djämawuy ɳayi ɳuli nherraŋa. Ga ɳathaya ɳayi ɳuli lukanha ɖetjnha ga gukuna. [John-dja gurrana ɳunhi nhinana bitjan ɳayi God-Waŋarrwuna djawarrkmi yäku Elijah ɳunhi ɳayi gurrana nhinana ɳäthiyi.][§]

Ga balanyamiyu, gulku'na ɳunhi yolŋuya waya marrtjina beŋyu Jerusalem-ɳuyu ga birrka'minu wäŋajau beŋyu Judea-ɳuyu makarrŋuyu, marrtjina ɳayŋu John-guna bunana. Ga marrtjina waya ɳunhi, bili waya gurrana djälmiyina waya yurru nhäma ɳanya, ga ɳäma nhanŋu dhäwu' nhattjan ɳayi gurra marŋgikuma. Ga bitjayana ɳayi gurrana wayana waŋanaya, “Way, waya, lakanjuna warraŋulkuŋuna nhumaŋgu yätjtja mala, ɳayŋu bilyuna, ga gunha'yuna, märr ɳayi yurru God-Waŋarryuya nhumaŋgu bäy-lakamana. Djalkthuna waya dhuwayi yätjtja mala bala buku-ŋupthuna märr yurru ɳunhi ɳuriŋiya maŋutji-lakama ɳunhi nhumaya linyguna bitjan latju'na.”

Ga ɳunhi waya marrtjina yätjtja wayanguway lakanjaya warraŋulyiya, ɳayŋu ɳayi wayana gurrana buku-ŋup'maŋayana ɳunhayana Jordan-na mayaŋ'ŋu.

7 Ga bitjayana ɳayi wayana waŋanaya, “Dhika gurra wiripu yolŋu marrtji buluna wal'ŋu djuŋkmamana gurra ɳarranaya. Ga ɳarraya dhuwaya bäyŋu yana gana' ɳurukuya nhanukalaŋuwu dhapatjuŋguya yupmanhawu, läywuy dhuwaya ɳarra

* **1:1** Yaka gurra ɳunha wiripuŋuya ɳurruŋuŋuya wal'ŋu djourra'ŋu malanyŋuŋu bitjandja djingaryun, ‘God-Waŋarrwu Gäthu'minju' bitjandja. † **1:2** Malachi 3:1 ‡ **1:3** Isaiah 40:3 § **1:4-6** 2 Kings 1:8

yolŋu, yaka ɳurruwuŋmi.[†] ⁸ Narraya gurra nhumana dhuwaya buku-łupmama gapuyu yana waŋganydhu. Yurru, ɳayiya yurru ɳunhi God-Waŋarryuya nhumanjgaya rarryu Dhuyu Birrimbirrnha, ɳuriŋiya gurra buluna wal'ŋu djułkmama.”

*John-dhu buku-łupmaŋaya Djesuna
(Matthew 3:13-17, Luke 3:21-22)*

⁹ Ga balanyamiyu waluyu, ɳayi Djesuya marrtjina Galilee-ɳuya makarrŋu wäŋaŋu yäkunju Nazareth-ŋu, märr ɳayi yurru John-guna buna. ɳayŋu ɳayi John-dhuya ɳanya Djesuna buku-łupmaŋayana ɳunhaya Jordan-na mayan'ŋu. ¹⁰ Ga ɳunhi ɳayi Djesu beŋu gapuŋuya walmana, bala ɳunhi djiwarr'ya lapthunana. Ga God-Waŋarrwuya Dhuyu Birrimbirr yarrupthuna nhanukaya balanya bitjan wäyin murryil. ¹¹ ɳayŋu waya ɳäkuyana rirrakaynha waŋana gurrana bitjaya, “Dhuwayatja ɳarraku ɳunhi marrkapnha gäthu'miŋu.

“Ga wirrkina yana ɳarra ɳuli gurra dhuwaya goŋmiyiya nhanukaya.”[◊]

*Satan-dhu, ɳunhi birrimbirr yätjku wayanju bungawa, gur'kuryuna Djesuna
(Matthew 4:1-11, Luke 4:1-13)*

¹² Ga beŋuya ɳayŋu ɳunhi Dhuyu Birrimbirryuya djaw'yuna Djesunaya gänaŋuyina ɳayilpiyina wäŋayi. ¹³ Ga ɳunhayana wiraŋŋuna ɳayi gurrana ɳunhi nhinanaya 40-na walu. Ga wiripuya gurrana ɳunhi nhinana wakinŋuna wäyin malanyŋha. Ga ɳunhayatja ɳanya gurrana ɳunhi Satan-dhuya gur'kuryunana. Yurru ɳayiya yaka nhanŋu malthuna. ɳayŋu ɳunhi djiwarr'wuyya dhäwu'mi yolŋu waya bunana nhanŋu guŋga'yunawuna.

Djesuya marrtjina ɳayŋu Galilee-yina märr ɳayi yurru maŋutji-łakamana God-Waŋarrwuna dhukarr

(Matthew 4:12-22, Luke 4:14-15, 5:1-11)

¹⁴ Waŋganimiyu waluyu waya mulkanana ɳanya John-naya ɳunhi Buku-łupthunaminaya yolŋuna ɳayŋu gärrinymaŋaya dharruŋguyina. ɳayŋu ɳayiya ɳunhi Djesuya marrtjina ɳayŋu Galilee-yina makarryi, märr ɳayi yurru ɻakama God-Waŋarrwalaŋjuwuynha latju'na dhäwu ɳunhaya. ¹⁵ Ga bitjaya ɳayi gurrana waŋana, “Näkuna waya! Garrawuya dhuwaya walu bilina bunana!

“Ga yolŋuya yurru ɳunhi bukmaknha yana marŋiyi ɳunhi God-Waŋarryuya ɳuli romdja nhanŋuway marrtjinyamaŋuna, ga dhuwayana ɳunhi yulŋuya dhiyanjuna bala.

Gatjuy, bilyuna waya mayali'-wilkthunamiŋuya romŋu,
ɳayŋu roŋiyina, bala malthuna nhanŋuna God-Waŋarrwuna dhärukku.
ɳayŋu märr-yuwalkthina ɳuriki God-Waŋarrwalaŋjuwuynha latju'wuna yana dhäwu'wu.”[◊]

Djesuyu garr'yuna guya djämamina wayana malthunawuna nhanŋu

¹⁶ Waŋganimiyu ɳayi marrtjina Djesu galki Galilee-kuyu gapukuyu ga ɳunhaya ɳayi maŋ'maŋaya yolŋuna yäkuna Simon-na ga gutha'miŋu nhanŋu Andrew. ɳunhaya manda gurrana nhinana baymatthuna guya ganybuyu. Nunhina bili maŋdaku ɳunhi djämaya. ¹⁷ ɳayŋu ɳayi Djesuyu garr'yuna maŋdana bitjayana, “Wäy, maŋda, go! Malthuna nhuma yurru ɳarrakuna. Narraya yurru nhumana marŋikumana nhuma yurru gatmama yolŋunana wayana.” ¹⁸ Ga ɳunhi maŋda

[†] ^{1:7} ɳunha ɳäthiliŋumi Greek romŋu ɳayi mayali' balanya gam', ‘Ga ɳarrapina dhuwaya yakaya bitjan gurra gana' ɳurukuya nhanukalaŋwu djalkiriwuya yupmanhawu' bili ɳayi gurrana guyanjinyamina ɳunhi ɳayi yaka ɳurruwuŋmi. Yakana ɳayi ɳunhi gana', yana ɳuli nhanŋuya Garrawuya bitjan djämami... läwyuynha. [◊] ^{1:11} Genesis 22:2, Psalms 2:7, Isaiah 42:1, Matthew 3:17, 12:18, Mark 9:7, Luke 3:22 [◊] ^{1:15} Matthew 3:2

ŋäkuya balanyawuya bala mañda gunha'yunana ɻunhi ganybuya ɻaynu dhunupana yana malthunana nhannu.

¹⁹ Ga bitjaya bala ɻayi Djesu marrtjina ga nhäŋaya ɻayi Zebedee-wu gäthu'miŋuna mañdانا. Ga wakindja ɻunhi wäwa'miŋuya yäku James ga gutha'miŋuya nhannu yäku John. Ga bitjana bili mañdaya gurrana ganybu dhunupakuŋaya marthaŋaju. ²⁰ ɻaynu ɻayi Djesuya wäthunana mañdaku bitjaya, "Way, go, malthuna mañda ɻarrakuna!" ɻaynu yana mañda gunha'yunana mañdaku bäpa'miŋunaya ga djämaya ɻunha bili marthaŋayina. ɻaynu mañda malthuna nhannu.

Djesuyu walŋakuŋaya birrimbirr yätjmina yolŋuna ɻunhaya Capernaum wäŋaju (Luke 4:31-37)

²¹ ɻaynu waya bunana ɻunhaya Capernaum-nha wäŋaju, ɻayi Djesu ga ɻunhi wiripu-gulku' yolŋu waya ɻunhi waya bämara'yuna ɻanya. Ga Nhinanhamiyuna ɻunhi Waluyu, ɻayi Djesuya marrtjina ɻaynu Jew-wayana biryamiyi buŋbuysi, märr ɻayi yurru marŋikumana wayana ɻunhayana.[‡] ²² Ga ɻunhi gurrana yolŋuy wayay ɻäkuya ɻanya dhäruk, ɻirryunana, bili ɻayi ɻunhi marŋgina wirrkina ɻuriki malaw dhäwu'wu ga ganydjarrmina ɻuli ɻayi waŋaya. Ga djułkmamana gurra ɻunhi Jew-wuya rom-marŋikunhaya nhattjan waya ɻuli marŋikuma.[◊]

²³ Ga ɻunhaya bili ɻayi yolŋu yätjmi birrimbirrmi gulŋiyina balayi buŋbuysi yurru dhä-rirrakaymi, ²⁴ yatjuna marrtjina bitjaya, "Wäy, Djesu wäŋa Nazareth-puy, nhäku nhe lili-ya marrtjina? Märr nhe yurru djuy'yuna ɻarrana ga ɻunha wiripuna yätjnhä birrimbirrinha mala ɻaynu dhä-dir'yunamiyina wäŋayi? Nanapuya dhuwaya dharajaya nhuna, nheya dhuwaya ɻunhiyiyi ɻunhi Maŋutji-lakanhawuy yolŋu God-Waŋarrwuŋuna djuy'yunaya. Nheya dhuwaya God-Waŋarrwu ɻunhi Dhuyunha Yolŋu."

²⁵ ɻaynu ɻayi Djesuya waŋana bitjaya, ɻarrtjuna manapaya, "Ma', mukthuna, ga walmina dhiyakayatja yolŋuwaya!"

²⁶ ɻaynu ɻayi ɻuriŋi yätjthu birrimbirryu rurr'rurryunana ɻunhiyiyi yolŋunaya wirrkina yana. ɻaynu yana ɻayi ɻunhi dhawaŋthunaya dhä-rirrakaymina. ²⁷ Ga yolŋuy wayay ɻunhi ɻunhaya biryamiŋuya buŋbuŋu nhäŋayana maŋmaŋdhunana. ɻaynu waya marrtjina waŋanhaminana bitjayana, "Nhä dhuwayatja? Dhuwaya ɻayi gurra dhäruk-mulka ɻunha yätjku birrimbirrwu dhawaŋthanhawu, ga wayatja gurra ɻanya ɻunha dhäruktja yana ɻätthuna. Nhäna ɻayi gurra dhuwaya yutana rom marŋikuma ɻilimunaya?"

²⁸ ɻaynu gurrana ɻunhi dhäwu'ya marrtjina ɬatjuwarr'yunana ɻunhayatja makarrju wäŋaju Galilee-ya. Yolŋuya waya marrtjina ɻunhi lakanhaminana.

Djesuyu walŋakuŋaya Peter-wu mukul'miŋuna rumaru'na ga bulu wiripu-gulku'na yolŋuna wayana

(Matthew 8:14-17, Luke 4:38-41)

²⁹ Ga ɻunhi waya dhawaŋthunaya marrtjina beŋu biryamiŋuya buŋbuŋu, ɻaynu ɻayi Djesuya marrtjina ɻaynu Simon-gayana ga Andrew-wayana wäŋayi. ³⁰ Ga ɻunhaya gurrana Simon-gu mukul'miŋu rumaru' rirrikthuna gorrmur'yu. Ga ɻunhi ɻayi Djesu ga guyurr'miŋu waya nhannu gulŋiyinaya, ɻaynu ɻayi ɻunhi yolŋuya waŋdina ɻaynu ɬakaŋayana Djesuwuna bitjaya, "Dhuwaya nhina worruŋu rirrikthun gorrmur'yu."

³¹ ɻaynu ɻayi Djesuya marrtjina miyalkkayana, bala mulkanana ɻanya goŋnha ɻaynu gaŋgathinymanjayana. ɻaynu dhunupa yana ɻunhi gorrmur'yu

[‡] **1:21** Jew-wu Nhinanhamiyu Waluyu waya beni gulyuna djämaju. Ga wayanguya yäku ɻunhi 'Sabbathnha Walu'. [◊] **1:22** Matthew 7:28-29

winya'yunana. Naynu ɳayi ɳunhi miyalktja dhawatthunaya ga ganydjarr-warryuna ɳathawuna wayaŋgalaŋwu.

³² Ga ɳunhi marrtjina waluya gulŋiyina bala marrtjina ɳunhi yolŋuyuya wayay rerriminaya wayana gäŋjayana ga birrimbirr yätjminaya yolŋuna wayana ɳaynu Djesuwayana walŋakunhawuna. ³³ Ga gulku'na ɳunhi wirrkina yolŋuya waya ɻuŋ'thuna balayi buŋbuyi, be nhämuny'nha gurrana mala-nherraŋmina. ³⁴ Ga gulku'na ɳayi gurrana ɳunhi yolŋuna wayana walŋakuŋaya, wiripuŋu ga wiripuŋu rerrinu. Ga walŋakuŋaya ɳayi wayana gurrana bukmaknha yana. Ga gulku'na ɳayi gurrana dhawatmaŋaya yätjtja malana birrimbirr. Ga wayatja ɳunhi yätjtja birrimbirr mala marŋgiyina nhanu, bala ɳayi Djesuya dhäruk-mukmaŋayana wayana.

*Djesu marrtjina buku-liw'maŋaya wäŋakuyu dhäwu' manymak lakaŋaya
(Luke 4:42-44)*

³⁵ Ga wiripuyuna waluyu yurru munhaku, ɳayi Djesu gaŋgathina beŋu buŋbuŋuya. Ga marrtjina ɳaynu gänaŋuyina buku-miyanhawu märr maŋda yurru bäpa'minu nhanu waŋanhami. ³⁶ Ga ɳunhi ɳayi Simon ga wiripuŋu-gulku' guyurr'minu waya nhanu gaŋgathina yakurrŋuya ɳaynu waya gurrana larruŋayana nhanu. ³⁷ Ga ɳunhi waya ɳanya malŋ'maŋayatja ɳaynu waya bitjayana waŋana, "Marrkapmi, gulku'na gurra dhuwaya yolŋuya waya larruma nhunu."

³⁸ Ga ɳayiya bitjaya buku-roŋinymaŋaya, "Manymak dhuwayitja. Yurru ɳilimu yurru balaku bala ɳurruŋuya marrtji buku-liw'mama ɳunha wiripuyi wäŋayi. Dhuwaya ɳunhi wäŋa mala ɳunhi ɳuli galki djinga'-djingaryun. Bili ɳarra ɳuli djälmiyi ɳarra yurru ɻakama wayaŋgu Latju' Dhäwu', bili dhuwayyi ɳarraku ɳunhi djämaya."

³⁹ Ga beŋu dhurrwaraŋu, ɳaynu ɳayi marrtjina djudu'yunana Galilee-kuyuna makarrkuyu, märr ɳayi yurru ɻakama dhäwu'na latju'na God-Waŋarrwalanjuwuŋha ɳunhayatja Jew-waya biryamiŋu buŋbuŋu malanyŋumi. Ga bitjaya bili ɳayi gurrana Jesuyu ɳunhi yätjtja birrimbirr malanyŋha ɳaŋ'ɳaŋdhuna yolŋuwayatja wayaŋgaya. ⁴⁰

*Djesuyu walŋakuŋaya burrpuymina yolŋuna
(Matthew 8:1-4, Luke 5:12-16)*

⁴⁰ Ga balanyamiyu waluyu yolŋu burrpuymi marrtjina nhanukaya Djesuwaya. Naynu ɳayi bun'kumu djipthuna ɳäj'thuna gunga'yunawu bitjayana, "Marrkapmi, gunga'yu ɳarrana! Narra marnŋi ɳunhi nhe yurru dhuwaya burrpuya rerri ɳarrakaya winya'yunmamana, ɳuli nheya djäl, märr yurru gurra yolŋuya waya ɳarraku yakana buluya milnyaŋ'thun."

⁴¹ Naynu ɳayi Djesuya wuyunana nhanu ga goŋ-djarryuna, ɳaynu mulkanana ɳanya bala waŋanana, "Djäl ɳarra dhuwaya, ɳarra yurru walŋakumana nhuna. Linyguna nhe dhuwaya latju'na!" ⁴² Ga dhunupana yana ɳayi ɳunhi darramuya walŋathinana, ga wiɖi'yunana nhanukaya ɳunhi rerriya. ⁴³ Ga waŋana ɳayi Djesu dälyu dhärukthu ɳaynu djuy'yunana ɳanya wäŋayina ⁴⁴ bitjayana, "Latju'kuŋu yana guyaniya! Bilina nhe dhuwaya manymaknha ga yaka nhe yurru ɻakama yolŋuwutja wayaŋgu. Nuriki bili yana baman'ɳuwu yolŋuwu Moses-ku romgu malthu ɳunhi ɳayi ɳäthiliŋu. Naynu ɳäthiyiya ɳurruŋuya marrtji ɳunha ɖalkarramiwu yolŋuwu buni ga ɳayi yurru nhuna dhuwayi rumbalya nhäma ɳunhi rerriya yuwalknha

⁴⁰ 1:39 Matthew 4:23, 9:35

yana winya'yunana. Naynu nhe yurru mundhurrnha gathan buku-wekama God-Wanjarrnhana, märr yurru ɳunhi bukmaknha yolŋu waya marŋgithi ɳunhi nhokaya rerriya wiđi'yunana.”[✳]

45 Ga ɳunhi ɳayi ɳunhiyi yolŋu walmanaya ɳaynu ɳayi marrtjina liw'marŋayana lakaŋaya dhäwu'ya wäŋakuyuna. Ga gułku'na ɳunhi yolŋuya waya larruŋaya nhanŋu Djesuwuya. Ga yakana ɳunhi ɳayipitja marrtjina ɳaynu yolŋu gułku'miyiya wäŋayi, bili ɳunhi yolŋuyuya wayay ɳanya djorkuŋayana, ɳunhiya ɳayi gurrana ɳunhayana bäymana wirwiryuna wiraŋjuna wäŋanu. Yurru gurrana ɳunhi yolŋuya waya larruŋaya yana nhanŋu, nhänharawu djälmiyina nhanŋu.

2

Djesuyu walŋakuŋaya gaŋuŋnha yolŋuna (Matthew 9:1-8, Luke 5:17-26)

1 Ga be nhämuny' ɳunhi walu djułkthuna, ɳaynu ɳayi Djesuya roŋiyina bala Capernaum-dhina. Ga yolŋu waya marrtjina lakanhamina Djesuna ɳunhi ɳayi bilina ɳunha wäŋanu gurrana nhinana. **2** Ga yolŋuya waya marrtjina ɻuŋ'thuna birrka'miŋuna wäŋanu. Ga gulŋiyina marrtjina ga dhaŋaŋdhina, ga beŋga gurrana dhurrwaraŋuya nhinana ɳaŋbaw'yuna. Naynu ɳayi Djesuya gurrana marŋgikuŋayana ga dhäwu'na lakaŋaya God-Wanjarrwalaŋuwuynha ɳayaŋuwuy.

3 Ga ɳayiya ɳunhi Djesuya bađak gurrana lakaŋaya dhäwu', ga wayatja dämbumiriwyu yolŋuyu wayay gurrana gäŋaya gaŋuŋnha yolŋuna ɳaynu Djesuwaya. **4** Ga bilina ɳunhi gułku'na wirrkina yolŋuya gurrana mala-nherraŋmina ɳunhayatja, ga yakana ɳunhi wayaŋgu dhukarrya wanhanu waya yurru yolŋunaya gäma Djesuwaya. Naynu waya ɳal'yuna ɳunha ɳapayina bala'palayi ɳaynu ɳarŋgana warkthuna ɳunhayana garrwarnha dhunupana yana ɳunhi wanhami gurrana Djesu djingaryuna. Ga ɳunhi bala'palaya ɻapthunana ɳaynu waya yupmaŋayana ɳunhi yolŋunaya gayanh'thamina.* **5** Ga ɳunhi ɳayi Djesuyu nhäŋaya wayana ɳaynu ɳayi marŋgithina wayaŋgu bili nhäŋaya ɳayi ɳunhi märryuwalkthinyami rom, ɳaynu ɳayi gaŋuŋnhaya yolŋuna waŋana bitjayana, “Bilina ɳarra dhuwaya nnuŋu yätjtja rom bäy-lakaŋayana.”

6 Ga ɳunhaya ɳalapałmi Rom-marŋgikunhami yolŋu mala gurrana däpthuna. Ga ɳunhi waya ɳäkuya Djesuna balanyawuy waŋanhaya ɳaynu waya ɳayaŋuya yätjtthinana, yakana waya galŋa-latju'yina ɳuriŋiyi. **7** Naynu waya bitjayana waŋana, “Nhä ɳayi dhuwaya goramiriw balanyawu waŋanhawu. Dhuwaya ɳuli yana ɳayipi God-Wanjarryu yolŋuwu wayaŋgu bäy-lakama yätjpuy djämawuy. Nhattjan ɳayi ɳuli dhuwaya guyaqinyamiya, yana bini ɳayi dhuwaya rrambanina maŋda God-Wanjarrnha? Dhuwaya ɳayi dhä-wiripuyinana waŋanaya!”

8 Yurru ɳayiya ɳunhi Djesuya wayaŋgu marŋgithina, ɳaynu ɳayi bitjayana waŋana, “Yaka waya biyaku guyanji! **9-10** Nhattjan ɳarra yurru dhika waŋaya? Nuli ɳarra yurru bitjandja, ‘Ma', bilina ɳarra dhuwaya nnuŋu yätjtja bäy-lakaŋayana', nhumaya dhuwaya yaka marŋgi ɳunhi yurru bitjandja malŋ'thun, mak bäŋjuna. Ga ɳunhi ɳarra yurru waŋa bitjandja, ‘Ma', ɳaŋthuna nnuŋuwuy dhuwayyi gayanh'thaya ɳaynu marrtji wäŋayina', ga yurruna nhuma yurru nhämaya ɳunhi narraya dhuwaya Yuwalkŋuya Wal'nu Yolŋu dhuwanna. Ga ɳarraŋga gurra dhuwaya ganydjarria mulka bäy-lakanhawuya yolŋuwuya wayaŋgu yätjkuya romgu.”

* **1:44** Leviticus 14:1-32 * **2:4** Gayanh'thaya ɳunhi manydjarrka yurru däl djämawuy.

¹¹ Ga beŋuya dhurrwaraŋu ɳayi Djesuya waŋana ɳunhi gaŋuŋnhaya yolŋuna bitjayana, “Yo, ɳäkuna! Dhuwaya nhe bilina walŋathinana, gatjuy, gaŋgathina ga ɳätthu nhuŋuway gayanh'thaya bala marrtji wäŋjayina.”

¹² Ga ɳunhi ɳayi ɳuriŋi yolŋuyu ɳäkuya, ɳayŋu ɳayi yana gaŋgathinana. Ga gayanh'thaya ɳayi ɳätthuna bala yana dhawaŋthunana. Ga waya ɳunhi yolŋuyuya wayay nhäŋayana ɳanya ganyim'θunana manapaya bitjayana, “Dhuwayatja ɳanapu gäthurana dhiyaŋuna bala nhäŋaya balanyawuya. Yuwalk yana ɳayi dhuwaya God-Waŋarrya ganydjarr ɳuŋu.”

Djesuyu garr'yuna yolŋuna yäkuna Levi-nha malthunawu nhanju
(Matthew 9:9-13, Luke 5:27-32)

¹³ Ga beŋuya ɳayi Djesu bulu marrtjina raŋyi Galilee-yi gulun'thi. Ga gulku' ɳunhi yolŋuya waya marrtjina gumurr-waŋdina nhanju ɳayŋu ɳayi gurrana ɬakaŋayana wayaŋgu God-Waŋarrwuna ɳayaŋu.

¹⁴ Ga ɳunhayayi gurrana nhinana yolŋu yäku Levi, Alphaeus-ku gäthu'miŋu. Ga warkthunaya ɳayi gurrana rrupiya ɬuŋ'maŋaya yäku tax Roman-buyŋuwu gapmangu. Ga ɳunhi ɳayi Djesu bunana, ɳayŋu ɳayi nhäŋayana Levi-nha. Nayŋu ɳayi bitjayana waŋana, “Wäy nhawi, go! Malthuna ɳarrakuna!”

Ga ɳunhi ɳayi Djesuna dhäruk balanyawuy ɳäkuya, ɳayŋu ɳayi Levi-ya gaŋgathinana ga dhunupana yana malthunana nhanju.

¹⁵ Ga beŋuya ɳayi Djesu ga malthunami waya nhanju marrtjina Levi-wayana wäŋayi, rrampaŋina waya ɬuŋdu'miŋuna waya nhanju Levi-wu ɳunhi rrupiya-warkthunamina waya. Ga wiripuya gurrana ɳunhayayi yolŋu waya nhinana ɳunhi ɳuli gurranha Jew-yu malayu wayana ɬakanha ɳunhi wayatja raypirri-wadatjmina. Ga ɳunhaya bili ɳurrukŋu gurrana däpthuna yolŋu waya ɳunhi waya ɳuli gurrana djälminya mäkiri'-witjunawu nhanju Djesuwu.

¹⁶ Ga ɳulinyamiyu ɳunhaya gurrana nhinana rom-marŋikunhami waya Pharisee-waya ɳurrukŋu. Nayŋu waya nhäŋayana ɳanya Djesunaya ɳayi gurrana ɳatha ɬukana ɳurikaya rrupiya djämamiwaya ga rom-djarrpi'miwaya yolŋuwaya wayaŋgaya. Nayŋu waya ɳäŋ'thuna ɳunhi Djesuwu guyurr'miŋuna wayana bitjaya, “Nhäku gurra ɳunha nhumaŋguya marŋikunhami nhina tax djämamiwayatja wayaŋgaya ga dhuwurr-yätjmiwaya yolŋuwaya wayaŋgaya?”

¹⁷ Ga ɳayitja ɳunhi Djesuyuya ɳäkuya wayana, ɳayŋu ɳayi bitjayana waŋana wayaŋgu, “Rerrimi yana yolŋu waya yurru marrtji marrŋitjkayatja, yaka däwalamiya. Narraya dhuwaya marrtjina lili yätjmiwu yolŋuwu wayaŋgu, yaka ɳurikiya yolŋuwu ɳunhi waya ɳuli gurra be rom-dhunupa ɬakanhami.”

Djesuwuŋu ɳunhi yuŋaya marŋikunhaya gurra ganŋ'thuna beŋu Pharisee-wayatja

(Matthew 9:14-17, Luke 5:33-39)

¹⁸ Waŋganymiyu, yolŋu waya Rom-djákamiya mala yäku Pharisee gurrana ɳoy-ŋathamiriwnha yana nhinana ɳuriki romgu malthuna. Yo, ga nhäŋaya waya John-gu ɳunhi Buku-ɬupthunamiwu malthunamina wayana waya gurrana bitjaya bili ɳoy-ŋathamiriw nhinana. Ga yaka waya ɳunhi Djesuwuya guyurr'miŋuna wayana nhäŋaya balanyayi. Nayŋu ɳunhi yolŋuya waya bunana nhanju Djesuwu ɳayŋu dhä-wirrka'yunana bitjayana, “Wäy, ɳanapuya ɳuli gurra dhuwaya ɳoy-ŋathamiriw nhina, romgu malthun. Ga ɳunha gurra John-guya malthunami waya bitjan bili. Ga nhäku waray ɳuli ɳunhi nhuŋuya guyurr'miŋu waya yaka bitjandhi nhina?”

¹⁹ Nayŋu ɳayi Djesuyuya mayali'mina dhäwu' ɬakanjaya bitjayana, “Linygu ga nhuma dhuwaya marŋgi: Nunhi yolŋu maŋda ɳuli ɳätthunmi, ga yolŋuya waya ɳuli yaka dhurrwara-yupthun ɳathauŋuya, ɳunhi waya ɳuli yana marrtji ɳathaya ɬukana dulpu-gunhamina. Ga ɳunhiya darramu ɳunhi ɳayi yurru ɳätthun miyalknha

nhannuway, ɳunhi ɳayi yurru ɳunhayatja nhina, ɳunhiya gurra yurru yolŋuyuya wayay ɳatha luka yana. ²⁰ Ga ɳunhi ɳayi yurru ɳunhina darramuna djaw'yun, ɳaynu yurru ɳunhi lundi'miŋuya waya nhanju ɳayaŋu-yätjthina ga marrtji waya yurru gurra ɳoy-ɳathamiriwnha nhina.”

²¹ Ga bulu ɳayi Djesuyu wiripu mayali'mi dhäwu' lakaŋaya, “Yaka yurru yolŋuyu dhamin-dharpuma yuta manydjarrka' ɳunha ɳäthiliŋuyi girri'yi manapan. Bili yalala ɳayi yurru ɳunhi girri' rurrwuyun, bala yurru ɳunhi yuṭaya manydjarrka' dhurn'thuna yutjuwala'yina, ɳaynu yurru ɳunhi girri'ya barr'yuna. ²² Ga balanya bili: Yaka yurru dhuwaya yuta borum wika' rarryun ɳunha ɳäthiliŋuyi bathiyi, bili ɳayi yurru ɳunhi barr'yuna bala yurru wiyika'ya wändina. Yuṭaya borum wiyika' yurru rarryun yuṭayi yana bathiyi.” [Bitjaya ɳayi gurrana ɳunhi Djesuyu wayanju lakaŋayatja, ɳunhi yurru nhanukuŋu yuṭaya marŋgikunhaya yurru yakana maŋutji-manapan ɳunhimaya ɳunhi nhä waya Pharisee-yu wayay ɳuli marŋgikuma.]

Djesuwaya lundi'miŋyu wayay ɳatha berrali marrtjina gulkthuna Nhinanhamiyu Waluyu

(Matthew 12:1-8, Luke 6:1-5)

²³ Waŋganymiyu Nhinanhamiyu Waluyu Djesu ga lundi'miŋu waya nhanju marrtjina gurrana dhukarrkuyu ɳaynu nhanukaya lundi'miŋuya wayay gulkthuna marrtjina mułkurr ɳatha berrali bala lukanana marrtjina bili waya djanŋarrthina. ²⁴

Ga waya ɳunhi Pharisee-yuya nhäŋaya wayana, ɳaynu waya lakaŋayana Djesuwuna, “Nhäku gurra ɳunha nhokayatja guyurr'miŋyu wayay rom daw'yun? ɳunha waya gurra ɳatha wapmama dhiyanu wayay ɳunhi dhuwayatja Nhinanhami Walu. Yaka waya yurru bitjan!”

²⁵⁻²⁶ Naynu waya wayanju buku-roŋinymaŋaya, “Wäy, waya, guyanŋinga nhuma gurra ɳunhiya dhäwu' ɳunhi balanyamiyu waluyu ɳunhi liya-ɳärra'mi yäku Abiathar gurrana nhinana? Ga wayatja ɳunhi David-tja ga malthunamiya waya nhanju djanŋarrthinana bala waya yana marrtjina ga gärrina Jew-wayana buŋbuyi bala wapmaŋayana ɳunhi ɳathaya. Ga rom gurra waŋa ɳunhi dalkarramiyuna waya yurru luka ɳunhiya ɳatha, yakana bukmakthu. Ga ɳayiya ɳunhi David-thuya ga malayuya nhanukaya lukanu yana bäyŋu wayana yolŋuyu wayay romnyamir'yuna.” ²⁷

²⁷ Ga bulu ɳayi Djesu bitjaya waŋana, “Wäy waya, yaka waya meŋguŋu, ɳunhi God-Waŋarryu Nhinanhami Walu djäma guŋga'yunawu yolŋuwu. Yaka ɳayi ɳunhi yolŋuna djäma ɳayi yurru ɳurikina yana Nhinanhamiwuna Waluwu romgu malthun. ²⁸ Bili ɳarraya dhuwaya Yuwalkŋuna Wal'ŋu Yolŋu, ɳarrakuwaynha yana dhuwaya dhunupaya nhattjan ɳarra yurru waŋa yolŋuna nhä ɳayi yurru djäma, wo yaka ɳayi yurru djäma dhiyanu Nhinanhamiyu Waluyu.”

3

Djesuyu walŋakuŋaya goŋ-dhoṭnha yolŋuna Nhinanhamiyu Waluyu

(Matthew 12:9-14, Luke 6:6-11)

¹ Ga beŋuya ɳayi Djesu roŋiyina ɳaynu Jew-wayana biryamiyi buŋbuyi gärrina. Ga ɳunhayatja ɳayi malŋ'maŋaya yolŋuna yurru goŋ-dhoṭnha. ² Ga ɳunhaya gurrana Pharisee ɳalapalmi dhärra'dharrana ga dharr-witjaya waya gurrana nhäŋaya ɳanya Djesuna wanħaka ɳayi yurru walŋakuma yolŋuna Nhinanhamiyu Waluyu märr waya yurru ɳurikiwuynha Djesuwuya mariwuna.

²:23 Deuteronomy 23:25 ²:25-26 1 Samuel 21:1-6, Leviticus 24:9

³ Naynu ɳayi Djesuya gawa'yunana ɳurikiya goŋ-dhotkuya yoljuwu bitjayana, "Go, marrtji lili, dhiya dhärri gumurrju, märr yurru bukmakthu yana nhämaya."

⁴ Naynu ɳayi Djesuya waŋanana ɳuriki Pharisee-wuya yoljuwu wayanju bitjayana, "Nhattjan gurra ɳilimuŋguya rom waŋa dhiyaku Nhinanhampiwuya Waluwu? Nhä dhuwaya latju' ɳilimu yurru djäma yoljuna wayana balanyamiyu waluyu, wo ɳilimu yurru yätjhna djäma? Nhattjan ɳarraya yurru yoljuna waljakuma, wo nhattjan ɳarra yurru buma murrkay'kumana, ɳeniya?" Ga wayatja ɳunhi Pharissee-ya waya yakana nhanju buku-roŋinyamaŋjaya.

⁵ Naynu ɳayi Djesuyu gurrana yoljunaya wayana nhäŋayana, ga wirrkina ɳayi wayanju madakarritjthinaya ga ɳayaŋu-wutthunaya manapaya bili waya ɳunhi ɳayaŋu-dälmina. ɳunhi waya gurrana romguna yana wayangalaŋuwu wirrkiya malthuna. Naynu ɳayi Djesuyu waŋana ɳurikiya goŋ-dhotkuya bitjayana, "Ma', goŋdja djarryuna!" Naynu ɳayi ɳunhi yoljuya goŋdja djarryuna bala yana latju'yinana ga dhunupayinana. ⁶ Naynu ɳunhi Pharissee-ya yolju waya marrtjina latjuwarr'yunana, ga ɳunhayana ɳaynu waya wiripu-gulku'ya ɳalapałmi waya ɻuŋ'thuna, ɳunhi ɳurru-warryunaynaya miłtji King Herod-kuya. Ga ɳunhayana waya gurrana ɳunhi waŋanhaminaya bunharawu nhanju Djesuwuya.

Djesuyu waljakuŋaya gulku'na yoljuna wayana ɳunhaya galki Galilee

⁷⁻⁸ Waŋganimiyu waluyu ɳayi Djesu ga guyurr'miŋu waya nhanju marrtjina ɳunha bathalayi gulun'thi Galilee-yina. Ga gulku'na ɳunhi yoljuya waya nhanju malthuna bili waya ɳäkuya ɳunhi nhä ɳayi gurrana Djesuyu ɳunhi djäma. Ga yoljuya waya ɳunhi marrtjina beŋu Galilee-ŋu makarrju ga Judea-ŋu makarr-ŋu ga Idumea-ŋu makarrju. Ga wiripuya ɳunhi yolju waya marrtjina beŋuna wäŋaju Jerusalem-ŋu ga Sidon-ŋu ga Tyre-ŋu. Ga gulku' wiripu yolju waya marrtjina beŋu Jordan-ŋu mayaŋ'ŋu yurru gali' dhimurruju. Ga bukmak waya gurrana ɳunhi djälthina waya yurru wayawuy yana nhäma ɳanya Djesuna.

⁹⁻¹⁰ Ga gulku'na ɳayi gurrana ɳunhi Djesuyu waljakuŋaya balanyamiyu waluyu. Ga gulku' yolju waya gurrana djälthina waya yurru ɳanya mulka, märr waya yurru latju'yina. Naynu marrtjina ɳunhi yoljuya waya gitthunminana, dur'turyunminana marrtjina ɳunha galki yana nhanukayana, ɳaynu ɳayi waŋana nhanjuway guyurr'miŋuna wayana bitjaya, "Marthaŋa waya ɳarrakaya ɳätthu, ɻinyu bäyŋuna dhuwaya dhalakarrya ɳarraku. ɳunhi yurru dhuwaya yoljuwuya wayay ɳarrana djorkumana, ɳarraya yurru marthaŋayina ɳal'yun."[◊] ¹¹ Ga wiripuya ɳunhi yolju waya ɳunhima marrtjina yätjmi birrimbirri mala. Ga ɳunhi waya ɳuriŋi yoljuwuya wayay nhäŋaya ɳanya Djesunaya, bala gurrana ɳunhi birrimbirryuya malay djalktjalkthunana ɳunhi yoljunaya wayana munatha'yina ɳaynu gurrana yatjunana bitjayana, "Nheya dhuwaya God-Waŋarrwu Gäthu'miŋu."

¹² Yurru ɳayiya ɳunhi wayana dhurrwara-mukmaŋjaya bitjaya, "Yaka nhuma yurru dhuwaya yoljuwuya wayanju ɻakama, yol ɳarra dhuwaya!"

Djesuyu djarr'yuna 12-na yoljuna guyurr'miŋuna wayana nhanjuway (Matthew 10:1-4, Luke 6:12-16)

¹³ Naynu ɳayi Djesuya marrtjina bukuyina ɳal'yuna ɳaynu wäthuna yoljuwuna darramuwuna wayanju ɳunhi gurra ɳayaŋu dhä-mananapan nhanukaya Djesuwayana, malthunawuna nhanju. ¹⁴ Ga djarr'yunaŋa ɳayi ɳunhi 12-nha darramunaya wayana märr waya yurru gurra nhanju malthuna yana bitjana bili, dhuwayana waya djuy'yunawuya mala nhanju. Ga marrtjiya waya yurru gurra birrka'miyi wäŋayi dhäwu'ya yurru ɻakama God-Waŋarrnhaya yoljuwuya

[◊] 3:9-10 Mark 4:1, Luke 5:1-3

wayanju. ¹⁵ Ga wekanjaya ɳayi wayanju ganydjarr, märr waya yurru gurra yätjnhä birrimbirrnha malana dhawatmama yoljuwaya.

¹⁶⁻¹⁹ Ga dhuwaya ɳunhi yoljuwaya waya gam':

Simon (ɳunhi Djesuyu ɳanya yäku nherraya Peter)

ga James,

ga John, dhuwayatja maɳda Zebedee-wu gäthu'minju maɳda. (Ga Djesuyu mandana wiripuya yäku wekanjaya, Boanerges mayali' 'Murryu'murryunami').*

ga Andrew

ga Philip

ga Bartholomew

ga Matthew

ga Thomas

ga James (gäthu'minju Alphaeus-ku)

ga Thaddaeus

ga Simon, (ɳunhi ɳayi gurrana malthuna Zealot-kuna malawu)†

ga Judas Iscariot (ɳayiya ɳunhi dhuwayatja yolju mulkuruyina Djesuwu.)

Rom-Marngikunhamiyu wayay rom-nyamir'yuna Djesuna

(Matthew 12:22-32, Luke 11:14-23, 12:10)

²⁰ Yo, ɳaynu ɳayi Djesu ga lundu'minju waya nhanju yarrupthuna bukuṇu. Marrtjinaya waya ɳaynu buɳbuyina gärrina. Ga bitjaya bili ɳunhi yolju waya lun'thona gulku'na wirrkina, ga bäyŋuna ɳunhi waluya wayanju ɳathawuya lukanhawu nhanju Djesuwu ga lundu'minjuwu wayanju nhanukalaŋjuwu. ²¹ Ga be yol yolju marrtjina ga lakanjaya nhanukalaŋjuwu gurrutumiwu wayanju, "Go, ɳunha marrtji Djesuya bawa'yuna, djämayuna, malaŋuju!" bitjaya. Naynu ɳunhi gurrutumiya waya nhanju marrtjinana märr waya yurru ɳanya garr'yun wänjayina. Waya yurru gurra bitjan wayawuynha nhanju djäka.

²² Manymak, ga rom-marngikunhami yolju waya bunana beŋu Jerusalem-ŋu ga bitjaya bili waya Djesuna nhäŋaya, bala bitjayana waŋana, "Way, waya, yaka nhuma yurru gurra dhiyakuya malthun, bili ganydjarrya ɳayi ɳuli gurra dhuwaya ɳätthun Satan-guŋu ɳunhi ɳayi buŋgawana bitjan yätjku birrimbirrwu malawu, ga wiripuya ɳayi ɳunhi yäku Beelzebul. Ga balanyawuynha ɳayi ɳuli gurra dhuwaya yätjnhaya birrimbirrnha malanyinha dhawatmama."*

²³ Ga ɳayiya ɳunhi Djesuya marnŋithina ɳunhi nhattjaya waya gurrana waŋana, ɳaynu ɳayi wäthunana wayanju, "Go, lili waya marrtji ga mäkiri'-witjuyu waya ɳarraku," bitjaya. Naynu ɳayi wayanju dhäwu'na lakanjaya märr dhunupakuŋayana. Ga bitjaya ɳayi waŋanaya gam', "Nhattjana ɳayi yurru ɳunhi Satan-dhuya buma Satan-naya? Dhuwayitja mayali'miriwnha rom. ²⁴ Ga ɳäku waya! Nunhi yurru gurra yolju waya bunharami wänganybuy wänjawuy, wayatja yurru ganydjarrmiriwhina bala yurru malaya dhawar'yun gupa-dälnha wiyinŋumina. ²⁵ Ga ɳunhi yurru gurra waŋgany bäpurru' yolju waya bitjan bili bunharami, ɳaynu yurru ɳunhi yoljuwaya waya gurrutumiya walamaṭthina malaya, bala yurru dhawar'yuna gupa-dälnha. ²⁶ Ga balanya bili, ɳunhi yurru gurra Satan-dhuya buma malana nhanjuway, ɳaynu yurru ɳunhi bukmaknha yana waya ganydjarrmiriwhiya ɳaynu yurru bäyŋuthina, dhawar'yuna malaya yurru!

* ^{3:16-19} a: Ga gulku'yu gađamandhu yoljuwu wayay gurra bitjan guyanji ɳunhi maɳdaku James-gu ga John-gu irrakay ɳonuŋ bitjan wolma ɳuli murryun, nhä mak maɳda ɳuli waŋa mađakarritjthu dhärukthu, murryun ɳuli marrtji ɳunhi irrakaya. † ^{3:16-19} b: Dhuwaya Zealot-tja yolju waya gurrana ganaj'thuna beŋuya Roman-gaya gapman-gaya romŋuyu. ^{3:22} Matthew 9:34, 10:25

²⁷ Ga ḥäkuna waya dhuwaya mayali'miya dhäwu' ḥarra yurru ḥakama: Wan̄gany yolju djälthina ḥayi yurru girri' manaji beju dälwaya yoljuwaya. Ga ḥurruṇuya ḥäthiyi ḥayi yurru dapmama ḥunhiyi dälnhaya yoljuna, ga yurruna ḥayi yurru girri'ya malanynha nhanju wapmanu. [Yo, dhuwaya ḥayi ḥunhi mayali'ya gam' dhiyalamiya dhäwu'ju: Satan-dja, ḥayi ḥunhi däl yolju ga ḥarraya ḥunhi wiripu yolju ḥunhi ḍapmaṇaya ḥanya Satan-na. Ga dhiyaṇuya bala ḥarra marrtji wapmama ḥarrakuwaya yoljuna wayana beju nhanukaya goṇju.]

²⁸ Dhuwayatja wiripuna yuwalknha yana dhäruk ḥarra yurru ḥakama. ḅuli nhe yurru yätjkuma waṇa nhanju God-Waṇarrwu, mak ḥayi yurru ḥnuṇu bäy-ḥakama.

²⁹ Ga ḅuli nhe yurru yätjkuma waṇa nhanju Dhuyu Birrimbirrwuya, ḥayiya yurru ḥunhi God-Waṇarryuya yakana nhuṇuya bäy-ḥakama, ga yana bili-i-i ga wäṇa ḅuli dhuwaya dhawar'yu!"[✳]

³⁰ Ga bitjaya ḥayi ḥunhi Djesu waṇana, bili waya nhanju ḥunhi bitjaya waṇana, "Dhuwayatja yolju yätjmi birrimbirrmi."

Yolju waya gurrana malthuna God-Waṇarrwu djälwu ga ḥunhina waya yuwalktja wal'ju Djesuwiya gurrutumi

(Matthew 12:46-50, Luke 8:19-21)

³¹ Ga beṇuya Djesuwu ḥändi'miju ga gutha'miju waya nhanju ḥarruṇayana. Nayju waya gurrana djingar'djingaryunana warraṇjuṇha ḥunhaya bunbuṇu ḥunhi wanhami ḥayi gurrana marngikuṇaya yoljuna wayana. Ga djuy'yuna waya yoljuna garr'yunawu nhanju Djesuwu. ³² Ga balanyamiyu ḥayiya gurrana ḥunhi Djesuya marngikuṇayana ḥunhi yoljuna wayana. Nayju ḥunhi yoljuya marrtjinana, bala bitjana waṇa, "Dhuwaya ḥändi'miju nhuṇu ga gutha'miju waya ḥarruṇayana gurrana nhuṇu," bitjaya.

³³ Nayju ḥayi Djesuya bitjayana waṇana, "Yol waya dhika ḥarrakuya gurrutumi?"

³⁴ Nayju ḥayi marrtjina nhäṇayana liw'manjayana ḥunhi yoljuṇaya wayana ḥunhi marrtjina däpthuna. Nayju ḥayi bitjayana waṇana, "Dhuwaya waya dhuwaya ḥarrakuya ḥändi'miju ga gutha'miju waya. ³⁵ ḅunhi ḥayi ḅula yol yolju ḥayaṇu-malthunami God-Waṇarrwu ḥayaṇuwu, ḥunhina ḥayi ḥarrakuya wal'ju galkiwuya gurrutumi."

4

Djesuyu dhäwu' ḥakanaya mayali'mi maṇutjiwuy ḥathawuy ga munatha'wuy
(Matthew 13:1-9, Luke 8:4-8)

¹ Wan̄ganimiyu ḥayi Djesu balayi roṇiyina Galilee-yi. Ga gulku'na dhika wirrkina yoljuṇaya waya ɻuṇ'thuna nhanukaya ḥayjuṇi. Nayju ḥayi ḥunhi marthaṇayina ḥal'yuna, ga gaṇga yana waya dur'yuna marthaṇaya, Nayju ḥayi nhinanana gurrana ḥunhaya. Ga beṇuna ḥayi gurrana ḥunhi marngikuṇaya dhäwu'ya ḥakanaya wayanju.[✳] ² Ga gulku' ḥayi gurrana ḥunhi dhäwu'ya mayali'miya ḥakanaya, märr waya yurru ḥunhi yoljuya wayay dharaṇyan a.

³ "Yo, ḥäkuna waya: Wan̄gany yolju djälmiyina ḥayi yurru maṇutji ḥatha djalkthun ḥunha munatha'yi märr yurru ḥathaya ḥuthana. ⁴ Nayju ḥayi marrtjina djalkthunana. Ga wiripuya ḥunhi maṇutji galkina märr ḥunha barrkuyi dhukarryi. Ga wayatja ḥunhi wäyindhu nhäṇayana bala lukanana marrtjina dhawar'manjayana.

⁵ Ga badak yana ḥayi marrtjina ḥunhi ḥuriṇiyi yoljuṇu maṇutji djalkthuna, wiripuya marrtjina galkina bitjayana bala, ga wiripuya galkina gunḍamiyina wäṇayi. ⁶ Ga ḥathaya ḥunhi maṇutjiya latju'yinana ḥuthaya waḍutjana, ga ḥunhi ḥayi waluya

[✳] 3:29 Luke 12:10 [✳] 4:1 Luke 5:1-3

bitjaya gorrmur'yina wirkiya bala ɳunhi ɖukitja baɳdanydhinana, gorrmur'yinana, bala rakunydhinana, bili ɳundana ɳunhi, ga bäyŋuna munatha'ya.

⁷ Ga baɖak ɳayi marrtjina bala ɳunhi djalkthuna, ga wiripuya ɳunhi maŋutji galkina dirri'tirrimiyi. Naynu ɳuriŋiya ɳunhi dirri'tirriyuya djorkuŋayana, gan-djarrnha dhawar'maŋaya ɳuthanawuna. ⁸ Ga wiripuya ɳunhi ɳatha galkina latju'yi munatha'yi. Naynu ɳunhi ɳathaya ɳuthayana but-bitjaya. Ga ɳunhi ɳayi ɳathaya bitjaya latju'yina dhaŋaŋdhina, wanŋanybuya gärulwuy gurrana wirrkina yana gilyuna. Ga wiripuŋumiya-a-a ga gulku' yana, ga wiripuŋumiya ga balanya bili, ga ɳayŋuna bala.

⁹ Nuli nhuma mäkiri'miya, ɳäkuya waya latju'kuŋu, märr nhuma yurru dharaŋan yana dhuwaya dhäwu'ya."

*Djesuyu gurrana lakaŋaya dhäwu' marŋikuŋaya yolŋuna wayana
(Matthew 13:10-17, Luke 8:9-10)*

¹⁰ Naynu waya marrtjinana gunha'yunana ɳunhi gulku'naya yolŋuna wayana. Naynu ɳayi gurrana Djesu ga ɻuɳdu'minu waya nhanŋu ga wiripu yolŋu waya gänana nhinana. Naynu waya dhä-wirrka'yunana ɳanya bitjaya, "Go, lakaŋuna ɳanapuŋgu wanhangana ɳunhiya dhäwu' mala ɳunhi nhe lakaŋaya, bili yaka ɳanapu ɳunhi dharaŋaya. Nhäpu ɳunhi dhäwu'ya malanyňha?"

¹¹ Ga ɳayi Djesuya waŋana bitjaya, "Nhumangua dhiyakuya wayaŋgu ɳunhi nhuma ɳuli djämamiyama ɳunhi God-Waŋarrwu rom, ɳarraya yurru war-raŋulkumana nhumangua mayali'. Ga wiripuwuya yolŋuwu ɳunhi ɳayi yaka dhiyalami malaŋu, wayatja yurru ɳunhi dhäwu'na yana ɳäma. ¹² Dhuwaya ɳarra yurru ɻakama gam', märr yurru nhanŋu dhärukta malŋ'thun God-Waŋarrwu ɳunha djoura'ɳuna wukirriwyuŋha yuwalknha yana:

Yolŋuya ɳuli ɳunhi nhäma ɳarrana djämayı,

yurru yaka waya ɳuli dharaŋandja, nhä ɳunhiya mayali'.

Ga ɳäma warray waya ɳuli mäkiri'yu, yurru bäyŋuna bitjan yuwalkumaya dharaŋan.

Ga ɳunhi waya beni yuwalk dharaŋana, wayatja beni ɳunhi bilyuna roŋiyinya God-Waŋarrwayana. Yurru yaka waya ɳunhi djäl waya yurru marŋiyi dhiyaku ɳunhi dhäwu'wu. Ga ɳayitja yurru ɳunhi God-Waŋarryuya yakana wayaŋguya bäy-ɻakama."[☆]

*Djesuyu lakaŋaya mayali' ɳurikiwuy maŋutjiwuy ɳathawuy ga munatha'wuy
(Matthew 13:18-23, Luke 8:11-15)*

¹³ Naynu ɳayi Djesuya wayaŋgu bitjayanwa waŋana, "Wäy, buku-djulŋimi, yaka nhuma gurra dhuwaya dhäwu'ya dharaŋan, ɳeniya? Ga ɳuli nhuma yurru yakaya bitjan dharaŋan dhuwaya gumurr-yalŋgi'ya dhäwu', ga nhattjana nhuma yurru ɳunhi dharaŋan ɳunha bala wiripuya malanyňha dhäwu'?

¹⁴ Dhiyalamiya dhäwu'ɳu, yolŋu marrtjina maŋutjiwu lämu-nherraŋawu. Ga dhuwayatja ɳayi balanyana, bitjan ɳunhi yolŋu ɳuli marrtji ɳaynu ɻakama God-Waŋarrnha dhäruk yolŋuwu wayaŋgu. ¹⁵ Yo, ga ɳathaya ɳayi ɳunhi djalkthunaya, ga ɻurrikun'tja ɳunhi galkina ɳunha dhukarryina. Ga dhukarrya ɳunhi dälnha wirrkina ga yakana ɳayi ɳunhi ɳathaya ɳuthaya. Manymak, ga ɳuriŋiya maŋutjiyu ɳathayu gurra maŋutji-ɻakama God-Waŋarrwuna dhäruk. Ga ɻurrikun'thu yolŋuyu wayay ɳuli ɳäma dhäruk nhanŋu ɳayaŋyu dälyu, balanyana bitjan ɳunhiyi däl munatha'. Ga wäyindhu gurra maŋutji-ɻakama Satan-na ɳunhi ɳayi ɳuli djaw'yun ɳunhiyi dhäruk yolŋuwaya ɳayaŋyu.

¹⁶ Ga ɳunhi ɳayi ɳatha galkina ɳunha ɳundamiyiya, ɳuriŋiya gurra maŋutji-ɻakama ɳunhina yolŋuna ɳunhi ɳayi ɳuli ɳäma dhäruk ɳayaŋyu latju'yu bala

[☆] 4:12 Isaiah 6:9-10

ŋätthuna yana. ¹⁷ Naynu ɳuli wiripuyuya yolŋuyu nhämana ɳunhi ɳayi ɳuli ɳunhiyi yolŋu märr-yuwalkthi ɳuriki dhärukku, bala ɳayi ɳuli mari-wunana nhanŋu. Naynu ɳayi yurru ɳunhiya yolŋu gulyuna dhärukŋuya nhanukaya bala diltji-wekamana God-Waŋarrwutja ga dhärukkuya nhanukalaŋuwu, bili ɳatha ɳunhi maŋutji yaka ɳin'thuna gulŋiyina.

¹⁸ Ga ɳunhi ɳayi ɳatha galkina ɖirri'ṭirrimiyi, ga gulkuruna ɳunhi ɳathaya ɳuthaya, bili gurra ɳunhi yätjthuya mulmuyu djorkumana. Ga ɳuriŋiya gurra maŋutji-lakama ɳunhina yolŋuna ɳunhi waya ɳuli ɳäma God-Waŋarrwu dhäruk, ¹⁹ bala ɳuli ɳunhi wiripuŋuyuna malanyŋuyu gungama. Wiripuna ga wiripuna ɳuli garrinymama walŋayi, nhäku waya djäl. Ga rrupiyana gurra wirrkina guyanji ga be nhäkuna warwuyun, gulk'u'wuna, girri'wu. Naynu ɳuli ɳunhi dhiyanuya malay galmumana God-Waŋarrwayatja dhärukŋu, ga yakana ɳayi yurru ɳunhi nhina latju'kumaya nhanŋuwaya yana God-Waŋarrwuya yolŋu.

²⁰ Ga dhiyanuya dhäwu'y, ɳatha ɳunhi galkina latju'yi munatha'y, ɳunhiya maŋutji ɳuthaya balwakmiyinana latju'yinana, ɳaynu ɳathamiyinana. Ga dhiyanuya gurra maŋutji-lakama ɳunhina yolŋuna ɳunhi ɳayi ɳuli ɳäma God-Waŋarrwu dhäruk ɳaynu ɳuli djämamiyamana yana. Yo, balanyana waya ɳunhi yulŋuya bitjan ɳunhi waŋganybuy gärulwuy gilyunana gurrana gulk'u'na yana wirrkina dhika. Ga wiripuŋuya-a-a gulk'u' yana, ga wiripuŋumiya ga balanya bili."

Yaka djułul'maju djarraṭawun'na

(Luke 8:16-18)

²¹ Naynu ɳayi Djesuya bitjayana waŋana, "Nunhi ɳuli yolŋuyu bađayala dhuŋgur'yun, yaka ɳayi ɳuli ɳunhi banikin'thya bilkthun, ɳeniya?... wo ɳoyyi betthiya djułul'mama. Nunhi ɳayi yurru ɳal'mama ɳunha garrwaryi, märr yurru bukmakthu yana nhäma nhäranhaya." ²² Ga balanyana ɳunhi yulŋuya God-Waŋarrwuya dhäruk. Nhä malanyŋha gurra ɳunhi ɳoŋnu djułul'yun, ɳunhiya yana ɳayipina yurru God-Waŋarryuna dhawatmama, bala bukmakthuya yolŋuyu wayay ɳuli nhäŋuna ɳaynu marnŋithina. ²³ Ma', ɳuli nhe mäkiri'miya latju'kuŋu ɳäkuya ɳarrana märr nhe yurru dharanjan yana.

²⁴ Ga guyanji marrtji dhäruktja ɳarrana. Nuli nhe yurru gurra wirrkiya yana ɳarraku mäkiri'-witjun, ɳayiya yurru God-Waŋarryuya nhokaya gathan nhanŋuwaynha dharanjanami rom, ɳunhi nhe yurru gurra dharanjan nhäya malanyŋha ɳunhi latju'ya wirrkiya. ²⁵

²⁵ Ga ɳuli nhe yolŋu djäl marnŋithinyawu God-Waŋarrwalaŋuwu ɳayaŋuwu, nheya yurru yana gadamandhina. Ga ɳuli nhe yurru yakaya bitjan ɳayaŋumiyi, ɳayiya yurru ɳunhi gułmamana nhuna dharanjananuya, ga ɳunhiya nhe yurru dhuŋjana nhina nhanŋu God-Waŋarrwu."*

God-Waŋarryu ɳayipi gurra dhuwaya gurrutuminaya nhanŋuway ɳuthanmama

²⁶ Ga bulu ɳayi Djesu waŋana bitjaya, "Marnŋithi nhuma yurru nhattjan ɳuli gurra God-Waŋarryu gurrutumina wayana ɳuthanmama. Yo, dhuwayatja dhäwu'mayali'mina: Yolŋu djälmiyina ɳayi yurru lämu-nherraŋ maŋutji ɳatha, ɳaynu ɳayi ɳuli marrtjina ɳunhi ɳathaya djalkthuna munatha'yina, bala gunha'yuna ɳuli ɳunhi maŋutjiya ɳunhimana, ga marrtjina wäŋayina. ²⁷ Manymak, munha ga munha djułkthuna ga yakana ɳayi gurrana ɳuriŋiya yolŋuyu guyaninaya ɳunhiya maŋutjiya ɳathaya. ²⁸ Naynu marrtjina ɳunhi maŋutjiya mala ɳuthana gänana yana. Yo, bala ɳunhi ɖukitja dhamany'tjunana, bitjaya ɳurru-walmanana. Ga yaka wiyin'tja, ɳaynu yaŋara'miyinana, ga yurruna mulkurrya ɳathamiyina. ²⁹ Ga

* ^{4:21} Matthew 5:15, Luke 11:33 * ^{4:22} Matthew 10:26, Luke 12:2 * ^{4:24} Matthew 7:2, Luke 6:38 * ^{4:25} Matthew 13:12, 25:29, Luke 19:26

ŋunhi ŋathaya mulkurrya dälthina, ɳaynu yolŋuya ɳuli marrgithina ɳunhi ŋathaya bilina latju'thinana, ɳaynu ɳayi ɳuli marrtjina gulkthunawuna ɳurikina ɳathawuna. Waya, God-Waŋarryu dhuwaya ɳayipi ɳuli marrtji djäma bitjan ɳuthanmama.”³⁸

Djesuyu wiripuna dhäwu' lakaŋaya, yutjuwala'wuy maŋutjiwuy
(Matthew 13:31-32,34, Luke 13:18-19)

³⁰ Ga bulu ɳayi Djesuyu ɻakaŋaya wiripu mayali'mi dhäwu' bitjaya, “Dhuwaya ɳarra gurra wiripu dhäwu' nhumanju guyajina, ɳunhi yurru nhumana gunja'yun märr nhuma yurru dharaŋan, nhattjan yurru gurra God-Waŋarrwu gurrutumi waya ɳuthan. ³¹ God-Waŋarrwutja dhuwaya gurrutumi yolŋu waya balanya bitjan yutjuwala'na wirrkina maŋutji. ³² Ga ɳunhi yurru ɳunhiyi maŋutji galki munatha'yi ɳaynu yurru ɳunhi maŋutjiya ɳuthana marrtji but-bitjana ga yana bili ga bathalayi yurru, ɳaynu yurru bandjaya mala dälthina. Ga ɳurrŋitjnhā ɳunhi yulŋuya. ɳaynu yurru wäyindja marrtjina ɳaynu yaluna ɳamaŋamayun ɳunhimaya warraw'yi. Yo, bitjana yurru ɳunhi God-Waŋarrwuya yolŋu waya gurrutumi ɳuthan marrtji, bathalayina yana mala.”

³³ Yo, bitjayana ɳayi gurrana ɳunhi Djesuyu marŋikuŋayatja yolŋuna wayana. Ga gulku'mi ɳayi gurrana dhäwu' mala mayali'mi ɻakaŋaya. ³⁴ Ga ɳunhi waya gurrana wayawuy mala nhinana, Djesu ga ɻuŋdu'miŋu waya yana nhanŋu, ɳayiya ɳuli wayanju mayali' bitjana dhawat̄manha.

Djesuyu wapurarrkuŋaya wata ga gapu
(Matthew 8:23-27, Luke 8:22-25)

³⁵ Ga ɳunhi marrtjina waluya gulŋiyina ɳayiya gurrana baðak yana Djesuya nhinana marthaŋanu. ɳaynu ɳayi waŋana nhanukalanjuwu ɻuŋdu'miŋuwu wayanju bitjaya, “Go, ɳilimu marrtjina dhiyanu marthaŋayuna ɳunha gali'yina.”

³⁶ ɳaynu wayatja ɳunhi ɻuŋdu'miŋuya waya ɳal'ŋalyunana ɳaynu marrtjinana. Ga gunha'yuna waya ɳunhi gulku'na yolŋuna wayana bäymayi. Ga wiripu yolŋu waya marthaŋami malthuna wayanju. ³⁷⁻³⁸ ɳaynu ɳayi ɳunhi Djesuya gayŋithinana ɳunhaya dhudinjuna marthaŋanu, mulkurr ɳayi belayi ɳal'yuna bala gayŋithinana. Ga gandarrŋuya bala watana bathalana wirrkina bunana wayanju, buŋayana wayana marrtjina, ga ɖowuya gurrana wapthuna ɳaynu gapuya dhaŋandhinana marthaŋanuya, galki beni ɳunhi marthaŋaya guɻwulŋyunana. Ga wayatja ɳunhi ɻuŋdu'miŋuya waya nhanŋu wirrkina yana biyaniyina, ɳaynu waya gurrana dhirr'yuna Djesuna, “Wäy Marŋikunhami gaŋgathina, rakunydhina ɳilimu yurru, guɻwulŋyuna ɳilimu yurru... yakana nhe gurra dhuwaya warwuyundja, ɳeniya?”

³⁹ ɳaynu ɳayi Djesuya gayŋiŋuya gaŋgathinana bala dhunupa yana ɳayi waŋana dälyuna dhärukthu watanaya, “Gulyuna!” ga ɖowuwuya ɳayi bitjaya waŋana, “Linyguna gulyuna!” bitjaya. ɳaynu dhunupa yana ɳunhi wataya gulyunana bo'yunaŋuya ga ɖowuya marrtjina nyimdhunana bala wapurarrnha gurrana dhärrana. ⁴⁰ ɳaynu ɳayi Djesuya waŋana wayanju bitjayana, “Nhäku nhuma biyaniyinaya?... yaka nhuma gurra ɳarrakuya märr-yuwalkthi?”

⁴¹ ɳaynu wayatja ɳunhi wirrkina biyaniyina, maŋmaŋdhuna manapaya ɳaynu marrtjina bitjayana waŋanhamina, “Nhäŋaya nhuma? ɳunha watayuya ga gapuyuya ɳäkuya ɳanya dhäruk waŋanhaya! Dhuwayatja yuwalknha ganydjarrmina yolŋu!... ɳe?” bitjaya.

Darramu yätjmi birrimbirrmi
(Matthew 8:28-34, Luke 8:26-39)

¹ Djesu ga nhanju lundu'minju waya budapthunana ηuriki Galilee-wu gulun'ku, ga dhawaṭṭhunaya waya ηunha gali'yina galiki yana wäŋaŋu yäkunu Garasa.

²⁻⁶ Ga ηunhi ηayi Djesu marthaŋaŋuya yupthuna ga yolŋuyu yätjmiyu birrimbirrmiyu ηanya nhäŋjaya, yurru walmanaya ηayi ηunhi beŋu bäyma moluŋu, ηunhi ηayi gurrana nhinana ηunhayayi wiyinŋumi. Ga gulku'mi gurrana yolŋuyu wayay garrwi'yuna ηanya djeŋdhū malanyŋuyu, ga luku nhanju wiripuya ηuli dapmanha, yurru gulkuruna, ηayiya gurrana ηuli daw'yuna, ga yupmanha. Ga bäyŋuna ηayi gurrana ηula yokkaya yolŋuwaya ganydjarryuya nhinana. Bitjaya bili munhaŋupaya ga walu-ŋupaya ηayi ηuli buku-wirwiryunaya ηulana bäymana bukukuna molumikuna girri'miriwnha, yatjuna ηuli ga mitmitthunminya gundai raywal'yu.

Manymak, ga ηunhi ηayi ηuriŋi ḍarramuyu nhäŋjaya Djesunaya ηunhaŋga yana barrkuyi bala yana waŋdinana gumurr'yunana bala bun'kumu-djipthuna gumurryina nhanukaya.

⁷⁻⁸ Ga bitjaya ηayi Djesu waŋana ηuriki yätjkuya birrimbirrwu gam', "Way! Gatjuy dhawaṭṭhu dhiyakaya yolŋuwaya, ma'," bitjaya.

Naynu ηayi ηunhi yätjtja birrimbirr waŋana yatjunana, "Djesu! Gäthu'minju God-Waŋarrwu, ηunhi ηayi djiwarr'wuy, nhattjana nhe yurru ηarrana dhuwaya yulŋuya? God-Waŋarrwaya yäkuyu ηarra nhuna gurra ηäŋ'thun, yaka ηarrana bađuwađuyu."

⁹ Naynu ηayi Djesuyuya dhä-wirrka'yunana ηanya bitjaya, "Yol nhe dhuwaya yäkuya?" bitjaya.

Ga ηayiya lakanhamina bitjaya, "Narraya dhuwaya yäku *Mala-Gulku'*, bili gulku'na wirrkina ηarrakaya gurra yätjtja birrimbirr malanyŋha nhina," bitjaya.

¹⁰ Naynu gurrana ηunhi yätjtja birrimbirr mala ηurikaya ḍarramuwayatja bukuḍuwaṭṭhunana waŋana Djesuwuya bitjayana, "Yaka ηanapuna ηaŋ'ηaŋdhū dhipuŋu wäŋaŋu!"

¹¹ Manymak ga ηunhaya bili galiki yana bukuŋu 2,000 bikipiki malanyŋha gurrana larru'larruŋaya ηathawu. ¹² Naynu ηuriŋiya yätjtuya birrimbirryu malanyŋuyu waŋana wirrkina Djesunaya bitjaya, "Wäy, ηaynu ηanapuna djuy'yu, märr ηanapu yurru gärri ηunha bikipikiwayana," bitjaya.

¹³ Ga ηunhi ηayi Djesuyu ηäkuya wayana ga bitjayana ηayi waŋana, "Ma'... marrtjina waya!" Naynu gurrana ηunhi yätjtja birrimbirr mala walmana ḍarramuwayatja ηaynu gulŋiyina bikipikiwayana. Naynu gurrana ηunhi bikipikiya mala waŋdinana, ḍur'turyunmina marrtjina, ηaynu gurrana larryuna bukuŋuya, gapuyina gulun'thina yana, bala gurrana gulwuluyunana.

¹⁴ Ga waya ηunhi bikipiki djäkami waya waŋdina ηaynu wäŋayina malaŋuyi, ηaynu waya marrtjina lakaŋayana bukmakkuna yana ηunhi nhä gurrana ηunhaya malŋ'thuna. Ga gulku'yu yolŋuyu wayay gurrana gunha'yuna wayaŋgu wäŋa malanyŋha, djälmiyina waya ηunhi nhänharaw ηuriki ηunhi nhä ηunhaya malŋ'thuna. ¹⁵ Ga ηunhi waya marrtjina Djesuwuya, ηaynu waya nhäŋjaya ηunhiya ḍarramuna ηunhi nhanukaya gurrana häthiyi nhinana gulku'na wirrkina yätj birrimbirr malanyŋha. Ga nhinana ηayi gurrana mulkurr latju'na ga girri'mina dhaṭṭhunminyayana. Ga ηunhi waya yolŋuyu wayay nhäŋjaya, ηaynu waya yana biyanjiyinana, bili waya yana dharajayana ηunhi yurru gurra bitjandja yolŋuyu yätjtja birrimbirr dhawaṭṭmama balanyaya ηunhi yolŋu buluna wal'ŋu ganydjarmi. ¹⁶ Ga wayatja ηunhi maŋutji-marŋgimiyuya gurrana dhäwu'na lakaŋaya wiripuwuna yolŋuwu wayaŋgu nhanukalaŋuwuy ηunhi ḍarramuwalauwuynha ga bikipikiwalauwuynha. ¹⁷ Naynu wayatja ηunhi yolŋuyuya wayay gurrana waŋana ηanya Djesuna marrtjinyawuna yana.

18 Ga dhiyanunja bili ɳayi Djesu ɳal'yuna marthanayiya, ɳaynu ɳayiya ɳunhiya darramu ɳunhi nhanukaya gurrana ɳäthiyi nhinana yätj birrimbirr mala, waŋana gurrana wirrkina dhika bitjaya, “Dhuwaya ɳarra yurru ɳunu malthuna yana!”

19 Yurru ɳayiya Djesuya yaka'yuna nhanju, ga waŋana ɳayi nhanju bitjaya, “Gatjuy nhe ɳaynuyi ɳäthiyi ronjiyi gurrutumiwu nhokalaŋuwu, ga ɻakaŋu wayanju ɳunhi nhä ɳunu God-Waŋarryu manymak djäma ga nhattjaya ɳayi ɳunu maŋutjiewyuna.”

20 Naynu ɳayi ɳunhi darramuya marrtjina roŋiyinana ɳaynu makarryi wäŋayi Decapolis-thi, ɳaynu yana marrtjina ɻakaŋayana bukmakkuna, ɳunhi nhattjaya ɳayi Djesuyu djäma nhanju. Ga bukmakthu ɳunhi yolŋuyu wayay ɳäkuya dhäwu' nhanukalaŋuwuy ganyim'thunana.

Djesuyu walŋakuŋaya Jairus-ku gäthu'miŋuna, ga miyalknha ɳunhi ɳayi girri' nhanju mulkana

(Matthew 9:18-26, Luke 8:40-56)

21 Ga dhurrwaraŋu beŋuya ɳayi Djesu ga ɻundu'miŋu waya nhanju bunana marthaŋayuna ɳunha gali'yina ɳuriki ɻulun'ku, yäkuŋu wäŋaŋu Capernaum-nha. Ga ɳunhi waya gurrana marthaŋayua yupthuna, ga malamina ɳunhi yolŋuya waya ɻuŋ'thuna nhanukaya. **22** Ga ɳunhayayi malauŋu gurrana yolŋu yäku Jairus djingaryuna ɳunhi ɳayi ɳurru-dawalaŋu Jew-wu birtyamiwu buŋbuwu. Ga ɳunhi ɳayi Djesunaya nhäŋaya, ɳaynu yana ɳayi marrtjinana bala bun'kumu-djipthunana munatha'yina gumurryina nhanukaya. **23** Naynu ɳayi gurrana waŋana wirrkina Djesuwayana bitjaya gam', “Marrkapmi! Yothu ɳarraku ɳunha miyalk 12-mi dhungarrami rirrikthun gurra, galki ɳayi yurru ɳunha rakunydhina! Buku-djulŋi, ɳäthiyi marrtji go, ga goŋ-ɳal'yu nhanukaya märr ɳayi yurru latju'yi, ga yakana rakunydhia.”*

24 Ga marrtjina ɳayi Djesuya malthuna nhanju Jairus-kuna.

Ga ɻulku' ɳunhi wirrkina yolŋuya waya gurrana malthuna maŋdaku yurru dur'-turyunminana waya marrtjina.

25 Ga ɳunhayayi malauŋu gurrana marrtjina miyalk, yurru ɳayi ɳunhi ɳaraka-djetji'mi. Ga märr wiyinŋumi ɳayi ɳunhi 12-nha dhungarra rirrikthunaya.

26 ɻulku'mi ɳayi gurrana marrtjina marrŋigitjkaya wayanġaya gunja'yunawu yurru gulkuruna. Ga warrpam'thunana ɳayi ɳuli rrupiya nhanjuway djalkthuna wayanġaya, yurru bäŋjuna ɳayi ɳunhi yuwalktja latju'yina, ga rerriya marrtjina ɳunhi wirrkina bathalayina. **27-29** Ga ɳunhi ɳayi ɳuriŋi miyalkthu ɳäkuya Djesunaya, ɳaynu ɳayi bitjayana guyanina, “Nuli ɳarra yurru girri'ya nhanju mulka ɳarraya yurru yana latju'yina.” Naynu yana ɳayi marrtjina diltjikuna dhalakarr-yarpaŋaya yolŋuwaya wayanġaya malakuyu. Ga ɳunhi ɳayi goŋ-djarryunaya baŋnha mulkana girri'ya nhanju.

Naynu dhunupana nhannu ɳunhi ɳurru-yätjtja gulyunana, ɳaynu ɳayi dhäkay-ɳäkuya ɳunhi rerri'yuya ɳanya gunha'yunana.

30 Ga balanyamiyu bili yana ɳayi Djesuyuya dhäkay-ɳäkuyana nhanukiyingaya ɳayi rumbalyu, ɳunhi ganydjarryuya ɳanya gunha'yunana. Ga gulyunana ɳayi, bala gumurr-bilyuna ɳaynu dhä-wirrka'yunana wayana bitjayana, “Yolthu ɳarraku girri'ya mulkana?”

31 Ga waya ɳunhi ɻundu'miŋuya waya nhanju waŋana bitjaya, “Nhäŋu ɳäthiyi dhuwaya yolŋuna waya mala, ɳapa-ɳal'ɳalyunmina marrtji dur'-turyunmina

* **5:23** 1. ɳunha Greekkuyuya gurra bitjan djingaryun, “Go, goŋ-ɳalyu nhanukaya”. ɳunhiya mayali' balanya, “Go, walŋakuŋu ɳanya.” 2. ɳunha Greekkuyuya Dhuyuŋuna Djorra'ŋu waya bitjan gay' wukirri, waya yurru galkun ga gunha yurru number 42-ɳuna ɻakama dhungarraya nhanju ɳurikiya miyalkku.

nhokaya. Nhäku nhe bitjayatja wanjana, gulku'na dhuwaya wirrkina yolnuya waya," bitjaya.

³² Naynu ḥayi Djesuya bilyunana bala marrtjina nhäŋayana yolnunaya wayana, märr ḥayi yurru malŋ'mama yolthu nhannu girri' mulkana. ³³ Ga dhunupana yana ḥunhi miyalktja marŋgithinana bala marrmarryunana marrtjina biyaniyuna nhankiyangaya ḥayi, bala yana djalkiri-dhathar'yuna ḥaynu yana bun'kumudjipthuna gumurryina nhankaya Djesuwaya bala ɻakanhamina, "Marrkapmi, ḥarra ḥunhi nhuna mulkanaya."

³⁴ Naynu ḥayi Djesuya wanjana nhannu bitjayana, "Wäy... gäthu, bilina nhe ḥarraku märr-yuwalkthinana, ga bilina nhe dhuwaya walŋathinana rerriŋuya. Gatjuy marrtjina ḥoy-layuna bilina nhe dhuwaya walmanana beŋuya rerri'ŋuya romŋu," bitjaya.

³⁵ Ga ḥayiya gurrana ḥunhi Djesuya baðak yana wanjana, ḥaynu wayatja ḥunhi yolnuya waya marrtjina dhäwu'miya beŋu Jairus-kayatja wäŋanu, ḥaynu waya ɻakanjajana bitjayana, "Wäy... wäŋaya dhuwaya ḥonuŋ. Yakana buluya dhuwayi Marŋgikunhaminaya ɻaylaymaŋu," bitjaya.

³⁶ Ga ḥayiya ḥunhi Djesuyuya wayana djułkmaŋaya ḥäkuya, bala ḥayi bitjayana Jairus-kuya waŋana, "Yaka warwuyu ga biyanı, yana märr-yuwalkthi ḥarraku," bitjaya. ³⁷ Naynu ḥayi Djesuya bitjana waŋa, "Gulyuna nhuma wiripuya waya ga dhuwaya yurru ḥalinguya malthun wayawuŋha yana Peter-na ga maŋdana wäwa'manydji James-nha ga John-nha ga linyguna." ³⁸ Ga ḥunhi waya Jairus-kaya wäŋanu bunana bala waya nhäŋayana yolnuna wayana waya marrtjina djämana dhika wiripuna ga wiripuna ḥurikina bapurru'wuna romgu. Ga wiripuya yolŋu waya gurrana ḥäthinyamina, wiripuya nhinana gurrum'nha ḥäthina ga wiripuya dhä-rirrakaymina manikaynha yuŋgurrnha ɻakanjaya. ³⁹ Naynu ḥayi Djesuya gulŋiyina ḥaynu wäŋayina, ḥaynu ḥayi wanjana wayanu bitjayana, "Nhä nhuma gurra dhuwaya djämaya, nhä nhuma guyaninaya yana beni dhuwaya bapurru'na? Ga nhäku nhuma gurra dhuwaya ḥäthinyamiya? Dhuwaya wirrkuł yothu yaka ḥayi rakuny, dhuwaya ḥayi gurra yakurr yana gayŋithi."

⁴⁰ Ga wayatja ḥunhi yolŋu'-yulŋuyuya warku'yuna, gitkitthunmina manapaya nhannu.

Naynu ḥayi gurrana Djesuyuya gukuŋayana wayana bitjayana, "Gatjuy nhumaya bukmaknha yana walmina." Naynu waya bukmaknha yana dhawatthuna buŋbuŋuya. Manymak, ga garr'yunaya ḥayi ḥäŋdi'miŋuna yana ga bëpa'miŋuna Jairus-nha ga lurrkun'nhana guyurr'miŋuna wayana nhannuway, bala waya garri'karrina ḥunhima buŋbuyina ḥunhi wanhami gurrana yothu wirrkuł gayŋithina. ⁴¹ Naynu ḥayi Djesuyuya goŋnha ḥanya mulkana ḥunhina wirrkułnhaya bala wanjana nhankaya dhärukkyuna Arram-guyuna, "Dalitha gom!" (Mayali' "Wirrkuł gangathina!")

⁴²⁻⁴³ Ga dhunupana yana ḥayi ḥunhi wirrkułyga gaŋgathinana, bala yana marrtji'marrtjinana. Naynu ḥayi Djesuya wanjanana, "Gatjuy ḥula nhä waya nhannu wekuŋu ḥayi ɻukana," bitjaya.

Ga bukmakthuna ḥunhi nhäŋaya ḥayaŋu-ŋirryunami rom, ḥaynu ḥayi Djesuya wanjana wayana wirrkina yana bitjaya, "Yaka yana ɻakanu ḥula yolku yolŋuwu dhiyakuwuyya," bitjaya.

¹ Nayju ɳayi Djesuya marrtjina gunha'yunana ɳunhiya wäŋja Capernaum-dja, roŋiyina nhanukiyingayana wäŋayi Nazareth-dhina, ga bukmak yana lundu'miŋuya waya nhanju malthunmina. ² Ga wiripuŋuyu Jew-waya Nhinanhamiyu Waluyu, ɳayi gurrana Djesuya marŋgikuŋaya gulku'na yolŋuna wayana ɳunhaya ɳunhi birtyamiŋuna buŋbuŋu. Ga ɳunhi waya gurrana ɳäkuya ɳanya ɳunhi nhä ɳayi gurrana wayana marŋgikuŋaya, ɳayju waya bitjayana waŋanhamina, "Wäy, dhuwayatja yolŋu gadamanha. Wanhami ɳayi gurrana dhuwaya marŋgithinaya dhiyakuya malawu? Ga wanhaŋu ɳayi gurrana dhuwaya ganydarrya ɳätthuna djämawu ɳayaŋu-ɳirryunamiwuya romgu? ³ Dhuwayatja dhuwaya ɳunhi buŋbu-dhul'yunami warray yolŋu! Dhuwaya ɳilimuya dhiyakuwuynha bili wäŋapuy yana, ga marŋgi ɳilimu nhanukalaŋuwu ɳändi'miŋuwuya Mary-wuya. Ga marŋgi ɳilimu nhanukalaŋuwu wäwa'miŋuwuya wayaŋgu yäkuwu James-ku ga Joseph-ku ga Judas-ku ga Simon-gu, ga marŋgi ɳilimu nhanukalaŋuwu yapa'miŋuwuya wayaŋgu." ɳayju gurrana ɳunhi yolŋuya waya nhanju yakana märr-ŋamathinaya, ɳurru-wil'wilyunana waya gurrana nhanju.

⁴ Yurru ɳayi Djesuya waŋana bitjaya, "Nunhi ɳuli God-Waŋarrwuya djawarrkmi yolŋu marrtji wiripumaya wäŋayi ga wayatja ɳunhi wäŋja-waŋanumiwyu yolŋuy wayay dhäruk ɳätthun ga gumurr-ŋamathi nhanju. Ga ɳunhi ɳayi yurru marrtji nhanukiyingayatja wäŋayi, ga nhanukalaŋuwu gurruṭumiwu yolŋuwu buna, ga wayatja yurru ɳunhi yakana dhäruk-ɳätthun ga märr-yuwalkthi nhanju."*

^{5-6a} Ga ganyim'thunana ɳayi ɳunhi Djesuyuya nhäŋaya, bili yolŋuya waya ɳunhi ɳayaŋuya-dälthinana ga yakana waya gurrana ɳunhi buluya märr-yuwalkthina. Ga yakana ɳayi gurrana ɳunhi ganydjarrmiya rom baki wirrkiya, lurrkun'nha yana, yana ɳayi marrtjina waŋga'-waŋganygayana goŋ-ŋal'yunaya yolŋuwaya rerrimiwaya, bala yana wayatja walŋathinana.

*Djesuyu djuy'yuna 12-nha lundu'miŋuna wayana Godkalauwu djämawu
(Matthew 10:5-15, Luke 9:1-6)*

^{6b} Nayju ɳayi marrtjina Djesuyuya marŋgikuŋayana yolŋuna wayana buku-liw'maŋaya ɳunha yutuŋgurru wäŋaŋu. ⁷ Ga lundu'miŋuna wayana nhanjuway ɳayi, ɳayju ɳayi ganaŋ'thunmaŋayana wayana bulal' ga bulal', ga bitjayana ɳayi ɳunhi waŋanaya wayaŋgu, "Ma', marrtjina waya wäŋayina malanyuyi ga marŋgikuŋuna yolŋunaya wayana God-Waŋarrwuna. Narra nhumana gurra dhuwaya ganydarrya wekamana nhuma yurru dhawaŋmamana yätjtja birrimbirr mala. ⁸⁻⁹ Ga yaka ɳätthu gulku'ya girri' bili ɳayi yurru nhunu God-Waŋarryu djäma ɳäthiyi. Dharpa yana ɳätthu gaŋdji'yunawu ga djalkiriwuy dhuwayi lukuŋu nhokaya ga dhuwanna bili girri'ya dhuwayyi galŋajju nhe gurra gäma. Ga yaka gäŋu ɳula nhä ɳatha ga rrupiya ga ɳula nhä bathi. ¹⁰ Ga ɳuli nhuma yurru bunaya birrka'miju wäŋaŋu ga wäthun ɳunhi waya yurru nhumaŋgu gumurr-ŋamathiya bitjandja waŋa, 'Go, ɳunhaya nhuma yurru ɳarrakaya buŋbuŋu gayŋithi,' nhumaya yana marrtjina ga yukirri ɳunhayana buŋbuŋu ga yana bili-i-i, ga djäma nhumaŋgu yurru dhawar'yun, ga yurruna wayana gunha'yu. ¹¹ Ga ɳunhi nhuma yurru buna birrka'miju wäŋaŋu ga yaka nhumaŋgu yurru ɳunhi wäŋja ɳurikiwuy yolŋu waya gumurr-ŋamathi, ga yaka waya yurru ɖuktukmiyi ɳänharaw nhunu, nhumaya yurru gunha'yuna yana ɳunhiya wäŋja bala munatha'ya lukuŋuya djalk-tjalkthuna ɳurikiwuy wäŋawuy, ga biyakuna waŋi wayaŋgu, 'Dhuwaya nhuma yaka djälmiyina ɳarraku mäkiri'-witjunawu, ga ɳunhi yurru ɳula nhä mari nhumaŋgu malŋ'thun, ɳunhiyiya nhumaŋguwaynha mari,' biyakuna waŋi, ga yaka ɖawa'yu, yana ɳapa-wil'yuna wayaŋgaya."**

* **6:4** John 4:44 * **6:11** Nhäŋu Luke 10:4-ŋuyu ga bala 11-dhi ga Acts 13:51.

¹² Yo, bala waya ɳunhi ɻundi'minjuya waya marrtjina barrkuwatjthinana bulal' ga bulal' wiripumana ga wiripumana wäŋayi, ga ɳunhayana waya lakaŋaya dhäwu'ya yolŋu'-yulŋuwuya bitjaya, "Gulyuna waya dhuwurr-yätjŋuya nhumanjgaya nhuma, bala malthuna God-Waŋarrwuna yuwalkŋuwuna dhukarrwu." ¹³ Ga gulku'na wirrkina waya gurrana ɳunhi yätjtja birrimbirr malanyňha dhawatmaŋaya yolŋuwaya wayanġaya. Ga gulku'waya ɳunhi rerrimiwaya waya gurrana weka' rarryuna mulkurryi yurru ɻurrkun' yana, yaka gulku', märr waya yurru latju'yina.◊

*John ɳunhi Buku-ɻupthunami darramu rakunydhinana
(Matthew 14:1-12, Luke 9:7-9)*

¹⁴ Ga ɳulinyamiyu waluyu gulku'yuna gurrana ɳunhi yolŋuyu wayay Dje-suwalanjuwuya dhäwu' ɳäkuya. Ga ɳayi ɳunhi yindiyu buŋgawayu yäkuyu King Herod-thuya ɳäkuya yana ganydjarr nhanukalanjuwuy. Ga bitjayana gurrana ɳunhi wiripuya yolŋu waya waŋana, "Dhuwaya ɳayi John ɳunhi Buku-ɻupthunami, yurru Djesu-gunhaminana ɳayi rumbalya, dhuwaya ɳayi yawungu bulu walŋathi rakunyŋyu, ga dhiyanjuna ɳayi gurra dhuwaya Djesuyu ɳuli ɳayaŋ-ganyim'thunamiya rom djäma."

¹⁵ Ga wiripu yolŋu waya gurrana waŋana bitjanmina, "Dhuwaya mak Elijah ɳeniya ɳunhi God-Waŋarrwuna djawarrkmi ɳäthiliŋuna?" Ga bulu wiripu yolŋu waya waŋana bitjaya, "Yaka dhuwaya Elijah, dhuwayatja ɳula yol wiripu God-Waŋarrwu djawarrkmi ɳäthiliŋu."◊

¹⁶ Ga ɳunhi ɳayi Herod-thu ɳäkuya ɳunhi ɳhä marrtjina yolŋu waya lakanhamina, bala ɳayi yana dhäruck wekanjaya bitjayana, "Dhuwanna John-dja ɳunhi Buku-ɻupthunamiya yolŋu. Ga bili ɳarra ɳunhi ɳäthiyi yana dhäruktja-wekanjaya ɳarrakalanjuwu djämamiwu wayanġu bitjaya, 'Gatjuy gupana waya ɳanya gulkthu.' Ga dhuwaya ɳayi, bilina walŋana."

¹⁷⁻¹⁸ Yo, bitjaya ɳayi ɳunhi małŋ'thunaya gam' ɳäthiyiya. Nurikiya yindiwuya buŋgawawu yäkuwu King Herod-ku gurrana yukuyuku'miŋu nhinana yäku Philip, ga miyalk nhanŋu yäku Herodius. ɳaynu ɳayi ɳuriŋi yindiyu buŋgawayu King Herod-thuya gumbunjayana ɳunhi yukuyuku'miŋuwuya miyalknha. Manymak, gulku'mi ɳayi gurrana John marrtjina ga waŋana maŋutji-yunupa Herod-ku bitjaya, "Yaka nhe djaw'yu dhuwayi yukuyuku'miŋuwu nhokalanjuwu miyalknha. Dhuwayitja nhe gurra daw'yuna ɳilimuŋgu romnha, Jew-wuna bäpurru'wu." Yurru ɳayi ɳunhi Herod-thuya ɳätthunana yana ɳunhi miyalknha. ɳaynu ɳayi ɳunhi dhäruktja-wekanjaya djämamiwaya wayanġaya waya yurru John-na gärrinymama dharruŋguyina.◊

¹⁹ Ga bitjaya bili ɳayi gurrana ɳunhi John-dhya ɳayaŋu-yätjkuŋaya waŋana, ɳaynu marrtjina ɳunhi miyalktja ɳoy-dhärranana nhannu John-guya, ga duktukmiyinaya ɳayi gurrana ɳunhi wirrkina yana murrkay'kunhawuna yana baymatthunawu nhanŋu, yurru bäŋyu ɳayi ɳula dhukarr małŋ'maŋaya. ɳaynu ɳayi Herod-thuya gurrana mulkanana John-naya dharruŋguŋuna, ²⁰ ga bitjaya ɳayi ɳunhi dhäruck-wekanhamina djäkamiwayatja gam', "Dhiyakuya nhuma yurru gurra latju'kuma yana djäka."

Ga wirrkina ɳayi ɳunhi yindiyuya buŋgawayu Herod-thuya waŋana John-naya märryu-dapmaŋaya ga beyaŋiyina manapaya. Ga marŋgi ɳayi ɳunhi, ɳanya God-Waŋarryu lili djuy'yuna ga nhäwi ɳayi ɳunhi ɳayaŋu-dhunupa balanya latju' yolŋu. Ga djäl ɳayi ɳunhi wirrki yana nhanŋu ɳayi yurru gurra ɳäma ɳanya dhäwu'yi lakanhayi. Yurru gulku'mi ɳayi gurrana ɳunhi John-dhu ɳayaŋu-yätjkuŋaya ɳanya ɳunhi ɳayi ɳuli waŋanha dhäwu' lakanha.

◊ **6:13** James 5:14 ◊ **6:15** Matthew 16:14, Mark 8:28, Luke 9:19 ◊ **6:17-18** Luke 3:19-20

²¹ Manymak, ga waŋganimiyu waluyu waya marrtjina lunj'thuna ɻathawuna lukanhawu, ga ɻuliwitjaya waya guyajina ɻunhi Herodku dhawal-wuyaŋinyami walu. Manymak, ga balanyamiyu ɻayi ɻunhi miyalkthu yäkuyu Herodius-thu guyajina bitjayana, "Yä-a-a, dhuwaya ɻarra yurru buku-roŋinymamana ɻurikiwuy John-guna, ɻunhi ɻayi nhattjaya John-dhu gulinybuŋaya Herod-nha ga ɻarrana." Ga gulk'u' waya marrtjina ɻathawu lukanhawu balanya bitjan ɻurru-warryunayu gapman waya, ga madakarritjmiwu mirinuwu wayaŋgu bungawa'minu ga ɻalapalmi ɻurukuwuyunha makarrwuy wäŋawuy Galilee-wuynha. ²² Yo, lukanaya waya marrtjina ɻathaya ga gapuya, ga ɻunhaya gurrana wirrkul miyalk giritjina, yurru ɻayi ɻunhi waku'minuya ɻuriki miyalkku Herodius-ku. Yo, giritjina ɻayi gurrana ɻunhi wirrkul miyalk latju'kuŋayana dhika. Naynu ɻayi ɻunhi yindiya bungawa Herod-tja ga yolŋu waya wirrkina maŋmaŋdhuna nhanukaya bungulyu. Naynu ɻayi Herod-tja wätthunana nhanŋu bitjayana, "Nuli nhe yurru ɻarrana ɻäŋ'thun ɻula nhäku nhe djäl, ɻarraya yurru yana wekamana nhunu. ²³ Ga ɻuli nhe djäl ɻarra yurru mala-wulkthun bukmaknha yana, ga wanhabaka wäŋa makarr malanynha ɻarrakaya goŋnu, ɻarraya yurru yana gulkthuna nhunuŋya ga ɻarrakuway. Ga ɻunhi yurru dhuwayi bäyŋuya bitjan malŋ'thun, ɻarra yurru ɻäŋ'thun ɻayi yurru ɻarrana God-Waŋarryuya dhä-dir'yuna yana." bitjaya.

²⁴ Ga ɻayiya ɻunhi ɻäŋdi'minuya waŋana bitjayana, "Gatjuy... buku-djulŋi, ɻäŋ'thuna John-galaŋuwuna yana mulkurruw." bitjaya.

²⁵ Naynu yana ɻayi wirrkul ya roŋiyina ɻaynuŋyi Herod-kaya, ɻaynu bitjayana waŋana, "Yindi bungawa, ɻuktuktja ɻarra dhuwaya nhe yurru gupa gulkthun John-nha ɻunhi Buku-ɻupthunamina yolŋuna dhiyanuna bala yana, ga gurrunhandja nhe yurru mulkurrya ɻimbilimbilkthi rupa'yi ɻaynu gäŋuna ɻarrakayana," bitjaya.

²⁶ Ga ɻunhi ɻayi Herod-thu balanyawuy ɻäkuya, ɻaynu yana ɻayi ɻayaŋuya-yätiŋhinana märr-dhumbal'yunana manapaya. Yurru yakana ɻayi gurrana ɻunhi ɻuktukthinaya ɻayi yurru dhäwu'ya nhanŋu ɻaw'yun, bili ɻayi ɻunhi dhawu'-nherraya ɻanya gulk'u'waya ɻalapalmiwaya. ²⁷ Naynu ɻayi Herod-tja wätthunana mirinuwuna bungawawu ɻaynu dhäruknha-wekaŋaya, "Gatjuy marrtjina ɻunha dharruŋguyina wanhabaka gurra John nhina ɻaynu gupana ɻanya gulkthu." ²⁸ Ga ɻayi ɻunhi ɻätthunaya ɻanya gupaya ga mulkurrya ɻaynu gurrunhaya bilitthina ɻaynu gäŋaya ɻurikayana wirrkulwayana. Ga ɻayiya ɻunhi ɻuriŋi wirrkuluya ɻätthunaya ɻaynu wekaŋaya ɻunha ɻäŋdi'minuwuna nhanukalaŋuwu. ²⁹ Ga ɻunhi waya John-gaya guyurr'minuju wayay ɻäkuya dhäwu'ya nhanukalaŋuwuy rakuny-dhinyawuyya, ɻaynu waya yana marrtjinana ɻätthunawuna nhanŋu rumbalwuna ɻaynu moluyina märrkitjkuŋaya.

Ga bitjayana ɻayi gurrana Herod-thuya guyajina yana be ɻayi Djesuya John-na ɻunhi Buku-ɻupthunamina yolŋu. Ga balanya ɻayi ɻunhi dhäwu'ya.

Djesuyu dulpu-wekaŋaya gulk'u'na yolŋuna wayana djulkmaŋaya gurra 5000-naya malana

(Matthew 14:13-21, Luke 9:10-17, John 6:1-14)

³⁰ Manymak, ga ɻunhi waya lundu'minu waya nhanŋu Djesuwu gumurr-roŋiyina beŋu djämaŋuya, ɻaynu waya gurrana ɻakaŋayana Djesuwuna nhä waya gurrana djäma ga marnŋikuŋaya yolŋuna wayana. ³¹ Ga balanyamiyuya gurrana ɻunhi gulk'u'na wirrkina yolŋuya waya ɻarruŋaya nhanŋu Djesuwu, ga bäyŋuna wayaŋgu ɻunhi waluya ɻäthawuya lukanhawu, Djesuwuya ga lundu'minuwuya wayaŋgu.

Naŋyu ɻayi waŋanana ɻuriki ɻundu'miŋuwutja wayangu bitjaya, "Go, ɻilimu ɻathiyi marrtji ɻula gänaŋuyi wäŋayi märr ɻilimu yurru ɻir'yunmi."

³² Nayu waya wapthunana marthaŋayina ɻayu marrtjina gänaŋuyina wäŋayi.

³³ Ga gulku'yuna gurrana ɻunhi yolŋuyuya nhäŋaya ɻunhi goyurr marthaŋaya wanhamma waya gurrana ɻunhi marrtjina. Nayu ɻunhi yolŋuya waya ɬaw'yunana goyurr-ŋupayana marthaŋanaya yurru diltji'kuna, ga wayana ɻunhi ɻurruŋuya bunana ɻunhaya wäŋayu. ³⁴ Ga ɻunhi ɻayi Djesu yupthunaya marthaŋayua ɻayu gurrana ɻunhi yolŋuya waya galkunana nhanju. Ga ɻunhi ɻayi Djesuyu nhäŋaya wayana malaya bitjan, waya yakana marnŋi nhattjan waya yurru nhina romju raypirri'ŋu, balanyana, waya ɻunhi bitjan wäyin bimbi malanyinha djäkamiriwnha. Nayu ɻayi wirrkina ɻayaŋu-wuyunaya wayangu, ga marŋgikunyatja ɻayi gurrana wayana ɻunhi God-Waŋarrwalaŋuwuna Romgu³⁵⁻³⁶ ɻurru-yirr'yunaya dämbuyu-waluyu ga yana linygu-u-u, ga läy-wilyunayu. Nayu ɻunhi ɻundu'miŋuya waya nhanju waŋanana, "Wäy, läy-wilyunana dhuwaya ga bäŋjuna dhuwaya ɻathaya, gatju-mak waŋi dhuwayi yolŋuna wayana waya yurru ɻatha wayanguway ɻätthun dhuwaya ya' wäŋaku mit̄tjiku."

³⁵ Ga ɻayi Djesuya bitjaya buku-ronjinyaŋaya, "Yaka dhuwayitja latju'. Nhumapi yana wayana yurru dulpu-wekama."

Ga wayatja dhä-wirrka'yuna ɻanya märr-dhumbal'yuna manapaya bitjaya, "Wäy, wanhami dhika' ɻanapu yurru malŋ'mama balanyaya rrupiya mala dhiyaku yolŋuwu wayangu dulpu-wekanhawu? Dhuwaya yurru yolŋu gurra djäma waŋganinha dhuŋgarra dhä-mana'manapan rrupiya ɻäthiyi wuŋili'yunawu ɻathawu."

³⁶ Ga ɻayi Djesuya waŋana bitjaya, "Malŋ'maŋu waya, yolthu gurra ɻula ɻathaya gäma?"

Nayu waya larruŋaya gurrana ga roŋiyina waya bala ɻakanaya bitjaya, "Goŋ waŋgany dhuwaya dämba'ya ga bulal' ɻarirri'ya."

³⁷ Nayu ɻayi Djesuyuya waŋana dhäruk-wekaŋaya ɻunha ɻundu'miŋuna nhanjuway ɻayi bitjaya, "Ma', waŋina dhuwaya yolŋunaya wayana waya yurru nhina mulmuŋuna yurru mit̄tji ga mit̄tji ga mit̄tji." ³⁸ Nayu gurrana yolŋuya waya mala-wulkthunana wiripuya yolŋu waya 100 mala ga wiripuya 50 ga ɻaynuna wala, ga beŋga gurrana nhinanaya.

³⁹ Nayu ɻayi Djesuyuya ɻunhi goŋ-waŋganydja dämba' ga ɻarirri' maŋdana ɻätthunana. Ga buku-garrwarthina ɻayi djiwarr'yi buku-wekaŋaya God-Waŋarrnha, ɻayu daw'tawyunana ɻayu wekaŋaya ɻunha ɻundu'miŋuwuna nhanukalaŋuw märr wayatja yurru weka'wekamana ɻunha yolŋunana wayana.

⁴⁰ Ga ɻukanaya waya marrtjina ɻunhi ɻathaya ga bukmak yana gana'. ⁴¹ Ga ɻukanana waya marrtjina ga dhawar', bala ɻunhi guyurr'miŋuya wayay wapmaŋaya bäythinyawuya ɻatha, ga dhaŋaŋguŋayana 12-nha bathi malanyinha.

⁴² Ga ɻula nhämuny'nha ɻunhi 5000-na darramuya yana mala, ga gänayi ɻunhi miyalktja waya ga yumurrku'ya balanyaŋga bili mit̄tji.[†]

Djesu gurrana marrtjina ɻapa'kuyu gapukuyu

(Matthew 14:22-33, John 6:16-21)

⁴³ Ga dhuŋupana yana ɻayi ɻunhi Djesuya waŋana wayangu ɻundu'miŋuwu wayangu bitjaya, "Wäy waya, nhumaya marrtji marthaŋayuna ɻunha gal'yina ɻunha Bethsaida-yina." Nayu waya marrtjina budapthunana ɻuriki gułun'ku, ga ɻayipina Djesuna wäŋa-ɻurr'yunaya ɻunhaya bäymaya, ga yolŋunaya wayana

* **6:34** Numbers 27:17, 1 Kings 22:17, 2 Chronicles 18:16, Ezekiel 34:5, Zechariah 10:2, Matthew 9:36 † **6:44** 5,000 ɻunhi darramuya waya, ga bulu miyalktja waya wayangu ga yumurrku' mala wayangu, ga bukmaktja ɻunhi mala mak 20,000-na, gulku'na wirrkina.

ŋayi ɳäthiyina gurrana djuy'yuna rojinymaŋaya wäŋayina. ⁴⁶ Ga ɳunhi waya yolŋuya waya latjuwarr'yuna, ɳayŋu ɳayipiya Djesuya bukuyina ɳal'yuna buku-miyanhawuna.

⁴⁷⁻⁵⁰ Ga ɳunhi wäŋaya munhakuyina ɳayŋu ɳayi Djesuya yarrupthonana bukuŋuya. Ga waya ɳunhi ɻuŋdu'miŋuya waya nhanŋu marthaŋamiya waya balanyamiyuya ɳunhayana dhulmuŋuna gapuŋu. Ga wirrkina wayana gurrana ɳunhi watayuya buku-nhirraya ga wirrkina waya gurrana ɳunhi ɻiw'yunminaya. Ga munhakuna ɳayi Djesuyuya goyurr-ŋupaya wayana, yurru marrtjinaya ɳayi gurrana ɳunhi ɻukuyuna ɳapa'kuyuna gapukuyu. Ga dhiyanŋga bili ɳayi marrtjina ɳunhi djulkmaŋaya wayana marthaŋaminaya wayana ɳayŋu waya ɳanya nhäŋayana. Ga biyanŋiyina waya ɳunhi nhanŋu wirrkina yulŋuya ɳapa-mulkanhamina dhä-wirrka'yunmina bitjaya, "Wäy-y-y nhä gurra dhuwayatja marrtji way, mali' yolŋu ɳeniya?"

Yurru ɳayi Djesuya waŋana, "Narra... ɳarra dhuwaya waya. Yaka waya biyanŋiyi!"

⁵¹ Nayŋu ɳayi Djesuya ɳal'yunana bala marthaŋayina ɳayŋu wataya ɳunhi wapurarryinana. Ga wayatja ɳunhi ɻuŋdu'miŋuya waya nhanŋu wirrkina wokthuna ɳuriki romgu. ⁵² Ga bili waya ɳunhi nhäŋayaya ɳanya Djesuna ɳunhi ɳayi ganydjarryu nhanukiyingaya dulpu-wekaŋaya dhaŋaŋha yolŋuna wayana djulkmaŋaya gurrana 5000-tja mala. Ga yakana yana waya ɳunhi dharanŋayatja nhanŋu ganydjarrya, bili wayanŋu ɳunhi ɳayaŋuya dälmi yana.

Gulku' rerrimi yolŋu waya marrtjina Djesuwaya (Matthew 14:34-36)

⁵³ Ga ɳunhi waya marrtjina ɳunha gali'yiya gilipuŋaya ɳuriki gulun'ku, ɳayŋu waya ɻukuna gutjparryuna ɳunhana bili gumurrŋuna wäŋanju Gennesaret-na. ⁵⁴ Ga ɳunhi waya gurrana yupthuna marthaŋaŋuya, ɳayŋu gulku'yuna ɳunhi yolŋuyuya nhäŋayaya wayana ɳayŋu waŋana bitjayan, "Waya dhuwanna Djesuya bilina bunana." ⁵⁵⁻⁵⁶ Nayŋu gurrana yolŋuya waya waŋdinana, lakanhamina marrtjina buku-ɻiw'maŋayana, ga dhuwanna lili yolŋuya waya marrtjina gäŋa'gaŋayana rerriminaya yolŋuna wayana.

Ga wanhamama ɳayi Djesu marrtjina ɳunhaya wäŋanju, wayatja yolŋuyuya wayay ɳäkuya ga bitjayaŋga marrtjina gäŋa'gaŋayatja rerriminaya yolŋuna wayana ɳayŋu ɳurru-dakthunminana, rarr'yunaya marrtjina yakurrkuŋayana ɳunhimaya ɳunhi wäŋayi. Ga bitjaya waya ɳunhi guyaninaya gam', "Nuli waya yurru ɳunhi girri'ya yana nhanŋu Djesuwu mulka wayatja yurru latju'yina yana." Ga ɳunhi waya bitjaya mulkanayna nhanŋu girri'ya dhunupana yana wayatja latju'yinana.

7

Yolŋuwaya romdhu ɳuli bar'parmamana marrtji God-Wajarrwuya rom (Matthew 15:1-9)

¹ Waŋganimiyu waluyu Pharisee rom-mulkanhami waya, ga lurrkun' Jew-wu rom-marnŋikunhami waya wäŋa Jerusalem-buy marrtjina waya Djesuwaya. ²⁻⁵ Ga ɳunhiya yolŋu waya ɳuli gurra wirrkina yana romgu wayanŋuway malthun. Balanyana mala rom gam': ɳuli yurru yolŋu djälmiyi ɳathawu ɻukanhawu, ɳurruŋuya waya yurru gonŋ-rurrwuyunmi romgu yana malthun ga yurruna ɳathaya ɻuka. Ga ɳunhi waya yurru ɳatha ɳätthun ɳula wanhami yolŋu gulku'miŋu wäŋanju, ɳurruŋuya ɳathiyi waya yurru rurrwuyunmi ɳuriki romgu malthun. Ga yurruna banikin'tja malanynha rurrwuyun balanya bitjan saucepan mala, ɳathawuy bathanawuy rupa mala, ga gapuwuy warkthunawuy rupa ga gäp ga bilit ga gulku' wiripu ga wiripu. Bukmak yurru rurrwuyun, romgu ɳuriki malthun.

Ga ɳuli yurru wiripu Jew-yolŋu yakaya gurra malthun ɳunhi nhattjan gurra rom waŋa, wayatja yurru ɳunhi Pharisee-ya yolŋu waya madakarritjthina wayanju.

Ga balanyayina waya ɳunhi Djesuwuya ɻuɳdu'miŋuna wayana nhäŋaya, ɳayŋu waya ɳunhi Pharisee-ya bukmak yana madakarritjinaya wayanju, bili waya gurrana ɳatha ɻukana, goŋ-rurrwuyunamiriw, yaka romgu malthuna. ɳayŋu waya gurrana rom-nyämir'yunana ɳanya Djesuna bitjayana, "Nhäku ɳuli ɳunhi nhokayatja ɻuɳdu'miŋyu wayay bitjandja ɳatha ɻuka goŋ-rurrwuyunamiriwya? ɳunhiya waya ɳuli gurra rom-nha daw'yun ɳalapalmiwuna!"

6-7 Ga ɳayi Djesuya buku-roŋinymajayana bitjaya, "Nhumaya dhuwaya yolŋu waya gali'-märrma' warray. Dhunupaŋga ɳayi ɳunhi yolŋuyu yäkuyu Isaiah-yu baman'tja wukirri God-Waŋarrwu dhärük bitjaya gam',

'Dhuwayatja yolŋu waya ɳuli wokthun ɳarraku

dhärükthu yana waŋganydhu, ga yaka ɳuruŋu ɳayaŋuyutja.

Bäyŋuna waya ɳuli yuwalktja buku-ɳal'yungu ɳarraku,

ga marŋgikumaya waya ɳuli ɳunha yolŋuwuna romdja malanyňha, yana beni ɳunhiyiya God-Waŋarrwuŋuna rom.

Ga bat-bitjana waya ɳuli mulka yolŋuwuna yana rom malany.*

Balanyana dhuwaya nhumaya. **8-9** Gunha'yunana nhuma God-Waŋarrwuŋuya rom nininyŋuya malanyňha, ɳayŋu nhuma ɳuli malthundja yolŋuwuna yana romgu. Gadamaña dhuwaya nhumaya marŋgina wirrkina balanyawuya yätjkunhawuyya djämawu!

10 Dhuwayatja ɳunhi rom nhanukuŋu God-Waŋarrwuŋu, ɳunhi ɳayi wekaŋjaya ɳilimunŋu Moses-kaya balanya gam', 'Djälwu malthu nhokalanjuwu ɳändi'miŋjuwu ga bäpa'miŋjuwu.' Ga buluya ɳayi gurra bitjan waŋa gam', 'ɳuli yurru yolŋu dhurrara-retjandhiya waŋa ɳändi'miŋuna ga bäpa'miŋuna, ɳunhi ɳunha romdja gurra waŋa balanyawuya yolŋuwu ɳilimu yurru bumana rakunygumana yana.'*

11-12 Yo, bitjaya ɳayi ɳunhi God-Waŋarryuya rom nherraya, yurru nhumaya ɳuli dhuwaya bilmamana wiripuna dhäwu'ya ɻakama yolŋuwuya bitjana gam', 'Nunha ɳunuŋu ɳändi'miŋu ga bäpa'miŋu gurra djälthi ɳula nhäku, yurru nheya ɳunhi ɳuli bilina ɳunhiyiya dhawu'-nherraŋ God-Waŋarrnhana, yurru baðak yana nheya gurra ɳayaŋuyu-ðapmama, ga yakana nhe yurru ɳunhi bitjan maŋdanaya wekama mundhurrya.' **13** Ga balanyawuna ɳarra ɳunhi bitjayatja ɻakanjaya nhumaŋgu ɳäthiyiya, nhumaya ɳunhi bar'parmajaya nhannjuna God-Waŋarrwuna rom, ɳayŋu bilmaŋjaya nhuma, ga wiripuna rom nherraya. Ga gulku' yana nhuma gurra dhuwaya rom malanyňha bilmaŋjaya."

Yätjtja rom ɳuli walma yolŋuwaya ɳayaŋuŋu (Matthew 15:10-20)

14 Ga beŋuya ɳayi Djesu wäthuna yolŋuwuna wayanju ɳayŋu bitjayana waŋana, "Dharr-biyaku waya ɳäkuya, märr nhuma yurru dharajan yana. **15** Nhä ɳuli ɳunhi gärri gulun'thi, yaka ɳuli ɳuriŋiya yolŋuna ɳayaŋu-yätjkuma. Ga nhä ɳuli ɳunhi dhawaʈthun ɳilimunŋgaya ɳayaŋuŋu, ɳunhiyiina ɳayi yätjtja. **16** [ɳuli nhuma mäkiri'miya waya ɳäku waya latju'kuŋu!]*"

17 Nayŋu ɳayi Djesu ga ɻuɳdu'miŋu waya marrtjina ga gunha'yuna ɳunhi yolŋuna wayana ɳayŋu gulŋiyina bunbuyina. ɳayŋu waya dhä-wirrka'yunana Djesuna bitjaya, "Marrkapmi, ɳäthiyi ɻakanju ɳanapuŋgu ɳunhi mayali' ɳurikiwuy dhäwu'puy."

* **7:6-7** Isaiah 29:13 * **7:10** Exodus 20:12, 21:17, Leviticus 20:9, Deuteronomy 5:16 * **7:16** ɳunha ɳurruŋuŋuya djorra'ŋu Greekkuya dhärukkuyu dhuwaya namba 16-tja yaka gurra djingaryun.

18-19 Ga ɳayi Djesuya buku-roŋinymaŋaya wayanju bitjaya, “Nhattjan nhuma gurra dhuwaya yaka yana dharaŋandja, ɳeniya? Balanya ɳayi ɳunhi mayali'ya gam': nhä ɳuli yolŋuyu ɬuka ɳunhiya latju', bili yurru ɳunhi walmaŋga yalalaya. Yurru nhä ɳuli ɳunhi walma ɳayaŋunu, ɳunhiyina ɳayi yätjtja.” (Ga bitjaya ɳayi ɳunhi waŋanaya, bili bukmaktja dhuwaya ɳatha malanyinha latju' yana ɬukanhawu.)

20 “Ga nhä ɳuli ɳunhi yolŋuwaya dhawaŋthun ɳayaŋunu, ɳurikina ɳuli ɳayi God-Waŋarrya wirrkina yana milnyaŋ'thun: Dhiyanu yätjtthuya ɳilimuna ɳuli gulmamana nhanukaya God-Waŋarrwayatja. **21** Dhiyanu yätjtthu ɳilimuna ɳuli yarrkmama nhanukaya bitjan dhuwaya mala gam', guyanja yurru yätjnha yana nhä mala, ga marramba'-djaw'yunami rom, ga manaŋgan rom, ga mari yurru djäma wiripuwu yolŋuwu rakunyguma, ga **22** läy-däl rom, ga mayali'-wilkthunami rom, ga nyälyunami rom, ga djäl-gänaŋumi rom, ga maŋutji-diy'yunami rom, gupa-waŋanhama rom, ga marŋgi-ɬakanhami rom, ga läy-ɳarr'ɳarr rom, ga ɳayaŋu-däl rom.

23 Yo, balanyana ɳunhi yätjtja mala ɳunhi ɳuli walma dhipuŋuyu ɳayaŋuŋuya, ga yätjkumana ɳilimunyu ɳuli ɳayaŋuna. Ga bitjana bili ɳuli ɳunhi God-Waŋarrnhaya gulmama ɳilimunŋgaya, ɳunhiyina nhanukayatja God-Waŋarrwayatja milnyaŋ'mina.”

*Djesuyu gunja'yuna mulkuruna miyalknha
(Matthew 15:21-28)*

24 Beŋuya ɳayi Djesu ga ɻundi'miŋu mala nhanju gunha'yuna ɳunhiyi wäŋa. Ga marrtjina waya ɳaynu wäŋa ɬulku'miyina wäŋayi yäkuyi Tyre-yina. Ga bunana waya ɳunhaya wäŋanju bala gärrina bunbuyina, bili yaka ɳayi Djesu djälthina waya yurru yolŋu waya marŋgithi nhanju ɳunhi ɳayi gurrana ɳunhaya nhinana. Yurru gulkuruna ɳayi gurrana ɳunhi djulul'yunaya.

25-26 Ga ɳunhayayi gurrana miyalk nhinana yurru ɳayi ɳunhi yaka Jew-ya bäpurru'. Ga yolŋuya ɳayi ɳunhi dhawal-wuyaŋinyawuy ɳurukuwuy Phoenecia-wuy, makarrnu Syria. Ga ɳunhi ɳayi Djesunaya ɳäkuya, ɳaynu ɳayi marrtjinana ga waŋana nhanju bitjaya, “Buku-djulŋi, ɳäthiyi ɳunha yätjnha birrimbirrhä gutjparr'yu yothuwaya ɳarrakalaŋuwaya.”

27 ɳaynu ɳayi Djesuya mayali'kuna waŋana, “Dhuwaya yurru ɳurruŋuya ɳatha ɬuka yumurrku'yu, ga yurruna moŋguya ɳatha ɬuka yurru wuŋgandhuya.” [Balanya ɳunhi mayali'ya gam': ɳurruŋuya ɳayi yurru Djesuyu gunja'yun nhanjuwuy ɳayi yolŋuna Jew-nha malana ga yurruna ɳayi yurru wiripunaya bärpurr'u'na wayana gunja'yun.]

28 Ga ɳayi ɳunhi miyalkthuya buku-roŋinymaŋaya bitjaya, “Yuwalk yana marrkampi. Yurru ɳunhi ɳuli wuŋgandhuya ɬuka gor'nha yupthunayana beŋuna ɳunhi yumurrku'wayana bilitŋu.” [Ga dhiyalanŋumi ɳunhi ɳayi mayali'ya gam': ɳunhi ɳayi Djesuyu gurrana nhanjuwaya yolŋuna wayana gunja'yuna, ga bitjan bili ɳayi yurru wiripunaya yolŋuna wayana gunja'yun.]

29 Ga ɳunhi ɳayi Djesuyu ɳäkuya balanya dhäruk, ɳaynu ɳayi waŋanana, “Way, dhuwayatja nhe yuwalknha yana waŋana. Gatjuy marrtjina wäŋayina, bilina dhuwaya birrimbirr yätjtja walmana nhokalaŋuwaya yothuwaya.”

30 ɳaynu ɳayi ɳunhi miyalktja roŋinymaŋaya wäŋayina. Ga ɳunhi ɳayi bunana wäŋanjuŋuya, nhäŋaya yothunaya ɳayi gurrana gayŋi yana ɳorrana yakurr-latju'yinana, bili nhanukaya ɳunhi yätjtja birrimbirr walmanana.

Djesuyu walŋakuŋaya dhoŋulu'na yolŋuna

31 Ga beŋuya Djesuyu gunha'yuna ɳunhi wäŋa Tyre-ya, ga marrtjina ɳaynu Sidon-dhina, ga dhukarrkyu ɳayi marrtjina ɳunha bala läy-warryuna, ɳaynu gumurrkuyu raŋikuyu. Dhunupana yana marrtjina Galilee-yina gülun'thi ga bunana waya

ŋunhaya yäkuŋu wäŋjanu 'Decapolis-ŋu.' ³² Ga ŋunhaya gurrana yolju nhinana dhoŋulu' ŋunhi ɻuŋdu'miŋuyu wayay ŋanya gäŋjaya Djesuwaya. Ga ŋäŋ'thuna waya bitjaya, "Buku-djulŋi ŋäthiyi goŋ-ŋal'yu dhiyakaya yolŋuwaya märr ŋayi yurru latju'yi."

³³ Nayŋu ŋayi Djesuyuya ŋanya garr'yunana ŋunhiyi dhoŋulu'na gänaŋuyina, ŋayŋu ŋayi goŋdja gulŋiyina nhanukaya mäkiri'yi, bulal'yi yana. Ga ŋarambiyayi ŋayi nhanukaya dhupthuna, ŋayŋu mulkanana ŋunhi yolŋunaya ŋäŋarrya. ³⁴ Ga buku-garrwarthina ŋayi djiwarr'yi ŋayŋu yindi-ŋir'yunana ŋayŋu waŋana dhärukuyu Arram-g guyu bitjayana, "Yipatha!" Balanya gam' mayali' "Lapthuna!"

³⁵ Ga bitjaya ŋayi ŋunhi waŋanaya ŋayŋu nhanŋu mäkiri'ya lapthunana, ga ŋäŋarrya nhanŋu ŋunhi dhayaɻayinana, ŋayŋu ŋayi waŋana latju'kuŋayana.

³⁶ Nayŋu maŋda roŋiyina ŋayŋu yolŋuwaya wayaŋgaya. Ga bitjaya ŋayi Djesyu wayana dhäruk-mukmaŋjaya, "Bäyŋu nhuma yurru ɬakama yolŋuwuya ŋunhi ŋarra dhuwaya yolŋuna latju'kuŋaya." Yurru wayatja gunha'yuna ŋanya dhäruk ga badak yana ɬakaŋaya bukmakku yana yolŋuwu. ³⁷ Ga bukmak waya wirrkina galŋa-ŋämäthina. Ga bitjaya waya gurrana ŋunhi ɬakanhamina, "Nhäna dhuwayatja ŋayaŋu-ganyim'thunamina rom, ŋeniya! Dhiyanuya yolŋuyu gurra latju'na wirrkina djäma. Mäkiri'-dhumukthuya gurra ŋämäna ga dhärukmiriwya gurra waŋana."

8

Djesuyu dulpu-wekaŋjaya 4000-na yolŋuna wayana (Matthew 15:32-39)

¹⁻³ Waŋganymiyu waluyu yolŋu waya ɻuŋ'thuna nhanukaya Djesuwaya märr yurru waya dhäwu' ŋäma. Bili waya malthuna nhanŋu ɻurrkun'na walu, ga bäyŋuna ŋula ŋathatja wayaŋgu ɬukanhawu. Yurru ŋayi Djesuya wäthuna ɻuŋdu'miŋuwuna wayaŋgu nhanukalaŋuwu ŋayŋu waŋana bitjaya, "Nayaŋuwuyunana ŋarra dhuwaya dhiyaku yolŋuwuya wayaŋgu. Gulku'na dhuwaya yolŋuya waya yawungu barrkuŋuya marrtjina ga linyguna dhuwaya ɻurrkun'na waluya bitjan mala-manapanminyawuya ŋilimuŋgu ga yana bili ga ŋatha ŋilimuŋgu dhawar'yuna yawungu. Yakana ŋilimu yurru djuy'yundja wayana wäŋayiya djanŋarrminaya, waya ŋuli gandarrŋuya dalalakthina."

⁴ Ga waya ŋunhi ɻuŋdu'miŋuya waya nhanŋu buku-roŋinymaŋjaya, "Wäy, buku-djulŋi dhuwaya wäŋaya wiraŋnha,... nhattjana ŋilimu yurru dulpu-wekamaya, nhäthuna?"

⁵ Ga ŋayi Djesuyuya dhä-wirrka'yuna wayana, "Nhämunha' gurra nhumaya ŋatha mulka?"

Ga wayatja ɬakaŋaya nhanŋu, "Marrkapmi, seven yana dhuwaya dämba'ya."

⁶ Nayŋu ŋayi Djesuyuya waŋana wayana, "Ma', nhinina waya munatha'yina." Nayŋu ŋayi yana ɻurrkun'tja dämba' ŋätthunana ga buku-wekaŋjaya God-Waŋarrnhana. Ga daw'ɻawyuna ŋayi marrtjina muŋguykuŋjaya ŋayŋu wekaŋjaya nhanukalaŋuwaya ɻuŋdu'miŋuwaya wayaŋgaya. Ga wayatja yolŋunana wayana marrtjina dulpu-wekaŋjaya. ⁷ Ga ɻurrkun' waya ŋunhi guyatja gurrana mulkana. Ga buku-wekaŋjaya ŋayi ŋanya God-Waŋarrnhana ŋuriki guyawu, ŋayŋu ŋayi wekaŋjaya ɻuŋdu'miŋuwaya wayaŋgaya, ga wayatja marrtjina wekaŋjaya yolŋu'yulŋunana.

⁸⁻⁹ Ga bukmak ŋunhi yolŋuya waya 4000-na mala. Ga ɬukanaya waya marrtjina ŋunhi ŋathaya ga dulputhina bukmak yana. Ga dhawar'yunaya waya ɬukanhaŋu ŋayŋu ŋunhi ɻuŋdu'miŋuyu wayay wapmaŋjaya marrtjina bäythinyawuya ŋatha, ga dhaŋaŋdhina seven-nha bathi malany. Ga dhurrwaraŋu beŋu ŋayi gurrana Djesuyu djuy'yunana wayana wäŋayina. ¹⁰ Ga waya ŋunhi yolŋuya waya marrtjina wäŋayina

ronjiyina, ɳaynu ɳayi Djesuya ga ɻundi'minuya waya nhanju ɳal'yuna gurrana marthaŋayina ɳaynu waya marrtjinana, wäŋayi yäkuyi Dalmanutha-yina.

*Pharisee-yu yolŋyu waya guyajina waya yurru gatjarr'yun Djesuna
(Matthew 16:1-4)*

¹¹ Ga ɳunhi waya Djesu ga bukmak ɳunhi nhämuny'nha gurrana malthuna nhanju, bunana ɳunhaya wäŋaŋu Dalmanutha. Ga ɻurrkun' yolŋu waya beŋu ɳunhi Pharisee-waya malaŋu marrtjina nhanukaya Djesuwaya, ɳaynu waya gurrana dhäruknhä-dupthunmina märr waya yurru bawa'wekama ɳanya. Ga bitjaya waya ɳanya waŋanaya, "Ma', mak maŋutji-wekuŋuna ɳanapuna ɳayaŋuganyim'thunamiya rom märr ɳanapu yurru nhäma ga märr-yuwalkthi ɳunhi nhe yuwalk gurra ganydjarr mulka God-Waŋarrwuŋu!"[⊗]

¹² ɳaynu ɳayi Djesuya yindi-ɳir'yuna ga waŋana ɳayi bitjaya, "Nunhi ɳarra yurru balanyawuya ɳäma, ɳunhiya nhuma gurra ɳayaŋu-wuthuna ɳarrana! Nhäku nhuma gurra dhuwaya ɳayaŋu-ganyim'thunamiwuya romgu ɳäŋ'thun? Yaka waya biyaku ɳäŋ'thu. Yuwalk gurra dhuwaya ɳayaŋu-ganyim'thunamiya rom marrtji, yurru ɳarraya ɳuli yakana biyaku djäma, yana ɳuli nhumanŋu nhänharawu."[⊗]

¹³ Ga beŋuya ɳayi Djesu marrtjina gunha'yuna wayana ga waya ɻundi'minuya waya nhanju marrtjina budapthunana marthaŋayyuna ɳurikiya gułun'ku, ɳunha gali'yina.

*Djäka waya Pharisee-wuya wayaŋgu
(Matthew 16:5-12)*

¹⁴ Manymak, ga waya Djesuya ga ɻundi'minuya mala nhanju marrtjinana. Ga gandarrŋuya gułun'ŋu ɳaynu waya guyajina ɳunhi waya yaka ɳätthuna ɳatha lukanhawu. Ga waŋganynha waya gurrana dämba'na gäŋyatja. ¹⁵ Ga ɳayi ɳunhi Djesuyuya wayana ɳäkuya, waya gurrana waŋanhamina ɳathawu ɳaynu ɳayi bitjayana waŋana, "Dharradayi, ga djäka waya, ne, märr yurru nhumana yaka waya mayali'-wilkthun ɳuruŋuya malay King Herod-thuya ga Pharisee-yuya malay. Balanya wayaŋgu ɳunhi dhärukjtja mala bitjan ɳatha ɳilimu ɳuli bathan dututmama."[⊗]

¹⁶ Ga ɳunhi ɻundi'minuju wayay nhanukaya ɳäkuya ɳaynu waya märr-dhumbal'yunana. Ga waŋanhamina waya, "Nhattjana ɳayi dhuwaya waŋanaya,... mak ɳilimu yaka ɳatha gäŋaya?"

¹⁷ Ga ɳayi Djesuya marŋgithina wayaŋgu nhattjaya waya guyajina, ɳaynu ɳayi bitjayana, "Nhä nhuma gurra dhuwaya ɳathawuya yana waŋanhami... yaka nhuma ɳunhi ɳarrakuya mayali' ɳätthuna? Nhä nhumanŋu dhuwaya mulkurria dhumukthinana?" ¹⁸ Biliŋga nhuma gurrana nhäŋyatja, yurru nhuma yaka yana dharaŋaya. Dhuwayatja bitjan nhuma dhuŋamina nhänharawu. Ga bili nhuma gurrana ɳäkuya, ga yaka yana nhuma dharaŋaya, ga ɳunhiya nhuma bitjan dhuŋamina ɳänharawu.[⊗] ¹⁹ Nhä nhuma dhuwaya liya-dhumukmina, ɳeniya? ɳunhi ɳarra dämba' malanyňha ɻaw-ɻaw'yuna ga ɻulpu-wekanjaya 5000-nha yolŋuna wayana? Ga nhämuny'thi bathiyi nhuma ɳunhi bäßhinyawuya ɳatha mala wapmaŋaya?"

Ga wayatja buku-roŋinymaŋaya bitjaya, "12-ga ɳunhi bathiya, marrkapmi!"

²⁰ Ga bulu ɳayi Djesuyu dhä-wirrka'yuna, "Nhä nhuma gurra dhuwaya guyajinga yulŋuya ɳunhi ɳarra ɻaw-ɻawmaŋaya seven ɳatha malanyňha ɻulpu-wekanhawu 4000-gu yolŋuwu wayaŋgu? Ga nhämuny'thi bathiyi nhuma ɳunhi bäßhinyawuya ɳatha malany wapmaŋaya?"

Ga wayatja waŋana ɳaynu, "Yo, seven ɳunhi bathiya!"

[⊗] **8:11** Matthew 12:38, Luke 11:16 [⊗] **8:12** Matthew 12:39, Luke 11:29 [⊗] **8:15** Luke 12:1 [⊗] **8:18** Jeremiah 5:21, Ezekiel 12:2, Mark 4:12

²¹ Naynu ɳayi Djesuya bitjaya wanjana, “Yuwalk dhuwayi, bilina nhuma dhuwaya nhäñayana nhumañgaya maŋutjiyu, yurru nhäkuna nhuma gurra yakaya dharanjan ɳunhi wanhaŋu ɳarraku gurra ganydarrya marrtji?”

Djesuyu walŋakuŋaya bambaynha yolŋuna ɳunhaya Bethsaida

²² Ga beŋuya ɳayi Djesu ga lundi'miŋu waya nhanju marrtjina ga bunana ɳunhaya Bethsaida wäŋajanu. Ga ɳunhayatja waya gäŋaya nhanukaya Djesuwaya bambaynhana yolŋuna, ga ɳäŋ'thuna waya Djesuna ɳayi yurru mulka ɳanya märr yurru ɳayi latju'yina. ²³ Ga ɳayi Djesuyuya garr'yunana ɳanya gänaŋuyina wäŋayi. Naynu ɳayi dhupthuna ɳanya maŋutji ɳaynu mulkanana, ga dhä-wirrka'yuna, “Wanhana, nhäñayana... nhe?”

²⁴ Ga ɳayi ɳunhi yolŋuya buku-garrwarthina ga ɏawa'yuna dhunupa'ɳuyi ga wiŋ'kuyi gali'yi, ɳaynu buku-roŋinymaŋayana, “Dhuwaya ɳarra gurra yolŋunaya wayana nhämana, yurru märr gaŋga, balanya bitjan dharpa gurra mali'maliyun!”

²⁵ Ga bulu ɳayi Djesu gon-ŋal'yuna ɳurikaya yolŋuwaya maŋutjiyi. Ga wirrkina ɳayi yana ɳunhi bambaya yolŋu djalmiyina nhäñharawuna. Naynu ɳayi gurrana nhäñayana latju'kuŋayana yolŋunaya wayana. Ga bilina nhanju ɳunhi maŋutjiya bitjan ɬapthunana. ²⁶ Naynu ɳayi Djesuyuya djuy'yunana ɳunhi yolŋunaya bitjayana ɳaynu, “Marrtjina wäŋayina, ga yakana buluya roŋyi Bethsaida-yiya.”

Peter-yu lakaŋaya ɳunhi Djesuya dhuwaya Maŋutji-lakanhawuy God-Waŋarrwuŋu (Matthew 16:13-20, Luke 9:18-21)

²⁷ Ga beŋuya Djesu ga lundi'miŋu waya nhanju marrtjina buku-liw'maŋaya ɳuruku Caesarea Philippi-ŋu wäŋajanu. Ga ɳunhaya gandarrju, ɳayi Djesuyuya ɳäŋ'thuna nhanjuway lundi'miŋuna wayana bitjaya, “Wäy, waya, nhattjan ɳuli ɳunha yolŋuya wayay ɬakama,... yol dhuwaya ɳarraya?”

²⁸ Ga wayatja wanjana buku-roŋinymaŋaya, “Yolŋuya wayay nhuna ɳuli ɬakama yana be nhe John ɳunhi Buku-ɬupthunami yolŋu. Ga wiripu gulku'yuya nhuna ɳuli ɬakama yana be nhe Elijah-tja ɳunhi ɳaŋapaŋha yolŋu God-Waŋarrwuna djawarrkmi baman'ɳuwuŋha. Ga wiripuŋuya ɳuli nhuna ɬakama be nhe God-Waŋarrwuŋu baman'ɳuwuŋ djawarrkmi.”[✳]

²⁹ Ga bulu ɳayi Djesuyu dhä-wirrka'yuna, “Wäy-y nhumaya gurra nhattjan guyanji,... yol dhuwaya ɳarraya?”

Naynu ɳayi Peter-ya buku-roŋinymaŋaya nhanju bitjaya, “Marrkapmi, nheya dhuwaya Christ ɳunhi Maŋutji-lakanhawuy yolŋu God-Waŋarrwuŋu ganaj'manhawuy baman'ɳuwuŋ.”[✳]

³⁰ Naynu ɳayi Djesuyuya wayana dhäruk-mukmaŋayana bitjayana, “Yaka nhuma yurru bukmakkuya wayaŋgu ɬakama, ɳe!”

Djesuyu ɳathil'yuna lakaŋaya ɳunhi ɳayi yurru rakunydhı (Matthew 16:21-28, Luke 9:22-27)

³¹ Ga beŋuya ɳayi Djesuyu lakaŋaya lundi'miŋuwu wayaŋgu nhanukalaŋuwu bitjaya, “Narrapina yana dhuwaya Yuwalkŋuya Wal'ŋu Yolŋu. Yo, yalalamiyuya ɳarra ɳuli wirrkina yana galŋa-wilyu bili ɳurru-dawalaŋuju wayay ga ɳurruŋudalkarramiyu ga rom-marŋikunhamiyu yolŋuy waya ɳarrana ɳuli ɭikandhudupthu, ɳaynu waya ɳuli ɳarrana baymatthuna. Ga bulal' munha ɳuli djulkthu* ɳaynu ɳarra ɳuli walŋathina rakunyŋuya.”

* 8:28 Mark 6:14-15, Luke 9:7-8 ✳ 8:29 John 6:68-69 * 8:31 Djesu ɳunhi rakunydhina Friday-yu waluy (ɳunhiya waŋgany walu). Ga moluŋuya ɳayi gurrana gulŋiyina Saturday (ɳunhiya bulal'nha walu): Ga walŋathinaya ɳayi Sunday (ɳunhiya ɬurrkun'na walu). ɳunhiya mayali' ɳayi bulal' yana munhaya gayŋithina Friday munhaku ga Saturday munhaku.

³² Ga ɳunhi ɳayi Djesu bitjaya lakanhamina, ɳayŋu ɳayi Peter-yuya ɳanya goŋnha warryuna ɳayŋu ɳarrtjunana ɳanya bitjayana, “Marrkapmi, yaka nhe biyakuya wanji! Narraya yurru wayana gulmama nhokaya baymatthunaŋu.”

³³ Ga bitjayana ɳayi ɳunhi Peter-ya waŋana yaka God-Waŋarrwayatja djälyu. ɳayŋu ɳayi Djesuya bilyuna ɳayŋu nhäŋayana marrtjina ɻuŋdu'miŋunaya wayana nhanŋuwaw ɳayi, ɳayŋu ɳayi madakarritjthuna dhärukthu waŋana Peter-naya bitjayana, “Mukthuna! Dhuwayiya gurra Satan-na waŋa ɳunhi ɳayi bungawana yätku malawu. Gatjuy marrtjina. Dhuwayatja nhe gurra yolŋuwaya ɳayaŋuyu waŋa, yaka God-Waŋarrwaya ɳayaŋuyu.”

³⁴ ɳayŋu ɳayi Djesuyu ga ɻuŋdu'miŋuyu wayay nhanukaya wiripunana yolŋuna wayana ɻuŋ'maŋaya, ɳayŋu ɳayi gurrana marŋgikuŋayana bitjayana, “Nuli ɳayi yurru yolŋu djälmiyi ɳarraku malthunawu, ɳayi yurru bitjana bili malthuna ɳarraku, ɳunhina ɳunhi ɳayi yurru mengumana nhanŋuwaw bitjan djäl ga malthun yurru God-Waŋarrwuna djälwu, bäydhı ɳayi wiripu yolŋu ɳuli djälthi baymatthunawu nhanŋu rakunygunhawu. Ga ɳayiya yurru yana bitjana bili malthuna, bitjan yolŋuyu ɳuli ɬaw'mama nhanŋuwaw dharpa-mälakmanhaya ɬambarryu, ɳayŋu ɳuli gumurr'yuna marrtji rakunydhinyawuna yana.◊ ³⁵ Ga ɳuli yurru yolŋu gurra nhina nhanŋuwaw ɳayi walŋa, ɻuŋ'mama yurru ɳula nhä wiripu rom, ɳayŋu ɳayi yurru badatjtjuna bala ɳayi yurru rumbal-widi'yuna. Yurru ɳuli ɳula wiripu yolŋu yurru rakunydhı ɳunhiya bili ɳayi ɳuli ɳarraku malthun, ga lakama ɳuli ɳayi God-Waŋarrwuna yana rom, ga yalalamiyuna ɳayi ɳuli nhiniya walŋana dhädhawar'yunamiriwnha.◊ ³⁶ Ma', ɳäkuna waya! Nuli nhe yolŋu ɭukunydjaya wal'ŋu, ɳula nhä gulku'mi, ga ɳunhi ɳayi yurru God-Waŋarryu nhuna ɳuli dupthu, ga nhä nhe yurru ɳula ɳätthundja? Bäyŋuna! ³⁷ Ga ɳuli nhe gurra ɳayaŋuy-dapmama nhä mala dhiyakuwuy munatha'wuy, ɳunhiya nhe yurru yakana buku-wekama gathan ɳula nhä walŋawuya nhokalaŋuwu roŋinymama!

³⁸ Yo, ɳäkuna waya! Dhuwaya gurra dhiyauya bala yolŋuya waya dhiya munatha'ŋuya djäma gulku'na wirrkina yäjtjtja rom mala. Ga bäyŋuna waya gurra ɳayaŋumiyi malthunawu nhanŋu God-Waŋarrwuya. Ga ɳuli nhe yurru läy-yarryun ɳarraku malthunawu, ga marŋgithinyawu ɳarrakuya, ɳarraya yurru bitjan bili nhunuya läy-yarryun, ga yakana nhunaya ɳuli lakaŋu ɳunhayatja God-Waŋarrwayatja gumurrju. Bili ɳarraya ɳuli ɳunhi Yuwalkŋuya Wal'ŋu Yolŋu, roŋiyi ɳuli beŋu djiwarr'ŋuya ga mala ɳarraku gulku'na djiwarr'puynha yolŋu waya dhäwu'mi waya. Ga yarrupthuya ɳanapu ɳuli ɳunhi djeŋarra'yakaynha bäymana, ga balanyamiyuna ɳuli yolŋuya wayay dharanuya ɳarrana.

9

¹ Yo, yaka waya menguŋuya ɳarraku dhärukta, ne! Dhiyalanumina malaŋu dhuwaya nhuma gurra djingaryundja, ɳunhi nhuma yaka yana rakunydhina, yalalaŋumina nhuma ɳuli ɳunhi ɻurrkun'thuna yana yolŋuyu wayay nhäŋuya ɳayi yurru God-Waŋarryuya nhanŋuwaw romdja ɳuli marrtjinyamaŋuna, ganydarryuna wirrkina wal'ŋu bathalana.”

*Djesuwu rumbalya djambina ga girri' nhanŋu miły'milŋdhunana
(Matthew 17:1-13, Luke 9:28-36)*

² Waŋgany rulu ga waŋgany baythinyaya walu djulkthuna, ga ɳayi Djesuyu garr'yuna Peter-na, James-na, ga John-na, märr yurru waya marrtji bukuyi yolŋumiriwyi. Ga ɳunhi waya ɳunha bukuyiya ɳal'yuna ga nhäŋaya Djesunaya ɳayi wiripuŋuyinana rumbalya maŋutjiŋu wayaŋgaya. ³ Ga girri'ya nhanŋu ɳunhi

◊ ^{8:34} Matthew 10:38, Luke 9:23, 14:27 ◊ ^{8:35} Matthew 10:39, Luke 17:33, John 12:25

buluna dhika milŋ'milŋdhuna, watharrthinana ga lanyindhinana, djuŋkmaŋayana gurrana wiripu girri' ɳula watharr. ⁴ Ga ganyim'thuna waya nhäŋaya ɳunhi ɳayi Djesu gurrana waŋana ɳurikaya baman'ɳuwaya yolŋuwaya maŋdakaya, Elijah-waya ga Moses-kaya.

⁵⁻⁶ Ga wirrkina waya ɳunhi ɻuŋdu'miŋuya waya biyaniyina. Ga ɳayi Peter-ya märr-dhumbal'yunana ga guyajina ɳayi, ɳayŋu waŋana bitjaya gam', "Wäy Garay, latju'na dhuwaya wirrkina yana! Nhä ɳuli dhuwaya manymak ɳanapu yurru ɳurrŋgitj nhumaŋgu warkthun?... waŋganydja nnuŋu ga waŋganydja Elijah-wu ga wiripuya Moses-ku?"

⁷ Ga beŋuya ɳayŋu waŋupini'na malŋ'thuna bala yana bilkthunana wayana. ɳayŋu waya ɳäkuyana rirrakaynha ɳayi gurrana waŋana beŋu waŋupini'ju bitjaya gam', "Näkuna waya! Dhuwanna ɳunhi ɳarrakuwaya wal'ŋu gäthu'miŋu marrkaptja. Nhuma yurru nhanŋuna yana mäkiri'-witjundja!"[◊]

⁸ Ga ɳunhi waya ɳäkuya rirrakaya, ga dawa'yunaya ga nhäŋaya waya yana ɳanya Djesuna gänaŋuyina.

⁹ Ga beŋuya ɳayi Djesuya ga ɻuŋdu'miŋuya waya nhanŋu marrtjina yarrupthuna bukuŋuya. ɳayŋu ɳayi Djesuyu waŋana wayana bitjayana, "Nhä nhuma dhuwaya nhäŋaya, yaka ɻakaŋu yolŋuwu wiripuŋuwu wayaŋgu. Bili ɳarraŋga dhuwaya Yuwalkŋuya Wal'ŋu Yolŋu. Nurrŋuyua ɳarra yurru rakunydhí ga bulu ɳarra yurru ɳunhi walŋathí. Ga yurruna nhuma ɳuli yolŋuwuya wayaŋgu lakaŋu."

¹⁰ Ga bat-bitjayana waya gurrana ɳunhi dhärukta ɳanya Djesuna mulkana ga yakana waya yolŋuwu ɻakaŋaya. Ga waya ɻurrikun'thuya ɻuŋdu'miŋuyu wayay dhä-wirrka'yunmina bitjaya gam', "Nhäku ɳunhi ɳayi bitjayatja waŋana? Be ɳayi yurru bulu rakunyŋuyu gaŋgathi? Nhätjuyuna ɳuli ɳayi biyakuya malŋ'thu?"

¹¹ ɳayŋu waya ɳanya dhä-wirrka'yuna bitjayana, "Nhäku ɳuli ɳunhi Rommarŋgikunhamiyuya wayay ɻakama ɳunhi ɳayi Elijah yurru buna ɳäthiyi, ga yurruna ɳayi Garrayya ɳunhi Maŋutji-ɻakanhawuya yolŋu buni? Ga nhepiya gurra nhattjan guyanja, Marrkapmi?"[◊]

¹² Ga ɳayi Djesuya buku-roŋinymaŋaya bitjaya, "Yuwalk dhuwayitja. Waya ɳunhi baman'ɳuwuy ɳalapalmiyu wukirri ɳunhi ɳayi Elijah yurru buna nurrŋuyua, ga ɳäthiyi ɳayi yurru dhukarr buma nhanŋu Christku. Ga ɳayi Christtja ɳunhi Maŋutji-ɻakanhawuy Yolŋu ɳunhi ɳayi God-Waŋarryu ɳäthil'yuna dhä-ɳäthiyi yana djuy'yuna. Ga nhäku gurra nhumaya yaka dharaŋan dhiyanuya wayay ɳunhi dhäruk ɳunha wukirriwy God-Waŋarrywuŋu ɳunha djourra'ŋu, ɳunhina ɳunhi Yuwalkŋuwalaŋuwuŋha Wal'ŋu Yolŋuwalaŋuwuy? Yurru ɻinygu'ga waya ɳunhi dhäwu'ya wukirri, ga yolŋuya waya ɳunhi yaka djälthina ɳayŋu bunayana waya ɳanya rakunyguŋayana. ¹³ Gatjuy latju'kuŋuna waya mäkiri'-witjuya. Nuhinaya yolŋuna Elijah-naya ɳunhi ɳayi ɳäthiyi bili bunana.* Yurru yolŋuya waya wayaŋguway ɳayaŋuwu malthuna, yana yätjkuŋayana ɳanya nhäŋaya. Ga balanya ɳunhi waya djawarrkmiyu ɳäthiyiya dhäruk wukirri."

*Djesuyu walŋakuŋaya yothuna ɳunhi yätjthu birrimbirryu gurrana mulkana ɳanya
(Matthew 17:14-21, Luke 9:37-43)*

¹⁴ Ga ɳunhi waya Djesu ga ɻurrikun' ɻuŋdu'miŋu mala nhanŋu bunana wiripugulku'wu, ɳayŋu waya nhäŋaya gulku'nana yolŋuna wayana. ɳayŋu ɳunhi yolŋuya waya ɻuŋ'thunana ga nhäŋaya nhanŋu Djesuwuna ɻuŋdu'miŋuna wayana ga rommarŋgikunhamina wayana waya gurrana ɳarrŋjunmina. ¹⁵ Ga ɳunhi yolŋuyuya nhäŋaya ɳanya Djesunaya ɳayŋu waya ganyim'thunana bili waya guyajina ɳanya

* ^{9:7} 2 Peter 1:17-18, Matthew 3:17, Mark 1:11, Luke 3:22 ◊ ^{9:11} Malachi 4:5, Matthew 11:14 * ^{9:13} Djesuya gurrana yuwalktja ɻakaŋaya yolŋuwuya wayaŋgu John-na ɳunhi Buku-lupthunamina yolŋuna. Malŋ'maŋuya waya Matthew-ŋu chapter 17 verse 13.

yana be ɳayi badak yana nhinana gurrana bukuŋu. Nayŋu waya gumurr-wandinana nhanŋu.

¹⁶ Nayŋu ɳayi Djesuyuya dhä-wirrka'yuna wayana bitjaya, "Nhäku nhuma ɳuli dhuwaya ɳarrtjunmiya?"

¹⁷ Ga ɳayi waŋganydja yolŋu bitjayana waŋana gam', "Marrkapmi ɳäku ɳarrana! Dhuwaya ɳarra yothuna darramuna ɳarrakuway gäŋaya märr yurru nhe walŋakuma ɳanya. Bäyŋu ɳayi dhuwaya dhärukmiriw ga dhuwaya birrimbirryu yätjthu ɳanya ɳuli mulka. ¹⁸ Ga ɳunhi nhanukaya ɳuli birrimbirr yätjtja gärri yana butparkthuna ɳuli ɳanya munatha'yina. Ga yurruna ɳuli nhanukaya ɳälyä dhaŋaŋdhı dhurrwarakuya ɳayŋu ɳuli lirra-lawunhamina ɳayi. Ga rumbalya nhanŋu ɳuli dälthina bitjan dharpa. Ga ɳäŋ'thuna ɳarra dhuwaya ɻuŋdu'miŋuna wayana nnuŋu gunga'yunawu, dhawaŋmanhawu dhiyaku birrimbirrwu, yurru gulkuruna."

¹⁹ Ga ɳunhi ɳayi Djesuyu balanya dhäwu' ɳäkuya ɳayŋu ɳayi madakarritjthinana wayaŋgu, "Nhä nhuma dhuwaya yolŋuya waya dharaŋjanamiriw, bili ɳarra nhuma dhuwaya marŋgikuŋayatja beŋu bili, bay nhä nhuma gurra dhuwaya dhiryun marŋgithiya? Yaka nhuma gurra ɳarraku yuwalktja märr-yuwalkthi, ɳeniya? Nhämuny'nhami ɳarra yurru nhumaŋgu galkundja? Go, gäŋuna waya dhuwaii yothunaya lilina!" ²⁰ Nayŋu waya ɻaw'manayana ɳunhi yothunaya ga gäŋaya Djesuwayana. Ga ɳunhi ɳayi ɳuriŋi yätjthu birrimbirryu nhäŋaya Djesunaya bala yana ɻupthunana yothunaya munatha'yina gunhana ɳayi gurrana ɻur'yunmina ga djalkthunmina, ga dhurrwarakuya nhanukaya ɳälnha marrtjina larryuna.

²¹ Ga beŋuya ɳayi Djesuyuya dhä-wirrka'yuna ɳunhi bëpa'miŋunaya bitjaya, "Nhätha ɳayi dhuwaya gurrana bitjayatja?"

Nayŋu ɳayi ɳunhi bëpa'miŋuya bitjayana lakanjaya, "Beŋu yana bili ɳunhi ɳayi yothu ga yana. ²² Wiyinŋumi ɳayi ɳunhi yätjtja birrimbirr dälthina nhanŋu baymatthunawu. Ga bitjana bili ɳayi ɳuli ɳanya djalkthuna, wiripuya ɻupthun gurthayi ga gapuyi gulwulmanha. Ga buku-djulŋi ɳäthiyi gunga'yu ɳilinyunga, gu? ɳuli dhuwaya gumurr-yalŋgi'ya, ma' maŋutji-wuyuna ɳilinyungu, walŋakuŋuna dhuwaya yothuna."

²³ Ga ɳayi Djesuya bitjana waŋana, "Nhäku nhe bitjayatja waŋana, 'Nuli dhuwaii gumurr-yalŋgi'ya?' Narraya yurru dhuwaya djäma yana, ɳuli nhe yurru ɳäthiyi ɳarraku märr-yuwalkthi!"

²⁴ Nayŋu yana ɳayiya ɳunhi bëpa'miŋuya märr-nherranminana bitjayana, "Marrkapmi, bilina ɳarra dhuwaya märr-yuwalkthinana. Go, gunga'yuna ɳarrana, märr ɳarraku yurru märr-yuwalkthinyamiya wirrkina yana dälthi!"

²⁵ Ga ɳulinyamiyu waluyu ɳayi Djesuyu nhäŋayana gulk'u'nana yolŋuna wayana waya marrtjina gitthunmina lili malami. Nayŋu ɳayi dhäruk-wekanjaya ɳuriki yätjku birrimbirrwu bitjaya, "Nhe dhuwaya birrimbirr, walmina dhiyakaya yothuwaya, märr ɳayi yurru ɳämana ga waŋana! Ga yakana buluya gärri nhanukaya!"

²⁶ Ga ɳunhi ɳayi ɳuriŋi birrimbirryu ɳäkuya Djesunaya dhäruk waŋanhawuya, ɳayŋu yana ɳayi yatjuna wirrkina. Nayŋu ɳayi ɳunhi yothuya galkinana, dalalakthinana, bitjan ɳuli ɳayi rakunydhinana. Nayŋu yolŋuya waya lakanhamina marrtjina ɳunhaya, "Wäy bilina ɳayi dhuwaya rakunydhinana!"

²⁷ Nayŋu ɳayi Djesuyuya goŋha ɳanya mulkana ɳayŋu gaŋgathinymajayana.

²⁸ Nayŋu waya Djesuya ga ɻuŋdu'miŋuya waya nhanŋu marrtjinana gunha'yunana ɳunhiya wäŋa ga gulŋiyina bunbuyina. Ga ɳunhayatja waya dhä-wirrka'yuna ɳanya Djesuna bitjaya, "Wäy, nhäku ɳunhi ɳanapuya yaka dhawaŋmanjaya ɳunhi yätjnha birrimbirrnha?"

²⁹ Naynu ɳayi Djesuya waŋana bitjaya, “Latju'kuŋu ɳäkuya! Balanyaya ɳunhi birrimbirr mala yätjnha yana wirrkina. Ga ɳuli nhuma yurru yakaya ɳäŋ'thun guŋga'yunawu God-Waŋarrnha dhiyaku birrimbirrwu, nhumaya yurru yakana dhawatmama yolŋuwatjatja.”

*Djesuyu bulu lakanjaya ɳunhi ɳayi yurru rakunydhi
(Matthew 17:22-23, Luke 9:43-45)*

³⁰ Ga beŋuya ɳayi Djesu ga lundu'miju waya nhanju gunha'yunana ɳunhiya wäŋa naynu marrtjina Galilee-yina makarryi wäŋayi. Ga yaka ɳayi gurrana djälthina waya yurru yolŋu waya marŋgithi ɳunhi ɳayi gurrana nhinana ɳunhaya. ³¹ Yo, djälmina ɳayi gurrana, ɳayi yurru lundu'mijuna wayana nhannuway yana marŋikuma. Ga bitjaya ɳayi waŋanaya gam', “Yaka wiyin'tja, naynu waya ɳuli ɳarrana goŋ-wekanjuna wiripuwayana mulkuwuwayana yolŋuwaya. Naynu ɳuli waya ɳarranaya Yuwalkŋunaya Wal'ŋu Yolŋuna baymatthuna murrkaykuŋuna. Ga rakunydhi ɳarra ɳuli yulŋuya, ga bulu walŋathi bulal'yu munhayu.”†

³² Yo, bitjaya ɳayi gurrana Djesuyu lakanjaya, yurru nhanju ɳunhi lundu'mijuya waya märr-dhumbal'yuna. Ga yakana waya ɳunhi buluya ɳanya dhä-wirrka'yuna.

*Djesuwu lundu'miju waya ɳarrtjunmina yol yurru ɳurruŋuyi
(Matthew 18:1-5, Luke 9:46-48)*

³³ Ga beŋuya ɳayi Djesuya ga lundu'mijuya waya nhanju marrtjinana, ga bunana wäŋanu yäkuŋu Capernaum. Ga dhunupana waya gärrina bunbuyina ɳaynu ɳayi Djesuyuya dhä-wirrka'yunana wayana bitjaya, “Wäy, nhäkuŋga nhuma marrtjina ɳunhi dhukarrkuya ɳarrtjunmina?”

³⁴ Ga wayatja ɳunhi yakana nhanju buku-roŋinymaŋaya ɳunhi nhäku waya waŋanhamina marrtjina dhukarrkuyu, yol yurru ɳurruŋuyi beŋu malaŋu.◊

³⁵ Naynu ɳayi Djesuya nhinanana, ɳaynu ɳayi marŋgikuŋayana bitjayana, “Nuli nhe ɳula yol djälthi gurra nhe yurru ɳurruŋuyi, nhe ɳäthiyi ɳuli biyaku bitjan dhuwaya yolŋu djämamina birrka'miwuna yolŋuwu.”◊

³⁶ Ga ɳayi Djesuyuya yothunana law'maŋaya ɳaynu dhangi'yunana ɳanya, ɳaynu gunha'yuna gumurryina ga waŋana bitjaya, ³⁷ “Nuli nhe yurru ɳula yol yolŋu gumurr-ŋamathi gali'wuyu yolŋuwu bitjan dhuwaya yothu, bili ɳayi ɳunhi ɳarraku yolŋu, ɳunhiya nhe ɳarrakuna gumurr-ŋamathi gurra. Ga ɳuli nhe ɳarrakuya gurra gumurr-ŋamathi, ɳunhiya nhe bitjan gumurr-ŋamathi gurra ɳarrakalaŋuwuna bäpa'mijuwu, ɳurikina ɳunhi ɳayi ɳarrana djuy'yuna lili dhipaya munatha'yi wäŋayi.”◊

*Yol dhika ɳilimungayatja gali'ŋu?
(Luke 9:49-50)*

³⁸ Ga beŋuya dhurrwaranu ɳaynu ɳayi Djesuwu lundu'miju yäku John waŋana bitjaya, “Way marrkapmi, ɳunha ɳanapu nhäŋaya yolŋuna waŋganynha ɳayi gurrana yätj birrimbirr djalkthuna nhokaya yäkuyu. Yurru ɳanapuya ɳanya gulmaŋaya bili ɳayi ɳunhi yaka ɳilimungaya malaŋu.”

³⁹ Naynu ɳayi Djesuya bitjayana buku-roŋinymaŋaya, “Yaka nhuma ɳunhi be gulmanha ɳanya. Bili ɳula yolthu yolŋuyu yurru djäma ganydjarrmi rom ɳarrakaya yäkuyu, ga yalalaya ɳayi yurru ɳunhi yakana ɳarrana yätjkuma waŋa. ⁴⁰ Ga ɳunhi ɳayi yolŋu yakaya yurru gulmama ɳilimuna, ɳunhiya ɳayi ɳilimungayana gali'ŋu.◊

† ^{9:31} Djesuya ɳunhi rakunydina Fridayyu (ɳunhiya waŋgany walu). Ga moluŋuya ɳayi gaynithina Saturday (ɳunhiya bulal'nha walu): Ga walŋathinaya ɳayi Sundayna (ɳunhiya lurrkuna walu). ɳunhiya mayali' ɳayi bulal' yana munhaya rakunydja gurrana Friday munhaku ga Saturday munhaku. ◊ ^{9:34} Luke 22:24 ◊ ^{9:35} Matthew 20:26-27, 23:11, Mark 10:43-44, Luke 22:26 ◊ ^{9:37} Matthew 10:40, Luke 10:16, John 13:20 ◊ ^{9:40} Matthew 12:30, Luke 11:23

41 Latju'kuṇu guyanjiya! Nuli ḥayi, ḥula yol yolju, marngi ḥunhi nhe ḥuli malthun Garrawyu, bala ḥayiya nhuna yurru gunja'yuna, bāydhī ḥayi ḥuli nhunu gapu yana wekaṇu, God-Waṇarryuya ḥunhinaya yoljuna ḥayi yurru yakana meṅguma.”[☆]

Yaka rom-yätj djäma

(Matthew 18:6-9, Luke 17:1-2)

42 Ga bulu ḥayi Djesu waṇana bitjaya, “Nuli yurru ḥula yolthu yolju maṇutji-warriyun ḥarraku yothuna yätjthi romdhi, ḥaynu ḥayi yurru yothuya ḥunhi gulyuna ḥarrakayatja märr-yuwalkthinyaṇuya, latju'na ḥunhi ḥurikiya maṇutji-warriyunamiwuya yoljuwu ḥanyanaya yurru mayaŋ'ha ḫapmama raki'yuna bathalayuna gundai, ḥaynu ḫupthu dhulmuyina gapui, märr ḥayi yurru gulwulyuna.

43 Ga ḥuli ḥayi yurru goṇdu nhokaya yätj warkthun, nheya yana gulk'thunmina ḥunhi goṇdja. Bili latju'ya nhunu nhe yurru djiwarr'yiya marrtji goṇ waṇganyinha. Ga ḥuli nhe baḍak yana goṇ bulal', nhunaya ḥuli ḫupthu ḥunha gurthayina ḥunha dhä-dir'yunamiyina wäṇayi.[☆] 44 [Ga ḥunhiya bitjan yätjnha wirrkina wäṇa. Ga gurthaya ḥuli yakana bolmuyukthi ḥunhaya wäṇaṇu. Ga mewirriya ḥuli waljana yana gal'yunmi, ga yätjkuṇu ḥuli warrpam'ha yana.]‡ 45 Ga ḥuli nhokaya ḫukuyu yurru gäma nhuna ḥula nhäyi yätjthi, gulkthuna dhuwayi ḫukuya. Bili latju'ya nhunu nhe ḥuli djiwarr'yiya gärri ḫuku waṇganyinha. Ga ḥuli nhe ḫuku bulal'ya nhunaya ḥuli ḫupthu ḥunha gurtha'yina ḥunha dhä-dir'yunamiyina wäṇayi. 46 [Ga ḥunhiya nhunu yätjnha wirrkina wäṇa. Ga gurthaya ḥuli yakana bolmuyukthi ḥunhaya wäṇaṇu. Ga mewirriya ḥuli gal'yun waljana yätjkuṇu ḥula nhä malanyinha.]§ 47 Ga ḥuli nhokaya maṇutjiyu nhuna yurru gäma romdhi yätjthi, nheya yana dulṇurr'yuna maṇutjiya nhunuway ḥaynu ḫupthuna. Bili latju'ya nhunu nhe yurru djiwarr'yiya gärri maṇutji waṇganyinha. Ga ḥuli nhe maṇutji bulal'ya, nhunaya ḥuli ḫupthu ḥunha gurtha'yina ḥunha dhä-dir'yunamiyina wäṇayi.[☆]

48 ‘Ga ḥunhiya nhunu yätjnha wirrkina wäṇa.

Ga gurtha'ya ḥuli yakana bolmuyukthi ḥunhaya wäṇaṇu.

Ga mewirriya ḥuli waljana yana galyun, yätjkuṇu ḥuli ḥula nhä malanyinha.’[☆]

49 Yo, ga God-Waṇarryuya ḥuli ḥunhi dhunupakuma nhanju malthunaminya wayana gumurr-dälkuyuna romguyu, bitjan ḥuli yoljuwu bilyu'bilyunmama nhanjuway gara dhunupakuma gurthaṇu.

50 Manymak, djolya dhuwaya manymak, ḥuriṇi ḥuli ḥunhi ḥathaya dhäkaymiyi. Ga ḥuli yurru dhäkaya dhawar'yun ḥunhiya yätjnha, ḥaynu ḥuli djalkthuna. Yo, nhumaya dhuwaya bitjan ḥunhi djoṇha, dhäkaymiyanhawu märr nhuma yurru latju'kumana nhinaya yoljuwayatja malaṇu, märr-ḥamathinyamina yurru bukmaknha![☆]

[Balanya dhuwaya! Märr gaṇga waya ḥarrtjunmiya, yol yurru buṇgawayiya ga yol bäyju!]”

10

Pharisee-yu yoljuw wayay dhukarr djäma märr yurru waya mayali'-wilkthun Djesuna

(Matthew 19:1-12, Luke 16:18)

1 ḥaynu ḥayi Djesuya marrtjina Judea-yina makarryi wäṇayi. Ga bitjayana bala ḥunha gali'yina wiripuyina wäṇayi ḥunhana galki Jordan-na mayaŋ' mulkana.

☆ 9:41 Matthew 10:42 ☆ 9:43 Matthew 5:30 ‡ 9:44 Nunha ḥurrujuṇuya djoura'ju Greekkuya dhärukkyu dhuwaya number 44-tja yaka gurra djingaryun. § 9:46 Nunha ḥurrujuṇuya djoura'ju Greekkuya dhärukkyu, dhuwaya number 46-tja yaka gurra djingaryun. ☆ 9:47 Matthew 5:29 ☆ 9:48 Isaiah 66:24 ☆ 9:50 Matthew 5:13, Luke 14:34-35

Ga gulk'u'na ɳunhi yolŋuya waya ɻun'thuna nhanukaya. Ga bulu ɳayi gurrana marŋgikuŋjaya.

² Ga Pharisee waya marrtjina märr waya yurru dhä-wirrka'yun yurru gatjarr'yun ɳanya, “Nhattjan gurra ɳunha ɳilimuŋguya rom waŋa,... ɳayi yurru darramuyuya gunha'yun nhanŋuway miyalknha ɳayŋu djuy'yuna ɳanya?”

³ Ga ɳayi Djesuya buku-roŋinyamaŋjaya bitjaya, “Guyanji ɳäthiyi, nhattjan gurra ɳunhi Moses-kuya waŋa rom ɳurikiya ɳilimuŋgalanuwuya romgu?”

⁴ Ga wayatja buku-roŋinyamaŋjaya, “Nunha Moses-kuŋuya rom bitjan waŋa gurra ɳilimuŋgu gam', ɳurruŋuya ɳayi ɳäthiyi yurru djorra' wukirri gunha'yunaminyawu, ga yurruna ɳanya gunha'yundja yurru gupa-däl̄nha.”[☆]

⁵ ɳayŋu ɳayi Djesuya waŋana bitjayana, “Näku waya! Yuwalk ɳayi ɳunhi Moses-dhuya bitjaya rom nherraya, bili nhuma dhuwaya ɳayaŋu-däl̄mi. ⁶ Ga yaka waya ɳunhiya dhäwu' meŋguŋu ɳe!, ɳunhi dhäwu' ɳurru-yirr'yunawuy, ɳunhi ɳayipi God-Waŋarryu djäma dhuwaya djiwarr' wäŋa ga dhuwaya munatha! Nunha gurra wukirriwyu djingaryun bitjan gam',

‘God-Waŋarryu ɳunhi djäma yolŋunaya, darramuna ga miyalknha.’[☆]

⁷ Ga ɳurikina ɳurruwu ɳayi yurru ɳunhi darramuyuya gunha'yun nhanŋuway ɳändi'miŋjunaya ga bäpa'miŋjunaya,

ɳayŋu marrtjina ga ɳätthuna nhanŋuway miyalknhaya, märr maŋda yurru nhina ɳayaŋu-waŋganyinha,

⁸ ga bulal' ɳunhi rumbalya maŋda yurru waŋganydhinana.’[☆]

⁹ Ga ɳayi God-Waŋarryuna maŋdana ɳuli waŋgany-manapandja, ga yakana maŋdana yurru ɳula yolthu barrkuwatjkuma, bili ɳunhiya yätjhna wirrkina rom!”

¹⁰ Ga beŋuya ɳayi Djesu ga ɻuŋdu'miŋu waya nhanŋu gulŋiyina buŋbuyina. Ga ɳunhaya waya ɳanya ɳäŋ'thunaya Djesuna bitjaya, “Nhä nhe gurrana ɳanapuna marŋgikuŋjaya ɳäthiyiya?”

¹¹ Ga ɳayi Djesuya buku-roŋinyamaŋjaya bitjayana, “Nunhi yurru darramuyu gunha'yun nhanŋuway miyalknha ga ɳätthun ɳayi yurru ɳunha wiripunana, ɳunhiya ɳayi gurra marramba'na warkthun. ¹² Ga balanya bili miyalkuya. ɳuli ɳayi yurru gunha'yun nhanŋuway dhuway'miŋjunaya ɳayŋu waŋdi yurru ga ɳätthun wiripunana, ɳunhiya bitjan marramba'na gurra djäma.”[☆]

Djesu bukumiyaŋjaya djamarrkuliu

(Matthew 19:13-15, Luke 18:15-17)

¹³ Waŋganimiyu, yolŋuy wayay gäŋjaya wayanju djamarrkulina Djesuwaya, märr ɳayi yurru wayanġgaya goŋ-ɳal'yun ga ɳäŋ'thun God-Waŋarrnha märr nhanŋu yurru ɳunhi ɳayaŋu-latju'kunhami rom malŋ'thun wayanġgaya. ɳayŋu waya ɳunhi ɻuŋdu'miŋuya wayay ɳarrtjunana wayana gukuŋjaya.

¹⁴ Ga ɳunhi ɳayi Djesuyu nhäŋjaya wayana balanyayi ɳayŋu ɳayi maðakarritjhinana nhanukalanuwu ɻuŋdu'miŋuwuya wayanju ɳayŋu ɳayi waŋana bitjayana, “Yaw, yaka dhuwayı yumurrku'naya gukuŋu, bili God-Waŋarrwuya dhuwaya yolŋu waya balanya bitjan dhuwaya yumurrku'. ¹⁵ Yo, latju'kuŋu waya biyaku guyangi. ɳuli yurru ɳula yol yolŋu yuwalktja wal'ŋu djäl̄miyi God-Waŋarrwuya, wayatja yurru yuwalknha yana ɳayaŋumiyi nhanŋu, bitjan dhuwaya djamarrkulı ɳuli yuwalkkumaya ɳayaŋumiyi wayanġgalanuwu ɳändi'miŋuwu ga bäpa'miŋuwu. Ga ɳuli yakaya ɳayaŋumiyi nhanŋu Godku, waya yurru yana yakana God-Waŋarrwuya djamarrkulı.”[☆] ¹⁶ Ga beŋu dhurrwaraŋu ɳayŋu ɳayi Djesuyuya wayana djamarrkulina law'lawmaŋjayan, ɳayŋu ɳayi

[☆] **10:4** Deuteronomy 24:1-4, Matthew 5:31 [☆] **10:6** Genesis 1:27, 5:2 [☆] **10:8** Genesis 2:24 [☆] **10:12** Matthew 5:32, 1 Corinthians 7:10-11 [☆] **10:15** Matthew 18:3

goŋ-ŋal'yuna ga bukumiyanaya God-Wanjarrwayana märr ɳayi yurru wekamana nhanjuway märr-ɳamatinyamiya rom wayangayana, bukmakayana yana.

*Lukunyndja' yolŋu gurrana larruŋaya nhinanhangu God-Wanjarrwaya gali'ŋu
(Matthew 19:16-30, Luke 18:18-30)*

¹⁷ Ga ɳunhi ɳayi Djesu gurrana gurku'yuna marrtjinyawu, bala ɳayi darramuna bunana nhanju. Ga buŋ'kumu djipthuna ɳayi Djesuwaya ɳunhanaya bili gumurrŋuna nhanukaya bala ɳayi dhä-wirrka'yunana bitjayana, "Manymak Marŋgikunhami, ɳarra nhuna yurru dhuwaya dhä-wirrka'yun ɳäthiyi. Balanyawu gam': Nhattjan dhika ɳarra yurru yulŋuya, märr ɳarra yurru marŋgithi ɳunhi ɳarra ɳuli djiwarr'ɳuya nhini God-Wanjarrwayatja wiynŋumi, walnadhawar'yunamiriwnha?"

¹⁸ Ga ɳayi Djesuya buku-roŋinymaŋaya, "Nhäku nhe dhuwaya bitjayatja waŋana, 'Manymak Marŋgikunhami'?", bitjayatja. Yaka dhuwaya ɳula yol yolŋu yuwalktja wal'ŋu latju', God-Wanjarr yana ɳayipi latju'ya. ¹⁹ Biliŋga nhuma dhuwaya God-Wanjarrwuya dhärukku marŋgi ɳunhi gurra bitjan waŋa,

'Yaka yolŋuna baymatthu rakunykuŋu;

Yaka marramba'thi;

Yaka mananji:

Yaka nyäl ɻakanju;

Yaka mayali'-wilkthu yolŋuna, bala marrtji bala mananji nhanju nhä malanyinha;

Märr-ŋal'yu nhokalaŋuwu ɳäŋdi'miŋuwu ga bäpa'miŋuwu.'"[◊]

²⁰ Naynu ɳayi ɳunhi yolŋuya bitjayana waŋana, "Yuwalk yana marrkapmi Marŋgikunhami. Narraya gurrana dhuwaya mulkana ga malthuna dhiyaku romgu beŋu bili yana ɳunhi ɳarra yothunga yana."

²¹ Naynu ɳayi gurrana Djesuyuya nhäŋayana ɳunhi yolŋunaya ɳayaŋuyuna latju'yuna ɳaynu ɳayi bitjayana waŋana, "Gatjuy roŋiyina wäŋayina ga djalimnhä nhuŋuway nhäya malany warrpam'thuna yana. Ga ɳuli nhe yurru rrupiyaya ɳätthun bala mala-gulkthuna ɳunhiya, ɳaynu wekuŋu ɳunha ɳurruwyknhana yolŋuna wayana. Naynu nheya yurru ɳarrakuna malthun. Ga yalalaya ɳayi yurru God-Wanjarryuya buku-roŋinymama wekama nhunaya nhä malanyinha ɳunhaya djiwarr'ɳuna."

²² Ga ɳunhi ɳayi ɳuriŋi yolŋuyu balanya ɳäkuya Djesunaya, ɳaynu nhanju ɳayaŋuya-yätjthinana. Naynu ɳayi wäŋayina marrtjina galŋa-yätjthinana, bili ɳayi ɳunhi yuwalknha yana ɻukunyndja'ya.

²³ Naynu ɳayi Djesuyuya nhäŋayana marrtjina, ɳaynu ɳayi waŋana nhanukalaŋuwaya ɻundu'miŋuwaya bitjaya, "Gumurr-dälnha dhuwaya wirrkina yana ɻukunyndja'wuya yolŋuwu gärrinyawu ɳaynu djiwarr'yiya!"

²⁴ Ga ɳunhi waya ɻundu'miŋuyu ɳäkuya ɳanya balanyawuy waŋanhaya ɳaynu waya märr-dhumbal'yunana. Ga ɳayi Djesuya bulu waŋana bitjaya, "Näkuya waya latju'kuŋu! Däl dhuwaya wirrki gulŋinyawu God-Wanjarrwayatja gurruŋumiwayatja Romdhi. ²⁵ Guyanji ɳunhi wäyina yäkuna camel-nha. Yuwalk ɳayi ɳunhi wirrkina gumurr-dälnha nhanju gärrinyawu ɳunha yutjuwaŋa'ya ɳarŋga ɳelŋu, ɳunhi girri' ɳuli dharpuma. Yo, balanyana ɳunhi yulŋuya ɻukunyndja'wuya yolŋuwu, wirrkina yana gumurr-dälnha gärrinyawu God-Wanjarrwayatja Romdhi."

²⁶ Ga nhattjaya ɳayi ɳunhi Djesu waŋana, ɳunhiya waya wirrkina dhumbal'yuna. Naynu waya gurrana dhä-wirrka'yunmina bitjayana, "Ga, ɳuli ɳayi gurra yuwalktja bitjan ɻakama, ga yolŋha ɳuli ɳunhi yuwalktja nhini ɳunhayatja djiwarr'ɳuya nhanukaya God-Wanjarrwayatja?"

[◊] **10:19** Exodus 20:12-16, Deuteronomy 5:16-20

²⁷ Naynu ɳayi Djesuyuya nhäŋjayana marrtjina, ga bitjayana ɳayi waŋjana, "Yolŋuya yurru ɳunhi yaka gäna' gulŋiyi God-Waŋarrwaya Romdhi nhanukiyingaya ɳayi ganydjarryu. Yurru yaka waya meŋguŋu, ɳayipi God-Waŋarryu mulka gurra ganydjarr gärrinyamanhawuya yolŋuwu nhanukiyingaya Romdhi. God-Waŋarryuya djäma yana nhä malanynha bukmak."

²⁸ Ga ɳayi Peter-ya waŋjana buku-roŋinyamaŋaya bitjana, "Marrkapmi. ɳanapuya dhuwaya bili gunha'yuna nhä mala ɳanapuŋguway ɳaynu malthuna nnuŋjuna. Ga nhä dhika ɳanapuŋguya buku-roŋinyamanhaya?"

²⁹⁻³⁰ Naynu ɳayi Djesuya bitjayana waŋjana, "Narra nhumaŋgu yurru ɻakamana! ɳuli yurru ɳula yolŋu djälmiyi malthunawu ɳarrakuya, bala marrtji yurru gunha'yuna nhanŋuway ɳǟndi'miŋuna, ga bāpa'miŋuna, ga yumurrku'na, ga gutha'miŋuna, ga wäŋa ga djäma nhanŋuway ga nhä malanynha girri' nhanŋu. Ga yurruna ɳayi yurru marrtjiya gurra buku-liw'mamana yolŋuwaya wayangaya dhäwu'na yurru latju'na ɻakama ɳarrakalanuwuynha. Ga yalalana nhanŋuya ɳuli buku-roŋinyamaŋu God-Waŋarryuna buluna wal'ŋu dhaŋaŋnha bukuyi-ŋal'maŋu. Nhä malanynha ɳuli yolŋuyu gunha'yuna, nhanŋuya ɳuli gulku'na buku-roŋinyamaŋu God-Waŋarryu. Ga ɳayaŋu-wutthunamiya rom ɳuriŋi yolŋuyu ɳuli ɳätthun yana wiripuŋu yolŋuwuŋu, bili ɳayi ɳuli ɳunhi ɳarraku malthun. Ga yalalaŋumina ɳunhi ɳayi dhuwaya munatha' wäŋa dhawar'yu, bala ɳayi ɳuli ɳunhi nhiniya wiyinŋumina, walŋa-dhawar'yunamiriwnha ɳunhayana galkina yana God-Waŋarrwayana. ³¹ Ga ɳuli yurru yolŋu bitjandja bili guyanŋinyami yindikunhamiya, ɳunhayatja ɳayi yurru nyumukuŋinydhina, nhäŋjanin'thina. Ga ɳunhi nhäŋjanin'tja yutjuwała'ya ɳuli ɳurruŋuyina ɳunhayatja."*

Djesu ɻakanhamina buku-lurrkun'mi ɳunhi ɳayi yurru rakunydhidi
(Matthew 20:17-19, Luke 18:31-34)

³² Ga balanyamiyu waya ɳunhi marrtjina ɳaynu Jerusalem-dhina ga ɳayiya gurrana ɳunhi Djesuya ɳurruŋuna bitjaya marrtjina ga wayatja ɻuŋdu'miŋuya waya nhanŋu ga wiripu yolŋu waya gurrana ɳapa-munguyunana ɳanya. Ga guyanŋina waya marrtjina dhäruk ɳanya waŋanhaya bitjanaya, "Yolŋuyu wayay ɳarrana ɳuli baymatthuna ɳunhaya Jerusalem-dja." Ga wirrkina waya ɳunhi bitjaya ganyim'thuna, biyanina manapaya.

Ga ɳayi wayana Djesuyuya ɳäkuya ɳaynu ɳayi ɻuŋ'maŋayana nhanŋuwaya ɻuŋdu'miŋuna wayana ga bulu ɳayi ɻakanjaya nhatju ɳuli yolŋuyu wayay ɳanya mulki ɳunhaya Jerusalem. ³³ Ga bitjaya ɳayi waŋjana, "Näku waya nhuma! Dhuwaya ɳilimu gurra marrtjina yulŋuya Jerusalem-dhina. Ga dhuwanna ɳarra yulŋuya Yuwalkŋuya Wal'ŋu Yolŋu, dhuwaya waya ɳuli ɳarrana goŋ-wekuŋuna ɳurruŋudalkarramiwuna wayangu ga rom-marŋgikunhamiwuna wayangu. Naynu waya yurru ɳarraku yoranhamina rakunydhinyawuna. Naynu waya ɳuli ɳarrana goŋ-wekuŋuna ɳunha wiripuwayana yolŋuwaya wayangaya, ɳunhi waya dhuŋa God-Waŋarrwu. ³⁴ Ga ɳunhayana waya ɳuli ɳarrana gora-wekuŋuya. Dhupthuyu waya ɳuli ɳarrana ga bartjunmaŋu raki'yu, ɳanaknha ɳarrana baymatthuya. Ga dhurrwaraŋu beŋuya bala waya ɳarrana ɳuli murrkay'kuŋuna baymatthu. Ga yuwalk yana ɳarra ɳuli ɳunhi rakunydhya, ga munha bulal' ɳuli djulkthu ɳaynu bulu ɳuli walŋathi."*

James-thu ga John-dhu ɳäŋ'thuna Djesuna ɳurruŋuyinyawu
(Matthew 20:20-28)

* **10:31** Matthew 20:16, Luke 13:30 * **10:34** Djesuya ɳunhi rakunydhina Friday waluyu (ɳunhiya waŋgany walu). Ga molunjuya ɳayi gurrana gayŋithina Saturday-na (ɳunhiya bulal'nha walu): Ga walŋathinaya ɳayi Sunday (ɳunhiya ɻurrkun'nha walu). ɳunhiya mayali' ɳayi bulal' yana munhaya rakunydhya gayŋithina Friday munhaku ga Saturday munhaku.

³⁵ Ga benuya dhurrwaraŋu bala maŋda ɳunhi Zebedee-wu gäthu'miŋu maŋda James ga John marrtjina withiya Djesuna. Nayŋu maŋda ɳäŋ'thunana ɳanya bitjayana, "Marrkapmi Marŋgikunhami, dhuwaya ɳilinyu gurra dhäruk nnuŋu mulka."

³⁶ Nayŋu ɳayi Djesuyuya maŋdانا dhä-wirrka'yunana bitjayana, "Nhäku nhuma yurru ɳäŋ'thundja?"

³⁷ Ga maŋdaya bitjayana waŋana, "Marrkapmi, yalalamiyuya nheya yurru dhuwaya ɳurruwuŋmina wal'ŋu ɳurru-warryunamina ɳanapuŋgu. Ga ɳula nhe yurru bitjandhi bili ɳilinyuŋguya guyaŋi? Märr yurru ɳilinyu nhokayana galki. Waŋganydjya yurru nhina nhokaya dhunupa'ŋu gali'ŋu ga wiripuya yurru nhina wiŋ'kuŋuna gali'ŋu."

³⁸ Ga ɳayiya Djesuyuya buku-roŋinymaŋaya, "Yaka nhuma dhuwaya marŋgi nhäku nhuma gurra dhuwaya ɳäŋ'thun. Narraya ɳuli dhuwaya yalalaŋumiya galŋa-wilyuna wirrkina yana. Wanhana? Nhattjuna nhumaya ɳuli... biyaku bili galŋa-wilyu bitjan ɳarra, ga yana bili ga rakunydhı ɳuli?"[☆]

³⁹ Ga maŋdaya waŋana, "Ne... biyaku bili Marrkapmi."

Ga ɳayiya Djesuyuya buku-roŋinymaŋaya bitjaya, "Yo, yuwalk yana nhuma ɳuli ɳunhi galŋa-wilyuya, biyaku bili bitjan ɳarra. ⁴⁰ Wäy-y, ɳunhiya ɳuli ɳayipina God-Wanjarryuna mala-djarr'yu, yol ɳuli nhini dhunupa'ŋuya ga yol wiŋ'kuŋuya gali'ŋu. Ga bili ɳayi ɳunhi ɳäthiyi yana mala-djarr'yundja. ɳunhiya ɳunhi yaka ɳarraku mala-djarr'yunawu."

⁴¹ Ga ɳunhi waya wiripu-gulku'yuya ɻuŋdu'miŋuyu wayay ɳäkuya maŋdana dhäruktja balanyawuy waŋanhaya, bala waya mađakarritjthinana maŋdaku.

⁴² Nayŋu ɳayi Djesuyuya wayana ɻuŋ'maŋayana ɳayŋu bitjayana waŋana, "Marŋginga nhuma dhuwaya: ɳunhi dhiyaŋuya bala ɳurru-warryunamina yolŋu waya balanyawu, rom-dälmina, bungawakunhamina waya ɳuli yolŋuwuya wayaŋgu bukmakkuna. Balanyana ɳuli dhuwaya małŋ'thundja buku-ɻiw'mama dhiya munatha'ŋuya wäŋaŋu. ⁴³ Yurru nhumaya yurru yaka bitjandhi. Ga ɳuli nhe ɳula yolŋu dhipunu malaŋu gurra djälmiyi ɳurruŋuyinyawu, nhe ɳäthiyi yurru djämamiyi wiripuŋuwu yolŋuwu wayaŋgu.[☆] ⁴⁴ Ga ɳuli ɳayi yolŋu djäl ɳurruŋuthinyawu, ɳayi yurru djämamiyi bukmakkuna yana yolŋuwu.[☆]

⁴⁵ Bili ɳarraya, ɳunhi Yuwalkŋuya Wal'ŋu Yolŋu, yaka ɳarra lili marrtjina märr waya yurru djäma ɳarraku. Marrtjinaya ɳarra lili märr yurru ɳarra djäma yolŋuwu wayaŋgu. Narraya ɳunhi marrtjina ɳarra yurru rakunydhina mundhurrwekamana, märr yurru ɳuruŋiya bäyarra'yuya, roŋinymamana yurru yolŋunana yätjŋuna romŋu."

Djesuyu walŋakuŋaya bambaynha yolŋuna (Matthew 20:29-34, Luke 18:35-43)

⁴⁶ Yo, Djesu ga ɻuŋdu'miŋu waya nhanŋu ga wiripu gulku' yolŋu waya bunana ɳunhaya Jericho-nha wäŋaŋu. Ga ɳunhi waya gunha'yunaya ɳunhiya wäŋaya, waŋgany yolŋu gurrana bambay nhinana gali'ŋu dhukarrŋu yäku Bartimaeus, Timaus-ku gäthu'miŋu, ɳäŋ'thuna nhinana. ⁴⁷ Ga ɳunhi ɳayi ɳuriŋi ɳäkuya ɳanya Djesuna ɳunhi Nazareth-puŋunaya djulkthunaya, ɳayŋu ɳayi yatjunana bathalana rirrakay bitjayana, "Djesu, David-kuŋu mala-bunhaya, bilina ɳanapu wiŋŋumina gurrana galkunaya nhunu. Go, maŋutji-wuyuna ɳarraku."

⁴⁸ Ga waya ɳunhi yolŋuyuya wayay ɳäkuya ɳanya yatjunaya ɳayŋu waya marrtjinana ɳarrtjunana ɳanya, "Ye,... mukthu!"

[☆] **10:38** Luke 12:50 [☆] **10:43** Luke 22:25-26 [☆] **10:44** Matthew 23:11, Mark 9:35, Luke 22:26

Ga ɳayiya wirrkina yatjuna bitjaya, “Djesu! David-ku mala-bunhaya, manutji-wuyu ɳarraku!”

⁴⁹ Naynu ɳayi Djesuya gulyunana ɳaynu bitjayana waŋana, “Go, lili waya ɳanya gänu!”

Ga wayatja marrtjina nhanukaya, ɳaynu waŋanana, “Ye, bilina mukthuna. Nuhu nhanju gurra ɳayi wäthuna. Ma', go, gaŋgathina!”

⁵⁰ Ga ɳayiya ɳunhi Bartimaeus-thuya ɳäkuya ɳaynu yana yupmaŋayana nhanjuway girri' gayanh'thanhawuy ɳaynu djingaryunana wađutja yana, ɳaynu marrtjina wirrkina bala Djesuwayana.

⁵¹ Naynu ɳayi Djesuyuya ɳanya dhä-wirrka'yunana, “Nhäku nhe djälya?”

Ga ɳayiya ɳunhi bambaya buku-roŋinmaŋaya bitjaya, “Buku-djulŋi, djälmiyi ɳarra gurra dhuwaya nhänharawuna!”

⁵² Ga bulu ɳayi Djesu waŋana nhanju, “Bilina nhe dhuwaya märr-yuwalkmiyinana, ɳarraya yurru walŋakumana nhuna. Yo, linyguna nhe dhuwaya latju'na, gatjuy marrtjina!”

Naynu nhanju Bartimaeus-kuya maŋutji dhunupana yana latju'yinana. Ga beŋuya ɳayi gurrana malthunana nhanju Djesuwuna.

11

*Djesu ga luŋdu'miŋu waya nhanju marrtjina Jeruselem-dhi
(Matthew 21:1-11, Luke 19:28-40, John 12:12-19)*

¹ Yo, Djesu ga luŋdu'miŋu waya nhanju marrtjina ɳaynu Jeruselem-dhi,* ga bunana waya ɳunhaya wäŋaŋu yäkuŋu galki Bethany ga Bethphage ɳunhayana bukuŋuna yäkuŋu Mount-Olive-nha. ² Naynu ɳayi Djesuyu waŋana nhanjuway märrma' luŋdu'miŋuna bitjaya, “Gatjuy marrtjina maŋda. Ga ɳunhi nhuma yurru ɳunhaya wäŋa mulka, malŋ'mamaya nhuma yurru wäyinnha yäkuna duŋ'kina djingaryun yurru gurra garrwi'yunawuy dharpaŋu. Ga bäŋju ɳula yolŋuyu ɳunhi baki. Ga yupmama nhuma yurru raki', ɳaynu lilina gänu ɳarrakayana. ³ Ga ɳuli yurru yolŋuyu dhä-wirrka'yun bitjan, ‘Nhäku nhuma gurra dhuwayi duŋ'kinaya yupmama?’ bitjandja, ga nhumaya yurru bitjan waŋa, ‘Garra ɳunha dhiyaku djälthina, ga yalala ɳayi yurru roŋinymama nhunu.’”

⁴ Ga ɳunhi maŋda marrtjinaya yana nhäŋayana ɳunhi duŋ'kinaya, yurru yutjuwała', djingaryuna gurrana garrwi'yunaya gumurrŋu buŋbuŋu. ⁵ Naynu yolŋuya wayay dhä-wirrka'yunana maŋdana bitjaya, “Way! Nhäku nhuma gurra dhuwayi duŋ'kinaya yupmama?”

⁶ Ga maŋdaya waŋana, “Garra dhuwaya dhiyaku djälthina, ga yalala ɳanapu yurru nhunu roŋinymama.” Naynu waya dhayunayana ɳunhi duŋ'kinaya. ⁷ Naynu maŋdaya ɳunhi gäŋayana duŋ'kinaya Djesuwayana. Ga ɳunhayatja waya marrtjina gayanh'thakuŋaya girri'na wayanguway waya diltjiyina duŋ'kiwayana, ɳaynu ɳayi Djesuya ɳal'yunana nhanukaya diltjiyina bala marrtjina Jerusalem-dhina.

⁸ Ga gułku'yuna ɳunhi yolŋuyu waya rarr'yuna girri'ya gayanh'thaya wayanguway waya dhukarryi. Ga wiripu-gułku'yu yolŋuyu wayay baŋdja ɬaw-taw'yuna man'tjarr gułwirri, ɳunhi djingaryun marrtji gali'kuyu dhukarrkuyu. Naynu waya marrtjina dhukarryina rarr'yuna märr ɳayi yurru ɳunhi duŋ'kiya gayanh'thakuna marrtji.†

* **11:1** Ga yäkuya ɳayi ɳunhi buku ‘Olive,’ bili gurrana gułku’ olive mala borum ɳuthaya ɳunhaya bukuŋu bala waya ɳuli gurrana wiyikaya birrirri'yuna borumju. Ga beŋuya bukuŋu ga bala Jerusalem-dhi galki. † **11:8** Mark-kuŋu ɳunhi ɳurruŋuya wukirriwy gurra bitjan djingaryun, ‘baŋa.’ Yurru gurra John 12:13-dhu bitjan ɻakama ‘baŋa man'tjarrmi bitjan gułwirri man'tjarr.’

Rom wayangu gurrana dhärrana waya yurru bitjan goŋmiwuya yolŋuwu gumurr-ŋamathi. Ga wiripu yolŋu waya gurrana marrtjina ŋurruŋu, ga wiripuya dhuditj gurrana marrtjina.⁹ Ga bitjayanŋa waya marrtjina ŋunhi yatjunminaya, “Yo yo-o-oy! *Hosanna!* God-Waŋarr marrkapmi, dhuwaya ŋanapu gurra wokthun yana ŋnuŋu!

Dhuwaya ŋayi gurra marrtji God-Waŋarrwaya yäkuyu.

Nayi ŋunhi God-Waŋarryu ŋanya djuy'yuna, ga dhuwaya ŋayi lilina marrtji-naya.^{*}

10 Yo, yo-o-oy! *Hosanna!* God-Waŋarr marrkapmi, dhuwaya ŋanapu ŋuli gurra wokthun yana ŋnuŋu!

God-Waŋarr marrkapmi, nheya yurru dhuwanna yolŋuna buŋgawakumana bukmakkuna yana Jew-wu yolŋuwu wayanŋu, balanya nhanŋu ŋunhi mala-ŋurrkanhayŋuya King David-tja.

Yo, yo-o-oy! *Hosanna!* God-Waŋarr marrkapmi, dhuwaya ŋanapu ŋuli gurra wokthun yana ŋnuŋu!

God-Waŋarr, ŋunha djiwarr'ŋuya nheya dhuwaya bathala!”

11 Ga ŋunhi waya Djesu ga luŋdu'miŋu waya bunana ŋunhaya ŋunhi God-Waŋarrwaya Dhuyuŋu Buŋbuŋu bala ŋayi marrtjina nhäŋjaya liw'maŋjaya, bukmaknha yana ŋunhi buŋbuna malany ŋunhaya ɬoɬuŋu, ŋunhi marrtji djingar'djingaryuna. Nayŋu ŋunhi waluya milmitjpayinana, bala ŋayi Djesuyuya gunha'yunana ŋunhiya buŋbu, bala ŋayi ga luŋdu'miŋu waya nhanŋu 12 roniyina marrtjina ŋayŋu Bethany-yina.

Djesuyu waŋana dharpana dälyu dhärukthu (Matthew 21:18-19)

12 Ga wiripuyu waluyu djađaw'yunayu ŋayi Djesu ga guyurr'miŋu waya nhanŋu marrtjina beŋu Bethany-ŋu bala Jerusalem-dhi. Ga gandarrŋuya bala ŋayi Djesuya djanŋarrthinana. **13** Nayŋu ŋayi nhäŋjaya dharpa, djingaryuna gurrana gal'iŋu dhukarrŋu. Ŋunhiya dharpa balanya bitjan muthi. Ga marrtjina ŋayi galkithina borumgu malŋ'manhawu yurru bäyŋu yana. Yo, marwattja gurrana gulku'na yana gilyuna, yurru bäyŋu yana borumdja, bili yaka yana nhanŋu walu. **14** Nayŋu ŋayi Djesu waŋana dälyu dhärukthu ŋunhiyi dharpana bitjana, “Yaka yurru yolŋuyu buluya luka nhokaya borrum!” bitjaya.

Ga waya ŋunhi luŋdu'miŋuyuya wayay nhanukaya ŋäkuya ŋanya balanya dhäruk.

Djesuyu darrtjalkuŋaya God-Waŋarrwu Dhuyu Buŋbu (Matthew 21:12-17, Luke 19:45-48, John 2:13-22)

15 Nayŋu ŋayi Djesuya ga luŋdu'miŋu waya nhanŋu marrtjina Jerusalem-dhina. Ga bulu ŋayi marrtjina ŋunhimana wäŋjai ŋunhi God-Waŋarrwayana Dhuyuyi Buŋbuyi. Ga ŋunhaya ŋapuŋga Dhuyuŋu Buŋbuŋu malanyŋu gurrana dhärrana dhuyu munatha', yurru yolŋuyu wayay marrtjinya ŋuli wäyin mala wuŋjili'yuna mundhurr-wekanha. Ga wiripuya waya gurrana rrupiya buku-yulkmanhamina.‡ Yaka waya ŋunhi ŋuriki buŋbuwu rum'rumdhuna, yätjnhä waya gurrana djäma. Ga wiripuya yolŋuyu wayay gurrana rrupiya mala buku-yulkthunmina ŋunhi waya gurrana manajina manapaya. Nayŋu ŋayi Djesuyuya wayana bukmaknhana yana dhawaŋmaŋaya warraŋulyina, djalkthunana ŋayi wayanŋu daybulya, rrupiya manapaya, ga nhinanhami mala wayanŋu ŋunhi waya gurrana wäyin' djälím.

* **11:9** Psalms 118:26 ‡ **11:15** Ga bitjaya waya gurrana buku-djułkmanhamina rrupiyatja: Dhuwaya nhumaya ŋay' Rawman rrupiya ŋätthu, ga liliya wekaŋu Djewwu rrupiya bitjaya, märr waya yurru ŋuriŋiya wuŋjili'yun ŋunha buŋgawana wayana ŋunhi God-Waŋarrwaya Dhuyuŋu Buŋbuŋu.

¹⁶ Ga gulmanjaya ɻayi yoljuna wayana girri'ju gänharanu: Yaka yurru gäma ɻapuŋgakuyu ɻulawitjan dhuyukuyu munatha'kuyu, rom gurra waŋa.

¹⁷ Naynu ɻayi Djesuyuya gurrana marŋgikuŋjaya bukmaknha yana bitjayana, "Baman' ɻäthiyi ɻayi God-Wanjarr waŋana nhanukaya djawarrkmiwaya yoljuwaya ɻayi yurru wukirri dhäruk bitjan, 'God-Wanjarrwuya Buŋbu yurru dhärra bukmakku bapurru'wu yoljuwu buku-ŋal'yunawu.' Ga nhumaya dhuwaya Buŋbuna warku'yuna warray, yanapi dhuwaya manaŋganmiwu wayaŋgu buŋbu."*

¹⁸ Ga ɻunhi waya ɻurruŋu-ðalkarramiyu waya ga rom-marŋgikunhamiyu malay ɻäkuya ɻunhi nhättjan ɻayi Djesuyu djäma, ɻaynu waya wirrkina ɻayaŋyu-yätjthinaya. Naynu waya gurrana waŋanhamina dhukarrwuna larruŋjaya bunharawuna nhanju, yurru waya ɻunhi biyaniyina nhanju bili bukmaktja wiripugulku'ya yolju waya gurrana märr-ŋamathina Djesuwu wirrkina, bili ɻayi gurrana wayana latju'kuŋjaya yana marŋgikuŋjaya.

¹⁹ Ga ɻunhi waluya nyilŋ'thuna ɻaynu ɻayi Djesu ga ɬuŋdu'miŋu nhanju marrtjinana beŋu Jerusalem-ŋuya bala Bethany-yina.

Näŋ'thuyu God-Wanjarrha märr-yuwalkthinyamiyu ɻayaŋyuu

(Matthew 21:20-22)

²⁰⁻²¹ Ga wiripuŋuyuna waluyu ɻayi Djesu ga guyurr'miŋu waya nhanju roniyina balayi Jerusalem-dhi. Ga gandarrjuya waya djulkmaŋjaya ɻunhiyi dharpa ɻunhi ɻayi Djesuya waŋana dälyuna dhärukthu. Ga wayatja ɻunhi ɬuŋdu'miŋuya waya nhanju wirrkina yana ganyim'thuna, bili waya ɻunhi nhäŋjaya dharpana ɻayi gurrana räwaknha ɻunhi djingaryuna, yurru rakunynha, beŋu bili marwatju ga yana bili ɻoŋyi dharpayi. Naynu ɻayi Peter-yuya dhäruknha guyajina Djesuna ɻunhi nhattjaya ɻayi waŋana ɻuriki dharpawu. Naynu ɻayi Peter-ya bitjayana waŋana, "Marŋgikunhami, dhuwayana ɻunhi dharpaya rawaknha gurra djingaryun, rakunynha, ɻunhi nhe dälyu dhärukthu waŋana!"

²² Ga ɻayi Djesuya bitjana waŋa, "Nuli nhuma yurru God-Wanjarrwuya märr-yuwalkthi, nhumaya yurru bitjana bili djämana bitjan ɻarra. ²³ Ga ɻuli nhuma yurru yuwalktja märr-yuwalkthi warrpamdu yana ɻayaŋyuu, ga yaka märr-yulkthun, nhumaya yurru waŋa dhuwaya bukuna wäŋjana ɻayi yurru gaŋgathi bala ðamurruŋdhina gapuyi ɬupthun. Nayiya yurru God-Wanjarryuya yana gitmamana ɻunhiya bukuya wäŋa."*

²⁴ Yo, yaka waya menguŋuya. Nuli nhe yurru yuwalkkumaya yana märr-yuwalkthi, nheya ɻäŋ'thu ɻanya birrka'miwu, ga ɻayi yurru gathan yana nhuŋu.

²⁵ Ga ɻuli nhe yurru bukumiyamaya, ɻurruŋuya ɻäthiyi guyani: Nuli nhuna yurru yoljuŋyu ɻayaŋyu-yätjkuma, marrtji ɻäthiyi ga buni nhanju ga bäy-ɬakanju, yakana guyani yätjkunu. Ga ɻuli nhe yurru bitjandja djäma, ɻayi yurru God-Wanjarryuya bäy-ɬakamana nhuŋuya nhä malanyinha nhe yätj gurrana djäma. Nheya wayangu ɻäthiyi bäy-ɬakanju, ga yurruna bukumiŋyaya God-Wanjarrwayatja. ²⁶ [Ga ɻuli nhe yolju dhuŋjaya bäy-ɬakanhawu, ɻayi yurru God-Wanjarryuya ɻunhi yakana nhuŋuya yätj malanyinha menguma.]"§ *

Nalapalmiyu gurrana dhä-wirrka'yuna Djesuna

(Matthew 21:23-27, Luke 20:1-8)

²⁷ Ga ɻunhi waya bunana Jerusalem-dja ɻaynu dhunupana yana waya gärrina ɻunhima wäŋjai ɻunhi warraŋul gurra dhärra God-Wanjarrwu Dhuyu Buŋbu. Ga

* **11:17** Isaiah 56:7, Jeremiah 7:11 * **11:23** Matthew 17:20, 1 Corinthians 13:2 § **11:26** ɻunha ɻurruŋuya djorra'ŋu Greek-kuyu dhäruk, dhuwaya number 26-tja bäyŋu gurra djingaryun. * **11:26** Matthew 6:14-15

waya ɳunhi ɳurruŋu-dalkarrami mala ga Jew-wu ɳurru-warryunaynu mala ga rom-marn̄gikunhami mala yolŋu waya bunana nhanŋu,²⁸ bala waya gurrana dhä-wirrka'yunana Djesunaya bitjayana, "Go, ɻakaŋu mak ɳanapuŋgu, yolthu nhuna waŋaya dhiyaku buŋbuwu dar̄tjalkunhawu? Yolthu nhuna goŋ-nherrandja?"

²⁹ Yurru ɳayiya ɳunhi Djesuya marn̄githina wayaŋgu ɳäthiyi yana. Naynu ɳayi bitjayana buku-roŋinymaŋaya, "Narra ɳäthiyi nhumana yurru ɳäŋ'thun ɳe". Nhuma ɳäthiyi waya ɳarraku ɻakaŋu, ga yurruna ɳarraya yurru nhumaŋguya lakama.³⁰ Mar̄gi nhuma John-guya, ɳunhi Buku-ɻupthunamiwuya yolŋuwu? Yolthu ɳunhi ɳanya goŋ-nherraya yolŋuwu wayaŋgu buku-ɻupthunawuya? God-Waŋarryu, wo yolŋuyu?"

³¹ Naynu waya gurrana waŋanhamina bitjayana, "Way, nhattjan ɳilimuya yurru buku-roŋinymama nhanŋuya? Nuli ɳilimu yurru bitjandja waŋa, 'God-Waŋarryu ɳanya ɳunhi waŋana,' bitjandja, ga ɳayiya yurru bitjan waŋa, 'Ga nhäku nhumaya ɳunhi nhanŋu John-gu yaka märr-yuwalkthina dhärukku?'"³² Ga ɳuli ɳilimu yurru bitjandja waŋa, 'Yolŋuyu wayay ɳanya ɳunhi waŋana ɳuriki djämawu,' bitjandja, wayatja yurru yolŋuya waya maðakarritjthina, bili waya mar̄gi ɳunhi dhuwaya John-dja God-Waŋarrwu djawarrkmi yolŋu."

³³ Naynu waya bitjayana buku-roŋinymaŋaya, "Yaka ɳanapu dhuwaya mar̄gi!"

Ga yurruna ɳayiya Djesuya buku-roŋinymaŋaya bitjayana, "Narraya yurru yaka nhumaŋguya ɻakama yolthu ɳarranaya djuy'yuna."

12

Djesuyu ɻakaŋaya dhäwu' mayali'mi borum-djäkamiwalaŋuwuy (Matthew 21:33-46, Luke 20:9-19)

¹ Ga dhurrwaranu beŋuya ɳayi Djesu bulu waŋana ɳurikaya ɳurruŋu-dalkarramiwaya ga rom-marn̄gikunhamiwaya ga Jew-waya ɳurru-warryunaynuwaya wayaŋgaya. Ga bitjaya ɳayi ɳunhi dhäwu'ya ɻakaŋaya mayali'mi gam', "Waŋganymiwaya waluyu wäŋa-waṭaŋu yolŋu djälthina ɳayi yurru borum, lämu-nherraŋ. Yo, ɳurruŋuya ɳayi ɳunhi riwal'yuna wäŋa latju'kuŋaya, ga dharpa gulkthuna, bala metj-nherraya. Ga wäŋa ɳayi dhul'yuna garrwaryi mil'ŋuwu djäkamiwu wayaŋgu. Ga banikin' ɳayi bathala nherraya wiyika'wu borumgu. Naynu ɳayi yolŋunaya wayana ɳätthunana marrtjina märr waya yurru djäka ɳuriki borumgu. Ga yalala yurru ɳunhi borumdja latju'yi bala waya yurru wekamana borum nhanŋu ɳuriki wäŋa-waṭaŋuwu. Ma', ɳaynu ɳayi wäŋa-waṭaŋuya marrtjina barrkuyina wäŋayi.[☆]

² Ga ɳunhi ɳayi waluya galkithina borumguya gulkthunawu, ɳaynu ɳayi ɳuriŋiya wäŋa-waṭaŋuyuya djuy'yuna nhanŋuway djämamina, märr ɳayi yurru marrtji ɳaynu borum-djäkamiwu wayaŋgu buna waya yurru nhanŋuya borum mala ganan'mama beŋu gätniŋu. ³ Ga wayatja ɳunhi yolŋuya wayay nhäŋjaya ɳanya bala bandjana warryuna ɳaynu baymatthunana, ɳaynu ɻupthuna ɳanya warraŋulyina dhäparknha yana.

⁴ Ga bulu ɳayi ɳuriŋi wäŋa-waṭaŋuyu djuy'yuna wiripuna djämamina. Ga wayatja ɳunhi borum-djäkamiyuwaya wayay mulkurrnha ɳanya djudul'yuna gurrana yana bili ga gulaŋ nhanŋu waŋdina. Naynu ɳanya waya dhawaṭmaŋayana beŋuya dhäparknha yana. ⁵ Ga bulu ɳayi djuy'yuna wiripuna djämamina. Ga wayatja ɳunhi baymatthuna ɳanya rakunyguŋayana. Ga bulu ga bulu gurrana balanyaya malŋ'thuna. Wiripunaya waya djämamina baymatthunana yana, ga wiripunaya baymatthuna rakunyguŋayana. ⁶ Yo, ga waŋganynha gurrana yolŋu nhanana, gäthu'miŋuna nhanŋu, ɳunhi ɳayi wirki yana nhanŋu märr-ŋamathina.

[☆] 12:1 Isaiah 5:1-2

Ga bitjayana ɳayi gurrana ɳunhi bäpa'miŋuya guyanjina, 'Nuli ɳarra yurru gäthu'miŋunaya djuy'yun, wayatja yurru ɳunhi nhanŋu makmakthun bala mäkiri'-witjuna nhanŋu.'

⁷ Naynu ɳayi djuy'yuna nhanŋuway gäthu'miŋuna ɳaynuyi. Ga wayatja ɳunhi borum-djäkamiyuya wayay nhäŋjaya ɳanya, ɳaynu waya waŋanhamina nhanŋu, 'Way, waya nhäŋu ɳäthiyi! Dhuwayana ɳayi gäthu'miŋunana djuy'yuna bäpa'miŋuyu. Ga yalalami yurru ɳunhi bäpa'miŋuya rakunydh, ɳaynu yurru ɳunhi ɳayina dhiyaŋjuna bukmaknha nhä malanynha ɳuli ɳätthuya. Go, ɳilimu bumana rakunygumana nhanŋu gäthu'miŋunaya, märr yurru ɳunhi bukmak nhä malanynha ɳilimüŋguna.' ⁸ Naynu waya mulkanana ɳanya, ga buŋaya rakunyguŋayana. ɳaynu waya nhanŋu rumbalya dupthuna warraŋulyina, yurru barrkumana."

⁹ Naynu ɳayi Djesuya dhä-wirrka'yuna ɳunhi ɳäläpalminaya bitjayana, "Nhattjan nhumaya gurra guyanji? Nhattjana ɳayi yurru ɳuriŋi wäŋa-waṭaŋuju yolŋuyu guyanja ɳunha borum-djäkaminaya wayana? ɳunhi ɳayi yurru marrtjiya bala yana bumana rakunygumana ɳunhi borum-djäkaminaya wayana. ɳaynu ɳayi yurru ɳunhiya wäŋa borummiya wekama wiripuwuna yolŋuwu wayaŋgu djäkawu.

¹⁰ Bili nhuma dhuwaya marŋgimi ɳunhi ɳunha God-Waŋarrywayatja Djorra'ŋu gurra bitjan djingaryun,
'Waŋganydja ɳunhi gunđa waya djämamiyu wayay dupthunana bili waya yätj lakaŋaya.

Yurru ɳunhiya gunđa ɳamakuli'ŋuna wal'ŋu, ga ɳunhiya ɳayi djalkirina.

¹¹ Ga God-Waŋarryuya ɳayipina ɳunhi ɳätthuna ɳaynu latju'-lakaŋayana.

Ga wirrkina ɳunhi manutji-widi'yunamina yulŋuya!'*

¹² Ga wayatja ɳunhi ɳäläpalmiyuya dharanayana yana ɳunhi ɳayi Djesuyu gurrana wayana waywayuna ɳuriŋi dhäwu'yu. Wayatja ɳunhi ɳunhiya ɳäläpalmiya balanya bitjan ɳunhi borum-djäkami waya. Ga wirrkina waya ɳunhi ɳayaŋu-yätjithinaya. Ga djälmiyina waya gurrana ɳunhi Djesuwuya mulkanhawuna, waya yurru ɳanya dharruŋguyina gärrinymama. Yurru waya gurrana ɳunhi yolŋuwu wayaŋgu biyaniyina, bala yana waya marrtjinana.

*Yolŋuyu wayay gurrana gatjarr'yuna Djesuna gapmangu rrupiyawu yäku tax-ku
(Matthew 22:15-22, Luke 20:20-26)*

¹³ Ga beŋuya dhurrwaraju Jew-waya ɳurru-warriyunaynu ɻuŋ'manjaya yolŋuna wayana beŋu bala Pharisee-na yolŋuna wayana ga King Herod-ku ɻuŋdu'miŋuna wayana. ɳaynu waya djuy'yuna ɳunhi yolŋuna wayana ɳaynu Djesuwayana mayali'-wilkthunawuna, märr ɳayi yurru be nhattjan yätj dhäruk waŋa, märr waya yurru mariwunana nhanŋu. ¹⁴ ɳaynu waya waŋana nhanŋu Djesuwuya bitjayana, "Marŋgikunhami, bukmak ɳanapu dhuwaya marŋgi nhuŋuya, nheya ɳuli gurra dhuwaya latju' yana djäma, ga waŋa ɳuli yuwalkkuma yana dhunupa. Ga dhunupa yana nhe ɳuli waŋganyguma nhäma yolŋuna, bili nhe ɳuli djäma rrampaŋikuma bukmakna yana yolŋuna, ɳäläpalna ga yuṭana. Ga God-Waŋarrwuya dhäruk nhe ɳuli yuwalkkuma yana marŋgikuma. Go, lakaŋuna ɳanapuŋgu, nhä ɳunhi dhunupaya ɳanapuŋguya Jew-wuya bäpurru'wu ɳanapu yurru rrupiya buku-roŋinymama Roman-buyŋuwu gapmangu yäku tax-tja,* ɳunhi waya buŋgawa ɳuriki wäŋawu ɳarakawu?"

¹⁵ Ga ɳayiya ɳunhi Djesuya marŋgithina wayaŋgu ɳayaŋuwu. Ga ɳunhi ɳayi beni bitjana waŋanhua, 'Yaka dhuwayitja latju' nhuma yurru wuŋiliyun wayana dhuwayi tax rrupiya,' bitjaya, ɳunhiya ɳayi ɳayipini mariyina gärrinymamanhamina Roman-gayana gapmangaya wayaŋgaya. Ga ɳunhi ɳayi beni yoranha bitjana, 'Yuw,

* 12:11 Psalms 118:22-23 * 12:14 Rawumbuywu yolŋuwu wayaŋgu bathala buŋgawa yäku "Caesar".

wuniliyuna waya dhiyanuya rrupiyayu,' bitjana, ga ɳunhiya ɳayi gurra mariyina gärrinymanhami Jew-wayana yolŋu'-yolŋu waya, bili yaka waya gurrana djälthina waya yurru Roman-buyŋu buŋgawayi wayaŋgu. Nayŋu ɳayi Djesuya bitjana waŋa, "Yaka ɳarrana waya mayali'-wilkthu. Rrupiya waya ɳarrakaya gathu ɳarra mak nhäma."

¹⁶ Nayŋu waya gathana nhanukaya Djesuwayana waŋgany ɳaraka. Ga nhäŋaya ɳayi, bala waŋana bitjaya, "Yol dhuwayatja wuŋili ga yäku dhiyalamiya rrupiyanu ɳarakaŋu?"

Ga wayatja buku-roŋinymaŋaya, "Dhuwayiya wuŋili ɳayi Caesar-na ɳunhi ɳayi buŋgawana Roman-buyŋuwu gapmangu!"

¹⁷ Nayŋu ɳayi Djesuya bitjayana waŋana, "Gatjuy, roŋinymaŋu waya wekuŋu nhä malanynha nhanŋu ɳuriki Roman-buyŋuwu gapmangu. Ga nhä malanynha ɳunhi nhanŋu God-Waŋarrwu, biyaku bili nhanŋuya buku-roŋinymaŋu wekuŋu."

Ga bukmakthuya ɳunhi ɳäkuyana ɳanya dhärukta ganyim'thuna, bili ɳayi wayana ɳunhi buku-roŋinymaŋaya djambatjthuna dhärukthu.

*Yolŋuyu wayay dhä-wirrka'yuna Djesuna rakunymiwu wayaŋgu
(Matthew 22:23-33, Luke 20:27-40)*

¹⁸ Ga wiripu gułku' yolŋu'-yolŋu mala yäku Sadducees marrtjina ɳunhi waya marŋikunhawu yolŋuwu wayaŋgu, be yaka yurru yolŋu waya rakunyŋu walŋathi. Ga bitjaya waya gatjarr'yuna Djesuna, ɳayŋu waya waŋana bitjaya. *

¹⁹ "Marŋikunhami, dhuwaya God-Waŋarrwuya rom ɳunhi Moses-thuya wukirri, gam': ɳunhi yurru yolŋuyu miyalknha ɳätthun, ga rakunydhya yurru ɳayi walkurmiriw yana, bala nhanukaya gutha'miŋuyuna yurru ɳunhi miyalknha ɳätthun. Ga yalalaya maŋdaku yurru ɳunhi yothuna maŋl'thun, nhanŋuna ɳuriki rakunygunu darramuwu. * ²⁰ Ga nhämi dhuwayatja, gay? Gułku' waya gurrana ɳunhi nhinanaya, seven-na wäwa'manydji waya. Ga ɳayi ɳäthiyiya ɳałapalyu wäwa'miŋuyu ɳätthuna miyalknha bala rakunydhinana, ga yaka ɳayi ɳuriŋi miyalkthu ɳula yothu nhanŋu gäŋjaya. ²¹ Nayŋu ɳunhi malpurayuya ɳätthuna ɳunhi miyalknha yana bitjaya romgu malthuna. Nayŋu ɳayi ɳunhi darramuya rakunydhinana, walkurmiriw yana. ²² Ga balanyana bili yana maŋl'thuna bukmakku yana wayaŋgu wäwa'manydjiwu. Ga bukmak waya ɳunhi romguya malthuna, ga bukmakthu waya ɳunhi ɳätthuna ɳunhiyi miyalknha. Ga bukmak yana waya rakunydhina yothumiriw yana. Ga dhä-dhuditjnhä ɳayina ɳunhi miyalknha rakunydhina.

²³ Ga dhiyakuna ɳanapu yurru nhunaya dhuwaya dhä-wirrka'yun, gay': Nunhi buwal'yu God-Waŋarryu yolŋunaya wayana walŋakuŋu rakunyŋuya ɳunhaya djiwarr'ɳuya, ga ɳunhi bitjaya waya wäwa'manydji waya ga ɳunhiyi miyalk beŋu rakunyŋuya walŋathi, ga yolkuna ɳayi yurru ɳunhi miyalktja, bili bukmakkaya yana ɳayi wayaŋgaya nhinanaya?"

²⁴ Ga ɳayi Djesuya waŋana bitjayana, "Bukmak yana nhuma dhuwaya djarrpi'mi. Yaka yana nhuma dhuwaya God-Waŋarrwuya dhärukku yuwalktja marŋgi, ga yaka nhuma marŋgi nhanŋu ganydjarrwu.

²⁵ Ga ɳunhi ɳuli yolŋu waya walŋathi rakunyŋuyu, ɳunhiya waya buwal'yu balanyana bitjan God-Waŋarrwuna dhäwu'mina mala, djiwarr'wuŋha yolŋu waya. Wayatja yurru ɳunhi yakana ɳätthunmi ɳunhayatja. Bukmaktja yolŋu waya ɳunhayatja djiwarr'ɳuya buwal'yu waŋganyinha mala. Yakana buwal'yu ɳunhi yolŋuyu wayay dhawu' nherruyu miyalknha ga bulu ɳätthunmi. ²⁶ Nhumaya gurra dhuwaya bitjan guyanja yana beni yaka yolŋu waya yurru walŋathi rakunyŋuyu. Guyanja waya ɳunhi dhäwu' Moses-kalaŋuwuy ɳunha God-Waŋarrwaya dhuyuŋu djorra'ŋu: ɳunhi ɳayi nhäŋaya gurtha dharpayi, ga God-Waŋarr gurrana waŋana

* ^{12:18} Acts 23:8 * ^{12:19} Deuteronomy 25:5

nhanukaya bitjaya, ‘Narraya dhuwaya God-Waŋarr wayanju Abraham-gu, Isaac-ku ga Jacob-ku.’²⁷ Yaka ɳayi God-Waŋarr rakunymiwi yurru ɳayi God-Waŋarrya ɳuruku walŋamiwu yolŋuwu wayanju. Bili waya gurra nhina walŋana ɳunha God-Waŋarrwayana, yaka waya rakunymi. Bili walŋami yolŋu waya ɳuli gurra God-Waŋarrwu buku-ŋal'yun, yaka rakunymi. ɳunhi nhuma gurra guyana ɳunhi yolŋu waya yaka bulu ɳuli walŋathi, ga guyaninyawuyya nhumaŋguju djarrpi'na wirrkina.”

Märr-ɳamathi God-Waŋarrwu ga märr-ɳamathi yolŋuwu
(Matthew 22:34-40, Luke 10:25-28)

²⁸ Ga ɳunhaya gurrana nhinana waŋgany rom-marŋgikunhami yolŋu, mäkiri'-witjuna ɳayi gurrana Djesuwu. Ga bitjaya ɳayi gurrana ɳunhi guyaninaya: ɳunhi ɳayi Djesuyuya latju'na yana wayanju dhärukta buku-roŋinyamaŋaya Sadduceeskuya wayanju. ɳaynu ɳayi ɳäŋ'thuna ɳanya Djesuna bitjayana, “Nhä dhuwaya ɳurruŋuya wirrkiya wal'nu God-Waŋarrwu Rom?”

²⁹ Ga ɳayi Djesuya buku-roŋinyamaŋaya bitjayana, “Dhuwanna ɳunhi ɳurruŋuya wal'nu rom ɳunha God-Waŋarrwayatja djorra'nu gurra lakanma bitjan gam’, ‘Näkuya waya latju'kuŋu, nhumaya Israel-puŋŋuyu yolŋuyu wayay! God-Waŋarr yana dhuwaya ɳayipi ɳurruŋuya bunŋawa ɳilimuŋgu,

Yaka gurra dhuwaya wiripu yolŋu nhina balanya bitjan ɳayi.

Ga nhanjuway yana ɳilimu yurru ɳunhi mäkiri'-witjundja!

³⁰ Ga märr-ɳamathi yurru dhuwaya dhiyaku God-Waŋarrwuya wirrki yana, yaka ganga.

Nuruŋuna ɳaynu märr-ɳamathi nhanju djinawa'yuna ɳayaŋuyu,

ga bukmakthu yana nhokaya märryu, ga djälyu, ga guyaninyayu.

Ga märr-ɳamathi God-Waŋarrwu bukmakthu yana nhokaya ganydjarryu, bitjan nhe ɳuli ganydjarr-waŋa ɳula djämawu.’²⁸

³¹ Ga dhuwaya ɳayi ɳunhi wiripuya rom balanya bili bitjan ɳunha ɳurruŋuya rom, dhuwanna gam’:

‘Gatjuy, märr-ɳamathina ɳunha wiripuwuya yolŋuwu bitjan nhe ɳuli märr-ɳamathi nhunjuway nhe.’

Dhuwanna ɳunhi bulal'nha rom maŋdana wal'nu ɳurruŋuya.”²⁹

³² ɳaynu ɳayi ɳunhi rom-marŋgikunhami ya yolŋu bitjayana waŋana, “Yuwalk dhuwayiya! God-Waŋarr yana dhuwaya ɳayipi ɳilimuŋgu ɳurruŋu bunŋawa. Dhunupa yana nhe dhuwaya bitjaya waŋana ɳunhi ‘Bäyŋuna dhuwaya ɳula wiripu God-Waŋarr,... ɳayipina yana waŋganyha, ga linyguna!’³⁰ ³³ Dhika ɳilimu yurru gurra latju'kuma yana nhanju God-Waŋarrwuya märr-ɳamathi, yaka gaŋga. Yuwalkkuma yana ɳilimu yurru gurra nhanju märr-ɳamathi bukmakthu ɳilimuŋgaya ɳayaŋuyu, ga märryu, ga djälyu, ga guyaninyayu, ga ganydjarryu. Ga bitjana bili ɳilimu yurru gurra ɳunhi wiripuwu yolŋuwu märr-ɳamathi, bitjan ɳilimu ɳuli ɳilimuŋguway märr-ɳamathi. Dhuwayina ɳunhi rom maŋdana ɳurruŋuya ɳilimuŋgu. Yo, dhiyanuya djulkmama gurra romdhu dhuwaya ɳunhi wiripunaya malana romnha, balanya bitjan mundhurr-wekanaminaya romnha.”³¹

³⁴ Ga ɳunhi ɳayi Djesuyu ɳanya balanyawuya ɳäkuya, ɳunhi ɳayi darramu djambatjthuna dhärukthu waŋana, bala ɳayi Djesuya bitjayana nhanju buku-roŋinyamaŋaya, “Linyguna nhe dhuwaya dharaŋayana, dhuwaya nhe gurra guyanina nhe yurru God-Waŋarrnhana bunŋawakuma nhokalaŋuwu walŋawu.”

Ga yaka ɳunhi buluya ɳula yolŋu waya waŋana nhanju, bili yakana yurru ɳula yolthu ɳanya dhäruk djulkmama Djesuna.³²

* 12:26 Exodus 3:6 * 12:30 Deuteronomy 6:4-5 * 12:31 Leviticus 19:18 * 12:32 Deuteronomy 4:35

* 12:33 Hosea 6:6 * 12:34 Luke 10:25-28

Maŋutji-lakanhawuy yolju dhuwaya King David-kaya yarraŋanu, yurru ɳayi ɳunhi buŋgawa yulŋuya nhanŋu Davidkuya

(Matthew 22:41-46, Luke 20:41-44)

³⁵ Ga balanyamiyu ɳayi gurrana Djesuyu badak wayana marŋikuŋaya yolŋuna wayana ɳunhaya God-Waŋarrwaya Dhuyunu Buŋbuŋu. Ga bitjaya ɳayi lakaŋaya, “Bili nhuma marŋgi dhuwaya ɳunhi David-tja gurrana nhinana be wala baman' ɳäthiyi yana. Ga wayatja gurrana nhumaŋgaya rom-marŋikunhamiyuya lakaŋaya, ɳunhi God-Waŋarrwuna Maŋutji-lakanhawuynha buwał'yu małŋ'thu nhanukayana David-kaya yarraŋanu. ³⁶ Yo, ɳäthiyi ɳayi ɳunhi God-Waŋarrwu Dhuyu Birrimbirryu dhäruk-wekaŋaya David-kaya dhäwu'wu wukirriwu bitjaya:

God-Waŋarr waŋana ɳarrakalaŋuwaya buŋgawawaya bitjaya,

‘Go! Lili marrtji, ga dhiya nhini ɳarrakayana dhunupa'ɳuna gali'ŋu, märr nheya

yurru ɳunhi galkina ɳarrakayana,

ga bäythi ɳarra yurru mirinjuna nhunu gälkinymama, bala nhe yurru gurra ɬuku-ŋal'yuna wayaŋgaya.’[✳]

^{37a} Ga ɳanyanaya ɳunhi Maŋutji-lakanhawuynhaya yolŋuna ɳayi David-thuya gurrana buŋgawa lakaŋaya. Ga nhäkuna ɳayi be David-kayatja yarraŋanu buŋgawa'miŋu nhanŋuya be David-kuya?’

Nhäŋu ga mala-djarr'yu rom-marŋikunhaminaya yolŋuna wayana: Yaka marrtji wawu

(Matthew 23:1-36, Luke 20:45-47)

^{37b} Ga gułku'yu gurrana ɳunhi yolŋuyu wayay ɳäkuya ɳanya Djesuna dhäruk, ga märr-ŋamathina waya nhanŋu wirrkina yana. ³⁸ Ga badak ɳayi gurrana ɳunhi Djesuyu marŋikuŋaya yolŋuna wayana, ɳaynu ɳayi bitjayana waŋana, “Wäy, djäka waya ɳe, ɳurukuya rom marŋikunhamiwuya wayaŋgu! Dhuwaya waya ɳuli gurra bathalakunhami, ga girri'ya waya ɳuli nherraŋ wiyin'na be wirrkina, märr yurru yolŋuyu wayay nhäma wayana ɳaynu wokthuna wayaŋgu ga bitjana waŋa, ‘Yo, nhämi way yolŋu,’ bitjana, ɳunhi waya ɳuli gärulyiya marrtji. ³⁹ Ga ɳunhi waya ɳuli biryayi buŋbuyi marrtji buku-ŋal'yunawuya, wo ɳathamiyi wäŋayi, waya ɳuli latju'wuna yana nhinanhamiwu larruma, märr yurru gurra yolŋuyu wayay nhäma wayana ɳunhima. ⁴⁰ Yurru waya ɳunhi ɳuli bawa'-wekama ɳunha ɳurruwuyknha miyalknha wayana bala marrtji manajina buŋbu mala wayaŋgu. Ga dhurrwaraŋu beŋuyu bala waya ɳuli marrtji biryamiyina buŋbuyi bala ɳuli buku-ŋal'yuna, djaka'-wiyin'na be, märr yurru yolŋuyu wayay wayana latju'-lakama. Yurru ɳayiya ɳuli wayana ɳunhi God-Waŋarryuya wirrkina yana dhä-đir'yu yätjpuya.”

Gurrupuruŋuyu miyalkthu warrpam wekaŋaya rrupiya God-Waŋarrwuna

(Luke 21:1-4)

⁴¹ Ga beŋuya dhurrwaraŋu, ɳayi gurrana Djesu nhinana gumurr ɳayŋuna ɳunhi wanhami gurrana banikin' rrupiyawuy djingaryuna ɳunhaya ɳunhi God-Waŋarrwaya Dhuyunu Buŋbuŋu. Ga nhäŋaya ɳayi gurrana yolŋuna wayana wiripuna ga wiripuna waya marrtjina rrupiya rarr'yuna balayi rupa'yi. Ga lukunydja'yu yolŋuyu wayay marrtjina rarr'yuna bathala rrupiya. ⁴² Ga bulu ɳunhi gurrupuruŋunha miyalk marrtjina, ga gathaya ɳayi ɳunhi bulal' yutjuwała' ɳaraka rrupiya, bäŋjuna bathala.

⁴³ Naynu ɳayi Djesuya wäthunana nhanukalaŋuwu guyurr'miŋuwu wayaŋgu bitjaya, “Dhuwaya ɳarra yurru dhunupa nhumaŋgu ɬakamaya: Dhiyanuya gay' miyalkthu wekaŋaya warrpam'thuna, djulkmaŋayana gurrana ɳunha bukmaknha lukunydja'na yolŋuna wayana mundhurr-wekanhawuy. ⁴⁴ Dhiyanuya ɬukunydja'yu yolŋuyu wayay guyanjina yana beni gułku' wekanjaya. Ga ɳunha wäŋanu

[✳] 12:36 Psalms 110:1

wayangaya gurra gułku' yana rrupiya gandaw'yun. Ga ɻayiya dhiyanuya miyalkthu warrpamnha wekanjaya, yakana ɻula djulul'maŋaya rrupiya nhannuwaya ɻayi ɻathawu."

13

*Djesuyu lakanjaya dhäwu' Dhuyuwuy Buŋbuwuy
(Matthew 24:1-2, Luke 21:5-6)*

¹ Naynu ɻayi Djesu ga guyurr'miŋu waya nhannu marrtjina dhawałthuna beŋu ɻunhi God-Waŋarrwaya Dhuyuŋu Buŋbuŋu. Naynu ɻayi waŋganydja yolŋu waŋana bitjayana, "Way Marŋikunhami, nhäŋu ɻäthiyi dhuwaya, latju' dhuwaya buŋbu. Nhäna dhuwayatja guṇda malanyňha bathalamina wirrkina, ɻeninya?"

² Ga ɻayi Djesuya waŋana bitjaya, "Dhuwaya nhuma gurra nhäma latju' buŋbu, dhuwaya yurru ɬaw'yuna. Ga bäyŋuna yurru buluya gurra dhiya djingaryun. Naynu yurru dhuwaya guṇda'ya mala ɻoyŋuna gandawyun. Warrpam'nha ɻuli burrul'yun."

*Djesuyu gurrana lakanjaya nhattjuyu ɻayi ɻuli walu ɻunhi dhä-dhawar'yunamiyu
(Matthew 24:3-14, Luke 21:7-19)*

³ Naynu waya ɻunhi Djesu ga guyurr'miŋu waya nhannu marrtjina ɻaynu bukuyi yäkuyi Mount Olive-thi ɻunhi ɬaypa'yunmi maŋda gurra, God-Waŋarrwu Dhuyu Buŋbu ga ɻunhaya, waya gurrana ɻunhi nhinanaya. Naynu waya ɻunhi Peter ga James ga John ga Andrew marrtjinana Djesuwuna bunana bala dhä-wirrka'yunana,

⁴ "Marrkapmi, ɻäthiyi ɻanapuŋgu lakanu dhunupakuŋu, nhä nhe gurrana lakanjaya. Nhätha yurru ɻolŋuyuya dhuwaya buŋbuya ɬaw'manu, ga nhäthu ɻanapu ɻuli marŋgithiya?" bitjaya.

⁵ Ga ɻayi Djesuya waŋana, "Djäka waya marrtjiya märr yurru nhumana yaka ɻolŋuyu mayali'-wilkthun. ⁶ Gułku' ɻuli dhuwaya ɻolŋuya waya buni ga biyaku waŋi, 'Narra dhuwaya Maŋutji-ɬakanhawuya,' ga gułku'na waya ɻuli ɻolŋuna wayana mayali'-wilkthu. ⁷ Ga mariwuya nhuma ɻuli ganydjarrya ɻäkuna. Ga wiripu ɻolŋu waya ɻuli buni bala ɻuli marrtji dhäwu'na-gäŋu wiripuwuŋha mariwuy. Yurru nhumaya yaka ɻuli ɻayanju-wingil'yu ɻuriŋiya malay dhäwu'yu, ɻe? Mariwuya nhuma ɻuli biyaku bili dhäwu' ɻäku yana, bäymayi ga barrkuyi, yurru ɻunhiya yaka yana dhä-dhawaryunami walu. ⁸ Ga gułku' ga gułku' ɻuli dhuwaya mariya mala ɻurru-walmi. Yolŋu waya waŋgany bäpurru' yurru mari-wuna wiripuwu bäpurru'wu. Ga waŋganybuy ɻarakawuy wäŋawuy ɻuli mariwuni wiripuŋuyi wäŋayi. Naynu ɻuli wäŋaya dhuwaya ɻayipiya marrmarryuna, ga barr'parryuna ɻuli. Ga ɻathaya ɻuli ɻunhi dhawar'yuna wiyinŋumina waluyu, ga ɻolŋuya waya ɻuli wirrkina djanŋarrthi. Ga ɻurruŋuya yurru ɻunhi dhuwayi mari mala malŋ'thu. Ga buluya ɻuli bathalana mari malŋ'thu. Beyaku ɻayi ɻuli ɻunhi malŋ'thuya gam: Bitjan ɻuli miyalkthu ɻurru-yirr'yun nhäma'ŋama rerri yothuna ɻunhi ɻayi yurru dhawal-wuyanja.

⁹ Djäkana waya nhumaŋguway yulŋuya, märr yurru ɻunhi yaka nhumana ɻolŋuyuya wayay bawa'-wekuŋu. Yolŋuya waya nhumaŋgu yurru ɻurru-wil'wilyuna bili nhuma ɻuli ɻunhi ɻarraku malthun. Ga mulki waya ɻuli nhumana ga gäŋu bala dhä-wirrka'yunawuna, bala ɻuli bartjunmaŋuna nhumana ɻunhaya biryamiŋuna buŋbuŋu. Ga djingaryunmaŋu waya ɻuli nhumana ɻapanŋa'yi yana gumurriy buŋgawawaya wayangaya ga gapmangaya ɻolŋuwaya wayangaya. Ga balanyamiyuya nheya ɻuli ɻarranaya biyaku ɬakanuna ɻolŋuwuna wayangyu, ¹⁰ märr yurru bukmakthu bäpurru'yu ɻäkuna ɻarrakalaŋuwuy dhäwu'. Yo, ɻurruŋuya ɻuli dhuwaya bukmakthu bäpurru'yu dhäwu' ɻäthiyi latju' ɻäku, ga yurruna ɻuli ɻunhi waluya dhä-dhawar'yu. ¹¹ Yo, ɻolŋuyuya wayay nhumana

ŋuli ɖapmaŋuna bala gäjuna nhumana dhä-wirrka'yunawuna, yurru nhumaya yurru yaka warwuyun nhattju nhuma ŋuli waŋi. Nayina yurru ŋunhi Dhuyu Birrimbirryuna nhumana dhäruk-wekama waŋanhawu.[✳]

12 Ga ŋuli yurru ŋunhi yolŋu märr-yuwalkthi ŋarrakuya, yolŋuyu gurrutumiyu wayay yurru ŋanya baymatthuna rakunygumana yana. Wäwa'manydji yurru baymatthunmi rakunygunhamina yana. Ga biyaku bili ŋuli bäpa'minjuwu baymatthu wayan̄guway wäwunŋuna djamarrkulina. Ga yumurrku'ya yurru ŋapa-wilyuna ŋändi'minjuwu ga bäpa'minjuwu ga gumurr-wekama maŋdانا yołŋuwayana wayan̄gaya baymatthunawu. **13** Ga gulk'u'na yolŋuya waya nhuman̄gu ŋuli ŋaramurrthiya, bili nhuma ŋuli ŋarraku malthun. Ga ŋunhi nhe yurru gurra dälya yana djingaryun ga yakaya nhe yurru märr-djawaryun, ŋayiya yurru God-Waŋarryuya nhuna walŋakuŋuna.”[✳]

Be nhä ŋuli yätjnhā malŋ'thu God-Waŋarrwaya Dhuyuŋu Bunbuŋu
(Matthew 24:15-28, Luke 21:20-24)

14 Ga badak ŋayi gurrana ŋunhi Djesu waŋana bitjaya, “Dhikaya ŋuli yätjtja be nhä wirrkina ŋuli malŋ'thu. Ga djingaryuya ŋayi ŋuli ŋunhi ŋunhaya God-Waŋarrwaya Dhuyuŋu Buŋbuŋu ŋunhaya Jerusalem, yätjkuŋuna ŋuli ŋunhiya wäŋa, ŋunhi yaka ŋayi beni yuwalktja malŋ'thuna. Yurru, girri'-ŋamathina yukturri nhiniya,” bitjaya. (Ga ŋuli nhe gurra nhäma dhuwaya dhäwu'ya, marŋgithi yana ga yuwalkkuŋu dharanu, ga biyaku bili nheya nhini girri'-ŋamathi.) Ga badak ŋayi nhina Djesuya waŋa bitjan, “Nuli nhuma yurru balanyawuya nhäma, ŋunhi dhä-dhawar'yunamiya walu galŋa'kalŋana. Ga ŋuli nhuma yurru Judea-puŋuyu yolŋuyu wayay balanya nhäma, gaŋgathina yana ŋunha buku'-pukumiyina wäŋayi.[✳] **15** Ga ŋuli nhe gurra warraŋulya nhokaya bunbuŋu marrtji'marrtji, yakana wändi yarrupthuya ga girri'ya nhuŋuway wapmaŋu djinawa' bunbuŋu yana wändi bukuyina. **16** Ga ŋuli nhe gurra diltjiŋuya nhina, yakana wändi nhokaya bunbuyi be nhäkuya gundhaŋu.[✳] **17** Ga gumurr-dälnha ŋuli dhuwaya wirrkina yothumiwuya miyalkku wayan̄gu balanyamiyuya waluyu.

18 Bukumiyanu God-Waŋarrwaya, märr yurru ŋunhi gumurr-dälya rom malŋ'thu, balanyamiyu waluyu ŋunhina ŋayi nhuŋu gumurr-yalŋgi'ya yolŋuwu ŋaŋ'thunawu. **19** Ga dhiyaŋuya mariyu ŋuli yolŋuya waya galŋaya wirrkina nyelyu, yätjthina ŋuli. Beŋu bili ŋunhi ŋayi God-Waŋarryu ŋurru-yirr'yuna dhuwaya wäŋa, balanyamiyu gurrana ŋunhi yolŋuya waya nyelyuna. Yurru dhiyaŋuya mariyu ŋuli yolŋuya waya wirrkina galŋa-yätjtji. Ga yalalaya yakana ŋayi ŋuli buluya balanya gumurr-däl malŋ'thu.[✳] **20** Ga ŋunhi ŋayi yurru God-Waŋarryu yakaya ŋunhi mari gulmaŋu, ŋayiya yurru yolŋuya waya warrpam'nha yana rakunydhina. Yurru God-Waŋarryuya ŋunhi bili nhanŋuway yolŋuna wayana ganan̄'maŋaya, ga yakana ŋayi yurru nhäma wayana rakunydhinyayi, ŋayŋu ŋayi yurru ŋunhi mariya dhumbulkumana, märr waya yurru walŋathi.

21 Ga ŋunhi ŋuli yolŋu biyaku waŋi, ‘Dhuwaya ŋanapu bilina malŋ'maŋayana ŋunhi Maŋutji-Ɂakanhawuŋhaya yolŋuna, dhuwana ŋayi yulŋuya,’ nhumaya yakana märr-yuwalkthi. Ga ŋunhi waya yurru bitjandja waŋa, ‘Ŋunhana ŋayŋu ŋayi, ya ŋunhana,’ yakana yana märr-yuwalkthi. **22** Gulk'u'yu yolŋuyu ŋuli biyaku Ɂakanju, ‘Narra dhuwaya God-Waŋarrwuŋuya Maŋutji-Ɂakanhawuy yolŋu.’ Ga wiripuya ŋuli biyaku waŋi, ‘Narra dhuwaya djawarrkmiya yolŋu,’ yurru yuwalktja waya ŋuli ŋunhi nhumanaya mayali'-gäŋu. Ga biyaku ga waya ŋuli ŋunhi ŋayaŋuganyim'thunamiya rom mala djäma. Ga biyaku waya ŋuli ŋunhi guyaniya, ‘Go, ŋilimu bawa-wekama dhuwaya God-Waŋarrwu mala-djarr'yunawuŋhaya yolŋuna

[✳] **13:11** Matthew 10:17-20, Luke 12:11-12 [✳] **13:13** Matthew 10:22 [✳] **13:14** Daniel 9:27, 11:31, 12:11 [✳] **13:16** Luke 17:31 [✳] **13:19** Daniel 12:1, Revelation 7:14

wayana.' Yurru gulkuruna waya ɳuli ɳunhi biyakuya djäma. ²³ Gatjuy djäkana waya! Dhuwana ɳarra gurra ɻakama nhumaŋgu yulŋuya, märr yurru ɳunhiya walu buni, nhumaya yurru girri'-ɳamathina nhiniya ɳurikiya."

*Nunhiya Yuwalkŋuya Wal'ŋu Yolŋu yurru roŋiyi lili munatha'yi
(Matthew 24:29-31, Luke 21:25-28)*

²⁴ Ga bulu ɳayi Djesuyu bitjaya ɻakaŋaya, "Ga beŋuya dhurrwaraŋu ɳunhi bathalaŋuya mariŋuya,
waluya yurru munha'kuyina

ga ɳalindiya yurru yakana buluya djarraŋawun'miyi.[◊]

²⁵ Ga ganyu'ya mala ɳuli burrul'yuna djiwarr'ŋuya
ga nhä malany ganydjarr ɳula nhäku malaŋuwu ɳunha djiwarr'ŋuyu yurru rurr'rurryuna.[◊]

²⁶ Ga beŋuya bala ɳuli yolŋuyuya wayay bukmakthu nhäŋuna ɳanyanaya ɳunhi Yuwalkŋunaya Wal'ŋu Yolŋuna. Ga yarrupthuya ɳayi ɳuli djiwarr'ŋuya lili waŋupini'yuna. Ga bukmakthu yolŋuyu ɳuli ɳunhi nhäŋuna ɳanya djeŋarra'yakaynha djärimina dhika, ga ganydjarr-ŋutu'na bäymana.[◊] ²⁷ Nayŋu ɳarra ɳuli djuy'yuna God-Waŋarrwuya djiwarr'wuŋha dhäwu'mina wayana, waya ɳuli ɻuŋ'manu ɳarrakuya mala-djarr'yunawuŋha yolŋuna wayana dhuwaya bala buku-ɻiw'mama daphthun marrtji, beŋu dhimurruŋu ga dupthun bärра'yi ga dhipuŋu bala ɻungurrmaŋuyu ga yana bili ga djalathanđhi wapthun."

*Gumurr-dälyuya waluyu gurra maŋutji-ɻakama Djesuna roŋinyawuna
(Matthew 24:32-35, Luke 21:29-33)*

²⁸ Ga badak ɳayi gurrana ɳunhi Djesuya waŋana bitjaya, "Nunhi nhuma ɳuli nhäma marwat dharpa galada'yunaya, nhumaya ɳuli marŋgithina ɳunhi ɳunhiya dharratharramina walu galkithina marrtji. ²⁹ Yo, ɳunhi nhuma ɳuli balanyawuya nhäma, ɳuriŋiya gurra gumurr-dälyuya romdhu maŋutji-ɻakama ɳarraku walu galkithina marrtji. ³⁰ Dhuwaya ɳarra yurru dhunupa yana nhumaŋgu ɻakama! Dhipuŋyu gay' ɳurrukŋuyu, dhuwaya nhuma gurra djinga'djingaryun, wiripuya waya nhuma ɳuli walŋa yana nhini, ga nhäŋu yana nhuma ɳuli balanya gumurr-däl rom malŋ'thunaya. ³¹ Yo! Nhäya mala bukmaktja ɳuli dhawar'yuna, ɳunha djiwarr'wäŋa ga dhuwaya munatha' wäŋa dhawar'yuna ɳuli. Yurru dhärukta ɳarraku yurru ɳunhi yakana dhawar'yu, ɳunhiya yurru djingaryuna gurra wiyinŋumina dhawar'yunamiriwnha."

*Yaka dhuwaya yolŋu marŋgi nhä nhanŋu gumurr-roŋinyawuya walu
(Matthew 24:36-44)*

³² Ga bulu ɳayi Djesu waŋana bitjaya, "Yaka dhuwaya ɳula waŋgany yolŋu marŋgi ɳarrakalaŋuwu waluwu roŋiyinyawu. Nunha God-Waŋarrwu djiwarr'puy dhäwu'mi yolŋu waya yaka yana marŋgi. Ga ɳarrapi dhuwaya yaka yana marŋgi. Nayipina yana dhuwaya Bäpa'miŋuna ɳarraku marŋgi, ga ɻinyguna.[◊] ³³ Gatjuy, djambatjthina waya yukurri nhiniya, bili nhuma yaka dhuwaya marŋgi ɳurikiya waluwu.

³⁴ Dhuwaya ɳarra yurru dhäwu' nhumaŋgu ɻakama mayali'mi: Waŋganyimiŋu waluyu wäŋa-waʈaŋu yolŋu marrtjina gunha'yuna wäŋa nhanŋuwaw ga marrtjina barrkuyi wäŋayi. Ga waŋana ɳayi nhanŋu djämamina wayana, waya yurru djäma yulŋuya, ga djäka girri'wu malanyuwu latju'kuma yana. Ga waŋana ɳayi dhurrwara-djäkamina wayana waya yurru gurra dhukarr-nhäma yana, ga gumurr-roŋiyi ɳayi yurru.[◊] ³⁵ Ga yaka waya ɳunhi marŋgi waluwu, nhäthu waluyu ɳayi

[◊] **13:24** Isaiah 13:10, Ezekiel 32:7, Joel 2:10, 31, 3:15, Revelation 6:12 [◊] **13:25** Isaiah 34:4, Joel 2:10, Revelation 6:13 [◊] **13:26** Daniel 7:13, Revelation 1:7 [◊] **13:32** Matthew 24:36 [◊] **13:34** Luke 12:36-38

yurru gumurr-roñiyi. Mak ɳayi yurru walu gärrinyayu buna wo mak gandarryu munhayu, wo mak djadaw'yunayu.

Yo, waya, nhumaya dhuwaya balanya bitjan ɳunhi djämamina yolŋu waya, ga yaka nhuma dhuwaya marŋgi nhätha ɳarra yurru roñiyi lili. Gatjuy', nhumaya marrtji girri'-ɳamathina yulŋuya. ³⁶ Dhukarr-nhäŋuna waya yukirri nhiniya, bitjan ɳunhi yolŋu dhurrwara-djäkami ɳuli djingaryun dhukarr-nhäma nhina yana, märr ɳayi yurru yaka nhuna malŋ'mama yakurryi.

³⁷ Dhuwaya ɳarra yurru waŋana nhumana, ga bukmaknha yolŋuna wayana, 'Gatjuy, djäka waya latju'kuŋuna, dhukarr-nhäŋuya nhanŋu.'

[Yo, dhiyana ɳayi dhäwu'ya Djesuwuya gulyun ɳunhi ɳayi gurrana ɻakanaya lunŋu'minjuwu wayanju ɳunhaya bukuŋu yâkuŋu Mount Olive.]

14

Nurru-dawalaŋu yolŋu waya waŋanhamina nhattjan waya yurru Djesuna mulka'
(Matthew 26:1-5, Luke 22:1-2, John 11:45-53)

¹⁻² Yo, ga ɳunhi ɳurruŋu-ɖalkarrami yolŋu waya ga rom-marŋgikunhami waya lunŋ'thuna bala waya waŋanhamina nhattjan waya yurru Djesuna mulka', yurru gayul, bili waya wirrkina yana djälmiyina nhanŋu waya yurru rakunyguma buma ɳanya, bala waya waŋanhamina bitjanmina, "Wäy, galkun ɳilimu ɳe, bili rom ɳilimungu gurra dhuwaya bathala marrtji. Waya ɳuli yolŋu waya ɳilimunguna mariwuni, bili waya nhanŋu dhuwaya Djesuwuya wirrkina djäl."

Ga ɳunhi waya bitjayatja waŋana bili ɳunhi bulal'nha yana waluya bala ɳunhiyiyi yurru rom ɳurru-yirr'yuna Łäy-djulkthunamiya. Walu ga wiripu rom yäku Bilkpilk Dämba. Ga ɳuriŋiya waluyu waya ɳuli guyaninya wayanjuway ɳalapalmina, gurruṭumina wayana, ɳunhi waya gunha'yuna wäŋa yäku Egypt.◊

Miyalkthu rarryuna bunjan-latju' Djesuwaya
(Matthew 26:6-13, John 12:1-8)

³ Ga ɳayiŋa gurrana ɳunhi Djesuya nhinana ɳunhaya wäŋanju Bethany, ɳatha gurrana ɻukana Simon-gaya wäŋanju. Ga ɳäthiyiya ɳayi gurrana ɳunhi Simon-dja nhinana rerrimi, räypinydhu ɳayi gurrana garathina wirrkina. Yurru ɳayi ɳunhi bilina latju'yinana.

Ga yaka wiyindja bala miyalknha ɳunhima gärrina yurru goŋ bothulu'mina, yurru botholu'ya ɳunhi djämapuy beŋu gunđaŋu. Ga gänjaya ɳayi gurrana bunjan-latju', ga bunjanlatja ɳunhi latju'na dhika wirrkina, yurru rrupiyawuna bathalam. ^{*} Ga ɻapmaŋaya ɳayi ɳunhi mulkurr yana bothulu, ɳaynu rarryuna bunjan-latju' bala ɳunhi Djesuwaya mulkurryi.

⁴ Ga waya ɳunhi yolŋuya wayay ɳanya ɳarrtjunana bitjayana, "Nhäku nhe gurra dhuwaya bunjan-latju'ya djalkthun? ⁵ Nhe ɳunhi beni djalim rrupiyawuna bathalawuna, ga rrupiyatja nhe ɳunhi be wekanha ɳunha lopananha yolŋuna wayana."

⁶ ɳaynu ɳayi Djesuya waŋana wayana bitjaya, "Gunha'yu waya ɳanya. Yaka waya nhanŋu mari-djäma. Dhuwaya ɳayi latju'kuŋaya djäma ɳarraku. ⁷ Nunha ɳunhi lopaya yolŋu waya yurru nhina nhumaŋgayana dhiyana biyakuna bili,

◊ **14:1-2** Exodus 12:1-27 * **14:3** ɳunhiya bunjan-latju' rrupiyawuna bathalam mala, balanya rrupiyawuna bathalam mala, ɳunhi ɳuli yolŋuyu djäma latju'kuma yana ga rrupiyawuna bathalam ɳuli weka'nha, bukuyi-ɳal'manha marrtjinya, djäma ɳuli marrtjinya waŋgany dhunjgarra-ɳupana. Yo, balanya ɳunhi yulŋuya, rrupiyawuna bathalam. Ga Greekjuya Dhuyuŋu Djorra'ŋu dhäruk gurra djingaryun ɳunhiya balanya 300-tja ɳaraka yäku 'denari', ga yäkuya ɳayi ɳunhi bunjan-latju'ya 'nardos' ɳunhi ɳuli yolŋuyu wayay ɳäthuna yutuŋgurrnu dharpa'ŋu. Ga bothuluŋa waya ɳuli djarrkthuna gunđa. Ga balanya bili yana ɳunhi rrupiyawuna bathalam, Ga Greekjuya Dhuyuŋu Djorra'ŋu ɳunhi yäkuya 'alabastros'.

ga balanyamiyu nhuma ɳuli wayana gunja'yuya. Yurru ɳarra yurru dhuwaya nhumaŋgaya yaka nhina wiyin, dhumbul'nhā waluya.⁸ ⁸ Dhuwaya ɳarra ɳuli rakunydhina ɳaynu waya yurru ɳarraku rumbalya gärrinymaŋayana moluyina. Ga dhiyanuya miyalkthu rarryuna ɳarrakaya dhuwaya bunjan-latju' latju'kunjaya, ɳunhiya mayali' bitjan ɳayi ɳarrana ɳathil'yuna djäma rumbal ɳarraku. Ga latju'na ɳayi dhuwaya wirrkina yulŋuya ɳunhi ɳayi bitjaya djäma. ⁹ Näku waya ɳarrana. Dhuwaya ɳarra yurru nhumaŋgu yuwalk yana lakama. ɳunhi ɳuli yolŋuy wayay, marrtji dhäwu' ɻakanu ɳunha bala buku-ɻiw'maŋu, ga ɳäku yana waya ɳuli dhuwaya miyalkalaŋuwuy dhäwu', ɳunhi nhä ɳayi ɳarraku djäma latju'. Ga gulku'na yurru ɳunhi yolŋuya waya marŋiyi."

*Judas liya-mukthuna ga mulkuriyina Djesunu
(Matthew 26:14-16, Luke 22:3-6)*

¹⁰ Ga beŋu dhurrwaraŋu ɳayi ɳunhi waŋgany yolŋu yäku Judas Iscariot beŋu wayaŋgaya 12-kaya malthunamiwaya malaŋu marrtjinana. Yo, marrtjina ɳayi ga bunana ɳurruŋu-dalkarramiwu wayaŋgu, märr ɳayi yurru wayana gunja'yun goŋ-wekama Djesuna wayaŋgaya. Ga ɻakama ɳayi yurru wayaŋgu nhanŋuway ɳayaŋu.

¹¹ Ga ɳunhi waya ɳalapalmiyu balanya ɳäkuya ɳaynu waya ɳoy-ɳamathinana. ɳaynu waya dhawu'-nherranmina bitjaya, "Nuli nhe yurru Djesuna ɳanapuŋgaya goŋ-wekama, ɳanapuya yurru nhuna wuŋili-yuna ɳurikiwuya." ɳaynu ɳayi Judasdja marrtjinana, bala gurrana dhukarrwuna ɻarruŋaya nhattjan ɳayi yurru Djesuna wayaŋgaya gathan.

*Djesuyu ga guyurr'miŋuyu wayay ɳathana ɻukana yäku Läy-djulkthunami
(Matthew 26:17-25, Luke 22:7-14,21-23, John 13:21-30)*

¹² Ga bitjana bili dhungarra ɳupana ɳunhi ɳurru-yirr'yunamiyu waluyu wayaŋgu Jew-wu rom, waya ɳuli dämba ɳomaŋa ɳatha ɳuriki romgu malthuna yäkuwu Bilkpilk Dämba, ga wutthuna waya ɳuli bimbi wäyin ɳuriki romgu Läy-djulkthunamiwu waluwu. Manymak, ga balanyamiyu bili yana waluyu, waya ɳuli ɻundu'miŋuyu wayay waŋanha ɳanya Djesuna bitjana, "Wanhami wäŋaŋu ɳilimu yurru ɳamaŋamayun Läy-djulkthunamiya ɳatha?"

¹³ Naynu ɳayi Djesuya waŋana guyurr'miŋuna maŋdana bulal'nha bitjaya, "Gatjuy marrtjina maŋda ɳaynu Jerusalem-dhina. Ga ɳunhi nhuma yurru bunaya ɳunhaya wäŋaŋuya, nhuma yurru nhäma ɻarramuna. ɳayi yurru gurra gapu gäma ɻambarryu banikin'mi. Ga malthu maŋda nhanŋu, ga gunha ɳayi yurru gulŋiyi ɳunhima buŋbuyi, yaka gunha'yu, yana malthu nhanŋu. ¹⁴ Ga ɳunhaya djinawa'ya nhuma yurru waŋa buŋgawana ɳuriki buŋbuwu, ga bitjan nhuma yurru nhanŋu ɻakama gam', 'Wäy, ɳunha Marŋikunhamiyu ɳän'thuna wanhami ɳanapu yurru Läy-djulkthunamiya ɳatha ɳamaŋamayun, märr ɳanapu yurru ɻuka ɳayi ga ɳanapu ɻundu'miŋuyu wayay.' ¹⁵ Naynu ɳayi yurru ɳuriŋi buŋgawayuya milkuma ɳunhana ɳunhi garwarnha wäŋa, ɻinyguna dharrana gurra, ɳilimuŋguna, ga ɳunhayana nhuma yurru ɳunhi ɳathaya ɳilimuŋgu ɳamaŋamayun."

¹⁶ Naynu yana maŋda ɳunhi marrtjinana. Ga ɳunhi maŋda Jerusalem-dja bunana, ga malŋ'maŋaya maŋda balanya bili ɳunhi nhattjaya ɳayi gurrana Djesuyu maŋdaku ɻakanjaya. Ga ɳunhayana maŋda ɳunhi Läy-djulkthunamiya ɳatha ɳamaŋamayuna. Ga goŋ-dhawar'yuna maŋda bala roŋiyina Djesuwayana.

¹⁷ Ga ɳunhi marrtjina waluya gärrina ɳaynu ɳayi Djesuya ga ɻundu'miŋuya waya nhanŋu ɳunhi 12-tja marrtjina ɳaynuna wäŋayi. ¹⁸ Ga ɳunhi waya marrtjina ɳathaya ɻukana, ɳaynu ɳayi Djesuya waŋana bitjayana, "Yuwalk yana ɳarra yurru dhuwaya nhumaŋgu ɻakama. Dhuwaya gay' dhiyalanumi malaŋu dhuwaya

* 14:7 Deuteronomy 15:11

ŋatha ŋilimu gurra ɻuka rrambanji, waŋganydja yolŋu yurru ŋarraku miriŋuthina,” bitjaya.◊

19 Nayŋu wayatja ŋunhi guyurr'miŋuya waya nhannu galŋa-yätjthinana ŋuriŋiya dhärukthu nhanukaya, bala waya marrtjina dhä-wirrka'yunana ŋanya bitjaya, “Wäy,... yolthu way... yol ŋarra ŋeniya Marrkapmi?” bitjaya.

20 Nayŋu ŋayi Djesuya bitjayana waŋana, “Waŋganydhuya yolŋuyu dhiyalanumi gurra ŋathana mulka, ŋali yurru ɻup'mama banikin'thi rrambanji, ŋunhiya yolŋu yurru ŋarraku miriŋuthina. **21** Guyanji waya, ŋarraya dhuwaya Yuwalkŋuya Wal'ŋu Yolŋu yurru rakunydhina bitjan yana bili ŋunha gurra God-Waŋarrwaya Dhuyunu Djorra'ŋu wukirriwyu djingaryun. Ga bathalana wirrkina yurru ŋurikiya gumurr-gänhamiwuya yolŋuwu mari małŋ'thu. Ga latju'ya nhannu ŋunhi ŋayi beni yaka małŋ'thuna.”

*Djesuyu ŋunhi mayali' lakanjaya ŋathawuy ga borumbuy wiyika'wuy
(Matthew 26:26-30, Luke 22:14-20, 1 Corinthians 11:23-25)*

22 Ga badak waya marrtjina ŋunhi ɻukana ŋathaya, ŋayŋu ŋayi Djesuya dämba'na ŋätthuna bala bukumiyanaya God-Waŋarrnha ŋurikiyi. Ga ɻaw'yuna ŋayi, ŋayŋu wekanjaya marrtjina wayanju. Ga waŋana ŋayi bitjaya, “Dhuwayatja dämba ŋarraku rumbal. Ma', ŋätthuna ŋayŋu ɻukina.”

23 Ga bitjaya bili ŋayi ŋätthuna wiyika'ya banikin'mi, ga buku-wekanjaya ŋayi God-Waŋarrnha, ŋayŋu ŋayi wekanjaya ŋunhi wiyika'ya ŋunha guyurr'miŋuwuna wayanju wulkthunawu. **24** Nayŋu ŋayi bitjayana waŋana, “Dhuwayatja borum wiyika' ŋarraku gulaŋ, ŋunhi yurru ɻarryun gułku'wuna yolŋuwu walŋakunhawu. Ga baman'tja ŋayi ŋunhi God-Waŋarryu dhawu'-nherraya rom gułku'wu yolŋuwu walŋakunhawu. Dhiyanuya ŋunhi ŋarrakayatja gulaŋdu yurru romnha marrtjinyamama, małŋ'thuna yurru yuwalkthina. Ma', ŋätthuna bala wulkthuna.◊

25 Ga dhuwanna gam', yakana ŋarra yurru buluya borum wiyika' wulkthu, ga gunha ŋilimu ŋuli rrambanji nhini ŋunhayana djiwarr'ŋuna God-Waŋarrwayana romnu.”

26 Ga dhurrwaraŋu beŋuya ŋayŋu waya manikaynha barkparkthuna God-Waŋarrwayana. Ŋayŋu waya marrtjina ŋayŋu bukuyina wäŋayi yäkuyi Mount-Olive-thi.

*Djesuyu ŋathil'yuna lakanjaya ŋunhi Peter yurru dhumbal'yun
(Matthew 26:31-35, Luke 22:31-34, John 13:36-38)*

27 Ga ŋunhi waya marrtjina ŋayŋu dhukarr-ŋupaya, ŋayŋu ŋayi Djesuyuya lakanjaya ŋathil'yuna bitjaya, “Yalalaya yurru ŋunhi munhakuyina ga nhumaya yurru dhuwayatja waya wändi'-wändina ŋarrakaya, gunha'yuna ŋarrana yurru. Yo, ŋäthiyi yana ŋunhi waŋganydhuyu dhäwu' bitjaya wukirri Dhuyuyi Djorra'yi bitjaya gam',

‘God-Waŋarryu yurru buma rakunyguma ŋunhi wäyin-djäkaminaya,
ŋayŋu ŋayi yurru bimbiya mala ɻatjuwarr'yuna.’◊

28 Narraya ŋuli rakunydhina. Yurru ŋarra ŋuli dhuwaya bulu walŋathi ŋayŋu ŋuli marrtjiya ŋurruŋuna nhumaŋju, ga ŋunhayana ŋarra nhumaŋju yukirri galkuyuya Galilee-na wäŋanju. Yo, ŋunhayana nhuma ŋuli ŋarrana nhäŋuya.”◊

29 Ga ŋayiya Peter-ya waŋana bitjayana, “Narraya yurru nhuna yaka gunha'yun, marrkapmi, gunha waray yurru wayatja nhuna gunha'yun, yurru ŋarraya yaka.”

30 Ga ŋayi Djesuya waŋana bitjaya, “Näku ŋarrana latju'kuŋu Peter. Dhiyanju bala munhaku, yalala, nhe yurru ŋarraku dhumbal'yun dämbu-lurrikun'mi, ga yurruna ŋayi yurru ŋunhi wäyindja djilawurrya ŋäthi dämbu-bulal'mi.”

³¹ Ga ɳayi Peter-ya wirrkina waŋana bitjayana, “Yaka dhuwaya ɳarraya yurru nnuŋu dhumbal'yun, gunhayi ɳunhi ɳarra yurru rakunydhya!”

Ga waya ɳunhi wiripuya ɻuɳdu'minu waya ga bitjaya bili waŋana rrampaŋi yana dhäruk.

Djesu gurrana bukumiyanjaya ɳunhaya Gethsemane

(Matthew 26:36-46, Luke 22:39-46)

³² Ga ɳunhi Djesu ga ɻuɳdu'minu waya nhanŋu bunana ɳunhaya Gethsemane wäŋanju, ɳayŋu ɳayi Djesuya waŋana, “Dhiya waya däpthu, ɳarra yurru buku-miyama God-Waŋarrwaya,” bitjaya.

³³⁻³⁴ ɳayŋu ɳayi garr'yuna Peter-na ga James-na ga John-na, ɳayŋu marrtjina bitjayana bala. Ga gurriri märr waya ɳunhi marrtjinaya, ga bulu ɳayi waŋana wayanju, “Waya, ɳayaŋuya ɳarraku dhuwaya wirrkina yana ɳonuŋdhina bitjan ɳarra yurru dhuwaya rakunydhina. Dhiya waya däpthu, yurru djäka yukirri yulŋuya,” bitjaya.

³⁵⁻³⁶ Ga marrtjina ɳayi märr gurriri, ɳayŋu yana gutjparryunminana munatha'yina ɳayŋu bukumiyanjaya, “Bäpa ɳarraku marrkapmi, yakana dhuwaya nnuŋuya gumurr-däl ɳula nhäku malanyŋuwu djämawu. Bäpa', ɻuktuk ɳarra dhuwaya nhe yurru yarrkmama dhuwaya mari ɳarraku. Yurru ɳarrapiya gurra dhuwaya nnuŋuwaynha yana djälwuya malthun, yakana ɳarrakuwaya ɳarra,” bitjaya ɳayi gurrana bukumiyanjyatja.

³⁷ Ga roŋiyina ɳayi ɳayŋuyi ɻuɳdu'minu wayanju bunana ga maŋ'maŋaya wayana gaynjima. Ga dhîr'r'una ɳayi wayana, ɳayŋu ɳayi Peter-wayatja waŋana bitjayana, “Wäy† nhattjan nhumaya gurra dhuwaya, gayŋithi yana? Yakana n huma yurru dhuwaya märr ɳula gurriri bira'yun? ³⁸ Djäka waya n humaŋguway, ga bukumiyanju waya God-Waŋarrwaya märr n humana yurru ɳula nhäyuya mulka, n humaya yurru ɳunhi dhärra däl̄nha yana. Linygu ɳayaŋuya nnuŋu gurra dhuwayi djäl̄miyi nhe yurru dhärra däl̄ yana, yurru rumbalya nnuŋu dhuwayi ganydjarrmiriwnha yalŋgi'yinana,” bitjaya.◊

³⁹ Ga bulu ɳayi Djesu marrtjina buku-ŋal'yunawu, ga bitjaya bili ɳayi buku-miyaya balanya bili yana dhäruk. ⁴⁰ Ga gaŋgathina ɳayi, ga roŋiyina beŋu bukumiyanhaŋu ga maŋ'maŋaya wayana yakurrmina yana, bathalayuna wayana yakurryu bilkthuna. Ga ɳunhi waya durryunaya bala goranana, ga yakana waya ɳula buku-roŋinymaŋaya nhanŋu.

⁴¹ Ga bulu ɳayi dämbu-ɻurrkun'mi roŋiyina bukumiyanhaŋu. Ga ɳunhi ɳayi roŋiyinaya ɳayŋu waŋana ɳayi bitjayana, “Linyguna yakurrŋuya waya gulyuna! Waluya dhuwaya galkithinana, ɳayi yurru ɳuriŋiya yolŋuyu goŋ-wekamana ɳunhi Yuwalkŋunaya Wal'ŋu Yolŋuna yätjkayana yolŋuwaya wayan̄gaya. ⁴² Ma'! Gaŋgathina waya ɳilim marrtjina. Nhäŋuna waya, dhuwanna ɳayi ɳunhiyiyiа yolŋu ɳunhi ɳayi gun̄ga'yuna wayana mulkanhawu ɳarraku.”

Djesunaya waya mulkanana

(Matthew 26:47-56, Luke 22:47-53, John 18:3-12)

⁴³ Ga ɳurruŋu-dalkarrami mala ga rom-marŋikunhami ga Jew-wu ɳurru-warlyunami mala waya djuy'yuna yolŋuna wayana ɳapawu Judas-ku malthuna. Ga ɳayi ɳunhi Djesuya baðak yana waŋana gurrana, ɳayŋu ɳayi Judas-tja bunana wayanju ga mala nhanŋu. Ga marrtjinaya waya gurrana malkarrmi, goŋ garami, ga goŋ birku'mi, mulkanhawu nhanŋu Djesuwu. ⁴⁴ Ga bili ɳayi ɳunhi Judasthuya ɻakaŋaya bitjaya, “Nunhi yolŋha ɳarra yurru burumun' walkuma ɳunhina yolŋunaya n huma yurru mulka'.”

† ^{14:37} Peter ɳunhi wiripuya yäku Simon. ◊ ^{14:38} 1 Corinthians 10:13

⁴⁵ Ga ɻunhi waya bunanaya ɻaynu ɻayi Judas-tja marrtjina Djesuwayana ɻaynu waŋana bitjayana, “Marŋikunhami,” bitjana, ɻaynu walkuŋayana ɻanya, ga maŋutji-wekaŋayana ɻanya ɻunhi yolnha waya yurru mulka'. ⁴⁶ ɻaynu waya wiripuya yolnu mala galkithinana mulkanhawuna nhannu Djesuwu.

⁴⁷ Ga ɻunhi waŋganydhuya Djesuwaya luŋdu'miŋuyu yiki'na dhawaŋmaŋaya ɻaynu yana buthuruna gulkthuna, liya-ŋärra'miwuna djämamina. ⁴⁸ ɻaynu ɻayi Djesuya waŋana ɻuriki yolŋuwu wayaŋgu bitjayana, “Nhäku nhuma liliya marrtjina malkarrmiya? Yaka ɻarra dhuwaya maðakarritj yolnu. ⁴⁹ Narraya gurrana bitjaya bili walu-ɻupaya marŋikunjaya yolŋuna wayana ɻunhaya God-Waŋarrwaya Dhuyuŋu Buŋbuŋu, ga yaka warray nhumaya ɻarrana balanyamiyuŋa... yurru dhuwanna nhumanju waluya. Yo, bitjan ga yana ɻayi gurra ɻunha wukirriwuya dhärra ɻäthiliŋuya God-Waŋarrwaya Djorra'ŋu.”⁵⁰

⁵⁰ ɻaynu ɻunhi Djesuwuya luŋdu'miŋu waya biyanŋiyinana ɻaynu waya waŋdi'waŋdinana, gunha'yunana ɻanyaya ɻunhimana.

⁵¹ Ga ɻunhaya gurrana gurrmulyu ḏarramuyu guyurr-ɻupaya Djesuna, ga bilkthunminaya ɻayi ɻunhi galiku'yu. Ga bitjaya bili waya ɻanyaya mulkana.

⁵² Yurru waya ɻanya baðatjuna ga mulkanaya waya nhannu ɻunhi galiku'na. Ga ɻayipiŋa gurrana waŋdina wäŋayina girri'miriwnha, bili ɻayi ɻunhi biyanŋiyina wirrkina.

Djesuna waya gäŋaya ɻärra'yi Jew-waya ɻalapalmiwaya

(Matthew 26:57-68, Luke 22:54-55,63-71, John 18:13-14,19-24)

⁵³ ɻaynu waya ɻunhi gäŋayana Djesunaya ɻaynu liya-ɻärra'miwayana wäŋayi. Ga ɻunhaya ɻunhi ɻalapalmiwaya yolnu waya gurrana nhinana bukmak yana, ɻurruŋu-dalkarrami mala ga rom-marŋikunhami waya ga Jew-wu ɻurru-warryunami mala.

⁵⁴ Ga ɻunhi waya Djesuna gäŋaya, ga ɻayiya gurrana Peter-ya malthuna bala, ɻaynuyi liya-ɻärra'miwaya wäŋayi, yurru djułul'yuna ɻayi gurrana marrtjinaya bala. Ga gulŋiyina waya rrambanji ɻaynuyi, bala ɻayi malayina gärrina wayaŋgaya ḏap-tapkayana mittjiyi waya marrtjina ḏäpthuna lithaya gurthaŋu.

⁵⁵ Ga ɻunhaya ɻunhi djinawa' buŋbuŋu waya ɻunhi ɻurruŋu-dalkarramiwaya gurrana dhäwu'na malŋ'maŋaya Djesuwalaŋuwuŋha märr waya yurru djarrmagäma ɻanya yätjpuŋ djämapuy. Yurru yaka waya ɻunhi malŋ'maŋaya ɻula nhä yatj nhanukaya. ⁵⁶ Yo, gulku'na yolŋuna waya ɻätthuna mäkiri'-marŋgimina märr waya yurru nyäl'nha dhäwu' nhanukalaŋuwuy ɬakama, ga dhäwu'ya mala wayaŋguŋu ɻunhi barrkuwatjthinana.

⁵⁷ Yo, ga wiripu-gulku' yolnu waya ɻunhi mäkiri'-marŋgimi gaŋgathina bala gurrana nyäl'nha dhäwu' ɬakanjaya ⁵⁸ bitjaya, “Dhuwanaya ɻanapu yolŋuna ɻäma ɻayi bitjan waŋa, ‘Dhuwaya ɻarra yurru ḏaw'mamana God-Waŋarrwaya Dhuyuya Buŋbu yolŋuwuŋuya goŋbuy dhul'yunaya. Ga ɻurrikun'thu waluyu wiripuna ɻuli buŋbu ɻal'yu, ga ɻunhiyia yakana yolŋuwuŋu goŋbuy.’”⁵⁹ ⁵⁹ Ga dhäwu'ya waya gurrana ɻunhi ɬakanjaya yaka dhunupaya.

⁶⁰ ɻaynu ɻayi ɻunhi liya-ɻärra'miya yolnu gaŋgathinana gumurrnu yolŋuwaya wayaŋgaya ɻaynu waŋana Djesuwuya bitjayan, “Dhuwaya gurrana yolŋuyu wayay ɬakanjaya be nhe yätj djäma. ɻäma ga nhe gurra wayana yulŋuya? Nhäku nhe gurra dhuwaya mukthundja nhina?”

⁶¹ Yurru ɻayi Djesuya yakana buku-roŋinymaŋaya. Mukthunana ɻayi gurrana nhinana. ɻaynu ɻayi ɻunhi liya-ɻärra'miya waŋana bitjayan, “Ma', ɬakanjuna ɻanapuŋgu. Nheya dhuwaya ɻunhi Maŋutji-ɬakanhawuy yolnu ɻeninya... God-Waŋarrwu gäthu'miŋu?”

* 14:49 Luke 19:47, 21:37 * 14:58 John 2:19

62 Ga ɳayi Djesuya waŋana bitjayana, “Yo, ɳarraŋga dhuwaya. Ga yalalaya nhuma yurru ɳarrana Yuwalkŋunaya Wal'ŋu Yolŋuna nhäma, ɳarra yurru gurra nhina ganydjarrmina, dhunupa'ŋumina God-Waŋarrwayana gali'ŋu ɳunhaya djiwarr'ŋuna. Ga roniyi ɳarra ɳuli lili djiwarr'ŋuyu waŋupini'yu. Balanyamiyuna nhuma yurru ɳarrana nhämaya.”[☆]

63-64 Naynu ɳayi ɳunhi liya-ɳärra'miya yolŋu wirrkina madakarritjthina, bala marrtjina girri'na nhanjuway ɳayi barr'parrmaŋaya, ga waŋana ɳayi yätjkuŋayana bitjaya, “Linyguna ɳilimu dhuwaya ɳäkuyana ɳanya dhäruktja bukmakthu waŋanhaya, ɳunhi ɳayi wanaŋgunhamina waŋana yana beni ɳayi God-Waŋarrnha. Yakana ɳilimu yurru buluya mäkiri'-marŋgimiwuŋuya dhäwu' ɳäma. Nhattjana nhumaya gurra guyani ɳe?” bitjaya.

Ga waya ɳunhi bukmaknha yolŋuya waya yoranŋayana yana bitjayana, “Yo, baymatthuna ɳanya murrkay'kuŋuna.”[☆]

65 Naynu marrtjina ɳunhi wiripuyuya yolŋuy wayay Djesunaya dhupthunana. Ga garrwi'yuna waya ɳanya maŋutji galiku'yu bala gurrana bartjunmaŋayana, ga waŋana waya bitjaya, “Ma', ɳuli nhe God-Waŋarrwuya yolŋu, ɻakaŋu mak, yolthu nhuna wutthunaya?” Naynu ɳunhi ɻaptapthuya wayay Djesunaya djaw'yunana, bala gurrana baymatthunana ɳanya.

Peter buku-ɻurrkun'mi dhumbal'yuna Djesuwu

(Matthew 26:69-75, Luke 22:56-62, John 18:15-18,25-27)

66-67 Ga balanyamiyu ɳayiya gurrana ɳunhi Peter-ya badak yana nhinana lithaya. Ga ɳunhaya liya-ɳärra'miwaya buŋbuŋu djämamiyu miyalkthu nhäŋaya Peter-na ɳunhamayi bala waŋanana bitjayana, “Nheya dhuwaya Djesuwu ɻuŋdu'miŋu ɳeniya?... ɳuriki yolŋuwu wäŋa Nazareth-puŋjuwu?”

68 Ga ɳayi Peter-ya dhumbal'yuna bitjaya, “Yaka dhuwayitja dhunupa. Yaka dhuwaya ɳarra marŋgi nhäku nhe gurra dhuwaya waŋa.” Naynu yana ɳayi Peter-ya walmanana warraŋulyina, [ga dhunupana yana ɳunhi djilawurrya ɳäthinana.]‡

69 Ga bulu ɳayi ɳuriŋi djämamiyu miyalkthu Peter-na nhäŋaya, ga waŋana ɳayi yolŋu'yulŋuna wayana ɳunhi marrtjina dhärra-dharrana bitjaya, “Dhuwayatja yolŋu Djesuwu yana ɻuŋdu'miŋu.”

70 Ga ɳayi Peter-ya waŋana, “Yaka!... yaka ɳarraya!”

Ga yaka wiyindja ga wiripuyu yolŋuyu ɳanya waŋana bitjaya, “Nhepi yana dhuwaya, dhuwaya nhe wäŋa Galilee-puy.”

71 Naynu ɳayi ɳunhi Peter-ya wirrkina galŋa-yätjthina bala ɳayi waŋana bitjayana, “Yaka, yaka ɳarraya dhuwaya marŋgi. God-Waŋarr dhuwaya ɳarrakuya marŋgi, ga ɳunhi ɳarra gurra nyäl'yundja, ɳayiya yurru ɳarrana God-Waŋarryuya dhädir'yuna.”

72 Ga dhunupa yana ɳunhi djilawurrya ɳäthinana, ɳunhiya ɻämbu-bulal'mina. Naynu ɳayi Peter-yuya guyaninana ɳunhi nhattjaya nhanukaya Djesu waŋana bitjaya, “Yurruna ɳayi yurru ɳunhi djilawurrya ɳäthi ɻämbu-bulal'mi, nheya ɳarraku yurru märr-dhumbal'yun ɻämbu-ɻurrkun'mi.”

Naynu yana ɳayi Peter-ya ɳäthinana wirrkina dhika murryu'murryunana.

15

Djesuna waya gäŋaya Roman-buŋjuwaya bungawaya yäkuwaya Pilate-kaya
(Matthew 27:1-2,11-14, Luke 23:1-5, John 18:28-38)

[☆] **14:62** Daniel 7:13 [☆] **14:63-64** Leviticus 24:16 [‡] **14:68** ɳunha Greekŋuya dhäruktju ɻurrkun'ŋu djourra'ŋu gurra yaka dhäwu' bitjan djingaryun barrakitmi.

¹ Ga munhayuna waluyu ɳaynu waya ɳunhi Jew-wuya ɳalapalmi ɻuŋ'thunana ɳaynu yoranhamina nhanŋu Djesuwuya baymatthunawuna rakunygunhawuna. ɳaynu waya ga  rwi'yuna ɳanya ɳarambiyana bala g  nayana waya ɳuriŋi ɳalapalmiyu ɳaynuna nhanukaya Pilate-kayana ɳunhi ɳayi Roman-buyŋuwu gapmangu buŋgawa. Ga waŋjana waya Pilate-na ɳayi yurru ɳanya dh  -wirrka'yun. ² ɳaynu ɳayi Pilate-thuya dh  -wirrka'yunana ɳanya, "Nhe dhuwaya buŋgawa Jew-wuya yolŋuwu wayaŋgu?"

Ga ɳayi Djesuya buku-roŋinymaŋjaya bitjaya, "Dhuwayina linygu yana dh  ruktja."

³ Ga waya ɳunhi Jewyu ɳurruŋu-  alkarramiyu wayay ɬakaŋjaya gurrana Pilate-kaya bitjayana, "Dhiyanuya yolŋuy gurrana warkthuna y  tjnha wirrkina rom malanynha."

⁴ ɳaynu ɳayi Pilate-tja bitjayana nhanŋu waŋjana, "N  ma ga nhe gurra yulŋuya? ɳunha waya gurra nhuna ɬakama be y  tjpu y  d  mapuy. Yakana nhe yurru dhuwaya ɳula waŋjaya?"

⁵ Yurru ɳayi Djesuya yakana waŋjana, bala gurrana ɳunhi Pilate-tja maŋmaŋdhunana nhanŋu.

*Pilate-tja yoranjajana Djesuwu rakunygunhawuna
(Matthew 27:15-26, Luke 23:13-25, John 18:39—19:16)*

⁶ Yo, bitjana linygu dhuŋgarra-ɳupana waya ɳuli ɳunhi Jew-ya b  purru' yolŋu mala waŋgany-manapanminya waŋganygu romgu y  kuwu L  y-djulkthunamiwu Waluwu. Ga bitjana linygu ɳayi ɳuli Roman-buyŋuyu gapmandhu dhawa  manha waŋganynha yolŋuna ɬoluŋu, yolku waya ɳuli Jew-yu ɳ  ŋ'thuna. ⁷ Yo, ga balanyamiyu gurrana yolŋu y  ku Barabbas ga  rrina ga mala nhanŋu bili waya ɳuli gurrana mari-dj  ma Roman-buyŋuwu gapmangu malawu. Ga wiripunaya wayana yolŋuna Barabbas-thu ga malayu nhanukaya bili baymatthuna rakunyguŋaya. ⁸ Manymak, waya ɳunhi Jew-ya mala yolŋu marrtjinana bala ɳ  ŋ'thuna Pilate-na waŋganyguna yolŋuwu dhawa  manhawu, bitjana ɳayi ɳuli Pilate-thu ɳ  thiyi warkthuna dhuŋgarra-ɳupana.

⁹ ɳaynu ɳayi Pilate-tja waŋjana bitjayana, "Yolŋha ɳarra yurru dhawa  mamaya? Nh  mi warray dhuwayatja ɳunhi Jew-wuya yindiya buŋgawa?" ¹⁰ Yurru ɳayi ɳunhi Pilate-tja ɳ  thiyi yana marŋgithina ɳunhi waya ɳurruŋu-  alkarramiyu wayay g  nayana ɳanya Djesuna ɳaynu nhanukaya bili waya gurrana ɳunhi wirrkina yana maŋutji-diy'yunaya ɳanya.

¹¹ Yurru waya ɳunhi ɳurruŋu-  alkarramiyu wayay gurrana gur'kuryuna yolŋuna wayana m  rr waya yurru Pilate-na ɳ  ŋ'thun Barabbas-kuna dhawa  manhawu.

¹² Ga bulu ɳayi Pilate-thu dh  -wirrka'yuna ɳunhi yolŋuna wayana, "Nh  ttjan ɳarra yurru dhuwaya yolŋunaya, be nhuma ɳuli gurra ɬakama be ɳayi dhuwaya yindi buŋgawa Jew-wu yolŋuwu wayaŋgu?"

¹³ Ga wayatja bukmaknha yana waŋjana yatjunmina bitjayana, "Baymatthuna ɳanya rakunyguŋuna yana! Dhul'yuna ɳanya dharpayina!"

¹⁴ Ga ɳayi Pilate-tja waŋjana, "Nh   yulŋuya? Nh   ɳayi nhumaŋgu y  tjtja warkthuna?"

Yurru wayatja ɳunhi wirrkina yana yatjunmina waŋjana, "Baymatthuna ɳanya rakunyguŋuna yana, dhul'yuna biyakuna dharpayina!"

¹⁵ ɳaynu ɳayi Pilate-tja yoranjajana wayaŋgu, dj  lwuna malthuna. ɳaynu yana ɳayi Barabbas-nhaya dhawa  manjajana. Ga waŋjana ɳayi Roman-buyŋuwuya

mirinjuwu wayanju bartjunmanhawuna nhanju Djesuwu.* Ga ɳunhi waya nhanukaya bartjunmanhaŋuya goŋ-dhawar'yuna bala ɳayi Pilate-tja bitjayana waŋana mirinjuwayatja, "Gatjuy ɳätthuna waya ɳanya ɳaynu dhul'yuna ɳanya dharpayina ɳaynu gunha'yuna ɳunhimana, gunha ɳayi yurru rakunydhī."

*Miriŋuyu wayay gurrana warku'yuna Djesuna
(Matthew 27:27-31, John 19:2-3)*

¹⁶ Ga beŋuya dhurrwaraŋu ɳaynu ɳunhi mirinjuwu wayay gurrana gäŋjaya Djesunaya dhawaŋmaŋayana ɳaynu wiripuyina wäŋjai.† Ga wäthuna waya gurrana wiripuŋuwu mirinjuwu wayanju märr yurru waya mittjina dhaŋaŋ'dhi, ga gułku'na ɳunhi wirrkina mirinjuwa, ɳunhi gurrana dhawaŋthuna ɳaynuyi. ¹⁷ Ga nhirraya waya nhanukaya djaka' wiyin miku girri' bitjan yindiwuna buŋgawawu. Ga ɳal'maŋaya waya dirriŋirri ɳaynu dhoṭkuŋaya, djoŋgu'yi djäma, ɳaynu yana ɳin'thunmaŋayana nhanukaya mulkurryina.

¹⁸ Naynu waya gurrana ɳanya warku'yunana bitjayana, "Dhuwana ɳayi yindiya buŋgawa Jew-wu malawu!" bitjaya. ¹⁹ Naynu waya gurrana mułkurrnha ɳanya wutthuna dharpayuna, ga dhupthuna waya ɳanya ɳaynu warku'yunana, bun'kumu-djipthuna nhanju ga buku-ɳal'yuna manapaya. ²⁰ Ga ɳunhi waya warku'yunajaya dhawar'yuna, bala waya yupmaŋayana nhanukaya miny'tjimiya girri' ɳaynu nherra'ya nhanjuwaynha girri'. Naynu ɳanya mirinjuuya wayay gäŋjayanaya dhawaŋmaŋayana dhul'yunawuna dharpayina mälakmanhayina.

*Djesuna waya dhul'yuna dharpayina
(Matthew 27:32-44, Luke 23:26-43, John 19:17-27)*

²¹ Ga ɳunhi waya marrtjina gumurr-duwaŋthunaya beŋuya Jerusalem-ɳuya ɳaynu waya gandarrŋuya malŋ'maŋaya yolŋuna yäkuna Simon-na wäŋja Cyrene-buyŋuna. Ga bäpa'miŋu ɳayi ɳunhi maŋdaku Alexander-wu ga Rufus-ku. Naynu yana waya ɳanya waŋana warryunawuna ɳurikina Djesuwalaŋuwuna dharpawu.‡ ²² Naynu waya marrtjinana ɳunhimana wäŋjai yäkuyi Golgotha-yi, mayali', 'Mułkurr Naraka Wäŋa.' ²³ Ga ɳunhayatja waya Djesuna wekaŋaya wiyika' borumnhä godumanapanaya mirritjinmi' yäku merr, märr yurru ɳuriŋiya ɳayamunuŋ'kumana ɳanya rumbalnha. Yurru ɳayipiya ɳunhi Djesuyuya yaka wulkthuna ɳunhi borum wiyika'. ²⁴⁻²⁵ Naynu waya ɳanya Djesunaya dhul'yunana dharpayina. Naynu duwukthunana ɳunhi dharpaya, bala djingarmaŋaya ɳunhiyi. Ga waluya ɳunhi godarr'mi yana. Naynu gurrana ɳunhi mirinjuwa waya ɳala'yunana dopulu'na girri'wuna nhanukalaŋjuwu.⊕ ²⁶ Naynu waya dhäruknhä wukirri ɳaramurruy märryu ɳunhi nhäpuw waya ɳanya dhä-dir'yuna, ɳaynu dhul'yuna dharpayina, ɳunhi Djesu gurrana ɳal'yuna. Ga bitjaya gurrana ɳunhi waŋanaya:

"Dhuwayatja Yindina Buŋgawa Jew-wu malawu yolŋuwu"

²⁷ Ga bitjaya linyu waya ɳunhi manaŋgana ḋarramuna maŋdana ɳal'maŋaya, waŋganinhaya waya dhul'yuna dhunupa'ɳuyi gali'yi Djesuwaya, ga wiripunaya dhul'yuna wiŋ'kuyi gali'yi. ²⁸ [Dhuwayatja dhäruk balanyawuŋha wukirriwuy God-Waŋarrwayana Dhuyunu Djorra'ɳu balanyanha gam', "Nunhi waya bitjayana ɳanya lakaŋjaya, yana beni ɳayiya yätjnha, rommiriwnha yolŋu."]‡ ⊕

* ^{15:15} Roman-buyu miriju wayay gurrana baki barrwaŋ wäyinnha, bala raki'kuŋayana djäma. Naynu waya ɳuli ɳunhima raki'yiya garrwi'yuna naraka mala djinbulkmina wo lätuŋha mala. Ga ɳunhi waya ɳuli gurrana yolŋuhaya ɳuli bartjunmanha, ɳunhi ɳuli yolŋuwuya galŋa rumbalŋuya ɬap'ɬapthunana. † ^{15:16} Ga ɳunhiya gurrana godu wäŋa djingaryuna ɳurikina ɳunhi mirinjuwuna wayanju, ɳunhayana ɳunhi nhanukayana Roman-buyuŋuwaya gapmangaya wäŋjaju. Ga Latin-guyu waya ɳunhi yäku ga 'praetorium'. ⊘ ^{15:21} Romans 16:13 ⊘ ^{15:24-25} Psalms 22:19 ‡ ^{15:28} Näthiliŋuwuyu ɳunhi Greek-kuyu dhärukkuŋu waya yaka dhuwaya dhäwu' wukirri dhiyalami number-ɳu 28-ɳu. ⊙ ^{15:28} Isaiah 53:12

²⁹ Ga ɳunhi gurrana yolju waya marrtjina djulkthunmina, ga ɖawadawa'yuna waya gurrana, warku'yuna manapaya ɳanya. Ga bitjana nhanju waŋana, "Wäy, beŋga nheya yurru dhuwaya ɖaw'yun ɳunhi God-Waŋarrwu Dhuyu Buŋbu, ga bulu nhe yurru be dhul'yun lurrkun'thu waluyu?"³⁰ ³⁰ Go, mak birrka'yunmina nhunapinya nhe ga yupthuna dhipuŋuya dharpaŋuya, märr ɳanapu yurru nhäma bala märr-yuwalkthina nnuŋu, ɳuli nhe God-Waŋarrwuya be gäthu'miŋu?"

³¹ Ga bitjana linygu waya gurrana ɳunhi ɳurruŋu-dalkarramiyuya ga rom-marŋikunhamiyuya yolŋuyu wayay warku'yuna ɳanya Djesuna. Ga bitjaya waya gurrana waŋana gam', "Way, dhuwaya ɳayi gurrana ɳunha wiripuna yolŋuna wayana walŋakuŋaya... ga yakana ɳayi yurru dhuwaya ɳanyapinyawuya walŋakunhami?" ³² Dhuwaya ɳayi 'Maŋutji-ɬakanhawuy yolŋu' be God-Waŋarrwuŋuna djuy'yunaya ɳäthiliŋuna. Ga wiripuŋuya yolŋuyu wayay gurrana ɬakaŋaya be ɳayi dhuwaya Yindi Buŋgawa Jew-wu malawu. Ga ɳunhi yuwalktja, ɳayiya yurru yupthuna dharpaŋuya märr ɳilimu yurru nhäma ɳayŋu märr-yuwalkthina."

Ga bulal' ɖarramu maɳda gurrana ɳunhaya ɳal'yuna rrampaŋi waya Djesu. Ga bitjana bili maɳda gurrana ɳanya warku'yuna.

Garray Djesuya rakunydhinana

(Matthew 27:45-56, Luke 23:44-49, John 19:28-30)

³³ Ga ɖaykun'tja ɳunhi dämbuyuna waluyu, ga munhayuya ɳunhi bilkthuna warrpam'nha ɳunhiyi ɳarakaya wäŋa, bitjayana bitjan ɳuli munhakuyinana. Ga munyuŋayana ɳunhi munhayuna yana bili-i-i ga läy-wilyunayu. ³⁴ Nayŋu ɳayi ɳunhayatja Djesuya yatjunana dhärukuyuna nhanukaya Aramaic-kuyu bitjayana, "Eloi, Eloi, lema sabachthani?" (mayali', "God-Waŋarr ɳarraku, God-Waŋarr ɳarraku, nhäku nhe ɳarrana gunha'yunaya?")³⁵

³⁵ Ga ɳunhaya gurrana yolŋu waya djinga'djingaryuna, ga ɳäkuya waya ɳunhi Djesuna yatjunaya. Nayŋu waya bitjayana waŋana, "Way ɳäku waya! ɳunhaya ɳayi gurra Elijah-wuna gawaw'yun." ³⁶ Nayŋu ɳayi waŋganydja yolŋu waŋdina bala yalŋgi galiku' ɳätthuna ɳayŋu borumiŋina wiyika'yi ɬupmaŋaya. Ga mam'thunmaŋaya ɳayi dharpayina ɳayŋu marrtjina garrwarkuŋayana Dje-suwayana, märr ɳayi yurru wulkthun ɳunhiyi wiyika' borum. Nayŋu ɳayi bitjana waŋana, "Bulnha ɳäthiyi ɳilimu galkun ɳe!, ɳayi ɳuli Elijah-na yarrupthu guŋga'yunawuna nhanŋu."³⁶

³⁷ Nayŋu ɳayi Djesuya wirrkina yatjuna, bala yana rakunydhinana.

³⁸ Ga balanyamiyu linygu ɳunhaya Jerusalem-dja ɳayiya ɳunhi galiku'ya God-Waŋarrwayatja Dhuyuŋu Buŋbuŋu ɳunhi gurrana galmuŋaya ɳunha dhuyuya godu yolŋuwaya, ɳunhiyiya barr'yunana, beŋu bili bukuŋu ga yana bili ɳoyyi.³⁷

³⁹ Ga ɳunhaya Golgotha-ɳu wäŋaŋu gurrana yolŋu djingaryuna, ɳurru-warriyunayu miriŋuwu wayangu, ga nhäŋaya ɳayi gurrana ɳanya Djesuna beŋu ɳoyŋu dharpaŋu ɳunhi ɳayi milmay rakunydhina. Nayŋu ɳayi waŋanana, "Nhäna way! Yuwalk yana dhuwayatja yolŋu God-Waŋarrwu Gäthu'miŋu, ɳeniya?" bitjaya.

⁴⁰⁻⁴¹ Ga ɳunhaya gurrana miyalk mala dhärra'dharrana, yurru märr barrku. Ga ɳunhiyi miyalk waya ɳuli Djesuwu gurrana malthuna, ga guŋga'yuna ɳanya ɳuli ɳunhaya Galilee. [§] Ga dhuwaya waya ɳunhi yulŋuya gam': Mary Magdalene, Salome, ga wiripu Mary, ɳändi'miŋu maɳdaku gurrmulwu maɳdaku Simon-gu ga Joseph-ku,

³⁵ **15:29** Psalms 22:8, 109:25, Mark 14:58, John 2:19 ³⁶ **15:34** Psalms 22:2 ³⁷ **15:36** Psalms 69:22 ³⁸ **15:38**

Exodus 26:31-33 [§] **15:40-41** Wiripuŋu djorra'ɳu Greek-kuyu dhärukkuyu gurra bitjan djingaryun 'Joses-ku ɳändi'miŋu' ga bitjan wiripuya 'Joseph-ku ɳändi'miŋu'.

ga gulku' ɳunhi wiripu miyalk mala ɳunhi waya ɳapawu malthuna nhanju Djesuwu bala Jerusalem-dhi.[◊]

*Joseph-thu gäñaya rumbal Djesuna mathirrayina
(Matthew 27:57-61, Luke 23:50-56, John 19:38-42)*

⁴²⁻⁴³ Yo, ga rakunydhinaya ɳayi ɳunhi Djesuya waluyu Friday läy-wilyunayu. Ga beŋu dhurrwaraŋu ɳaynu ɳayi Joseph-thuya birrka'yuna ɳunhi ɳayi yurru Djesuna rumbal yupmamana beŋu dharpanuya. Ga yolŋuya ɳayi ɳunhi wäŋa Arimatheabuy, ga mittjŋiŋua ɳayi ɳunhi Jew-waya ɳalapalmiwaya ɳärra'ŋu. Ga latju' ɳayi ɳunhi yolŋuya. Ga gatjpu'yuna ɳayi gurrana ɳunhi God-Waŋarrwalaŋuwuna romgu marrtjinyamanhawuna yana. Ga yurruna ɳunhi wiripuya yurru walu djadaw'yun ɳunhiya Jew-wuna bapurru'wu Nhinanamina Walu, ɳayiya Joseph-tja gaŋgathina, bala yana marrtjinana ɳayaŋu-dälthinana Pilate-kayana bala waŋana, "Nhattjana ɳarra yurru Djesunaya rumbal ɳätthuna?"

⁴⁴ Naynu ɳayi ɳunhi Pilate-thuya ganyim'thunana ɳäkuya, bala bitjayana waŋana, "Nhä, linyguna ɳayi rakunydhinaya?"

Naynu ɳayi dhäruk-ŋal'yuna ɳurikaya miriŋuwaya märr ɳayi yurru marrtjina nhanju buna Pilate-ku, ga dhä-wirrka'yuna ɳanya bitjana, "Nhä, yuwalknha ɳayi rakunydhinaya?"

⁴⁵ Naynu ɳayi ɳunhi miriŋuwatja buŋgawayu lakaŋaya bitjayana, "Yuw, yuwalknha yana!" Naynu ɳayi Pilate-thuya dhayuŋayana Djesuna rumbal Joseph-kayana.

⁴⁶ Ga ɳayiya Joseph-thuya wuŋili'yuna manydjarrka'na rrupiya yindima, ga ɳaynuyi ɳayi roniyina Golgotha-yi Djesuwu rumbalwuna ɳätthunawu beŋu dharpaŋuna. Ga ɳuriŋina ɳayi galiku'yu ɳanya garrpiŋaya, bala waya gurrunhaya ɳanya mathirrayina, ɳunhima ɳunhi waya ɳäthiyi yana ɳangi'yuna ɳunhi gunđa. Naynu waya bilkthuna bathalayuna gunđayu dhurrwaraŋa dhal'yuna.

⁴⁷ Ga mandaya ɳunhi Mary Magdalene-dja ga Mary Joseph-kuya ɳäŋdi'miŋu maŋutji-marnŋgina maŋda wanhamma waya Djesuna märrkitjkuŋaya.

16

*Djesuya bulu walŋathina
(Matthew 28:1-8, Luke 24:1-12, John 20:1-10)*

¹ Ga ɳunhi Jew-wu Nhinanhami Walu bilina dhawar'yuna ɳuruŋuynha yuṭuŋgurmuhamiyuna. Ga beŋuya waya Mary Magdalene, ga Salome, ga Mary ɳunhi James-ku ɳäŋdi'miŋu marrtjina buŋgan-latju' wuŋili'yuna märr waya yurru latju'kuma yana goŋ-ŋamathi nhanju rumbalwu. ² Ga Sunday-na marrtjina djadaw'yuna, ɳaynu ɳunhi miyalk-tja waya marrtjinana ɳaynuna mathirrayina. ³⁻⁴ Ga ɳunhi waya marrtjinaya bala dhukarr-ŋupaya, ɳaynu waya waŋanhamina, "Yolthu ɳilimuŋgu yurru ɳunha gunđaya giṭmama dhurrwaraŋuya? Yindina ɳunha wirrkina yulŋuya."

Ga ɳunhi waya bunana ɳunhaya bala nhäŋayana ɳunhi gunđaya, gali'ɳuna gurrana djingaryuna. ⁵ Ga gulŋiyina waya ɳunhima mathirrayi ɳaynu nhäŋayana gurrmulnha ḍarramuna girri' watharrmina dhika, nhinana gurrana. Ga wirrkina waya ganyim'thuna. ⁶ Ga bitjana ɳayi wayaŋu waŋana, "Yaka waya biyaŋiyi. Dhuwaya nhuma gurra Djesuwu rumbalwuna larruma wäŋa-Nazareth-puŋuwuna ɳunhi waya ɳanya bunaya rakunyguŋaya. Linyguna ɳanya ɳunhi God-Waŋarryuna walŋakuŋaya rakunyŋuya, bäyŋuna ɳayi dhuwaya. Nhäŋuna waya, dhuwayatja dharapulnha ɳunhi waya märrkitjkuŋaya nhanju rumbal. ⁷ Ma', roniyi nhuma yurru ɳaynuyi ga lakama nhanukalaŋuwu lunđu'miŋuwu wayaŋu märr waya

[◊] 15:40-41 Luke 8:2-3

yurru ronjiyi Galilee-yina makarryi. Ga biyaku lakanju ɻunhi ɻayiya yurru ɻäthiyina marrtji, ga ɻunhi waya yurru bunaya, ga ɻunhayana waya yurru ɻanya malŋ'mamaya. Ga lakanju yana Peter-wuya. Yo, linygu ɻayi Djesuyu ɻunhi ɻäthiyi lakanjaya wayanju," bitjaya ɻayi gurmulya waŋana. [◊]

⁸ Ga nhäŋaya waya ɻunhi mathirraya dharapulnha ɻaynu walmanana mathirraŋuya, bala ganydarryuna yana marrtjinaya. Ga yakana waya ɻula yolku yolŋuwu dhäwu' lakanjaya ɻula bala dhukarrkuyu bili waya ɻunhi wirrkina biyaniyina.

*Garraya Djesuya milkunhamina Mary Magdalene-gaya **
(Matthew 28:9-10, John 20:11-18)

⁹ Ga Sunday-na godarr, dجادaw'yunamiyuna waluyu ɻayi Djesuya milkunhamina Mary Magdalene-gu. Njurikayana ɻunhi miyalkaya ɻunhi ɻayi Djesuyu dhawaŋmaŋaya ɻäthiyi seven yätj birrimbirr mala. ¹⁰ ɉaynu yana ɻayi Mary-ya marrtjinana ɻuŋdu'miŋuwuna bunana, waya marrtjinaya ɻäthinyamina. ¹¹ ɉaynu ɻayi Mary-yua wayanju lakanjayanu bitjayana, "Wäy, Garraya dhuwaya bulu yawungu walŋathinya, ga linyguna dhuwaya ɻarraya ɻanya nhäŋayana."

Ga wayatja bitjaya waŋana bili waya märr-yulkthuna ɻanya, "Nhä nhina dhuwaya dhiyanuya lakanma way!"

Djesu milkunhamina bulal'waya yolŋuwaya
(Luke 24:13-35)

¹² Ga bulu ɻayi Djesu milkunhamina bulal'wayana ɻuŋdu'miŋuwaya, ɻunhi maŋda marrtjina gurrana diltjikuyu. Ga wiripuŋuyinana ɻayi ɻunhi rumbalya maŋdakaya maŋutjiŋuya. Ga yurruna, maŋda ɻanya ɻunhi dharaŋayatja. ¹³ ɉaynu maŋda ronjiyina bala Jerusalem-dhi ga lakanjaya guyurr'miŋuwu wayanju bitjayana, "Way, ɻäku waya! Linyguna dhuwaya ɻaliya nhäŋayana ɻanya Djesuna ɻunhaya dhukarrŋuna!"

Yurru wayatja ɻunhi ɻuŋdu'miŋuya waya bitjaya waŋana, "Yaka maŋda nyäl'yuya."

Djesu milkunhamina guyurr'miŋuwuna wayanju
(Matthew 28:16-20, Luke 24:36-49, John 20:19-23, Acts 1:6-8)

¹⁴ Ga dhurrwaraŋu beŋuya ɉaynu ɻayi Djesuya ɻanyapinyawuy ɻayi milkunhamina 11-kayana guyurr'miŋuwaya, waya marrtjina ɻatha ɻukana. ɉaynu ɻayi ɉarrtjunana wayana bitjayana, "Dhuwaya nhuma ɻayaŋu-dälmi yolŋu waya. Linygu gurra ɻunhi yolŋuyu wayay nhumaŋgaya lakanma ɻunhi waya ɉarrana nhäŋaya wayanġaya maŋutjiyu, yurru nhumaya yakana wayanju märr-yuwalkthina. Ga dhuwayatja ɉarrapina nhumaŋgu bunana. Yuwalk yana ɉarra ɻunhi rakunydhina, ga bulu ɉarra dhuwaya walŋathinya.

¹⁵ Gatjuy marrtjina waya ga lakanju latju'ya dhäwu' ɉarrakalaŋuwuy bukmakkuna yana yolŋuwu wayanju, buku-liw'maŋuna ɻunha nhina marrtji wäŋaŋu mit̄jiŋu. [◊] ¹⁶ Ga ɻunhi ɻayi yurru ɻula yol yolŋu märr-yuwalkthiya ɉarrakuya, ga buku-lupthunamiya rom ɻätthun, ɻayiya yurru God-Waŋarryuya wayana

* 16:7 Matthew 26:32, Mark 14:28 * 16:8 ɉunha ɻäthiliŋuŋuya wal'ŋu wukirriŋu ɻunhi Greekkayatja dhärukkyu, Mark-kuŋu dhäwu' gurra dhawar'yun number 8-ŋu. Ga wiripuŋuya yolŋuyu wayay gurrana wukirri ɻunhiyi dhäwu' ga dhawar'mama waya wiripukumana waŋganydja (Mark 16:9-ŋuyu ga bala 20-ŋi) märr gaŋga wiyin', ga wiripuya (Mark 16: 9-ŋuyu ga 10-dhi) märr dhumbuŋnha. Ga gađamanmiyu gurra lakanma ɻunhi Markkuŋuya wukirriwyu dhawar'yunana. Ga yurruna ɻunhi wiripu-gulku'yuya wayay wukirri ɻunhi dhäwu'. Yurru rrambahi maŋda gurrana lakanjaya Djesuwalaŋuwuy walŋathinyawuy beŋu rakunyŋuyu ga lakanma gurra ɉurikina yolŋuwu ɻunhi ɻayi gurra märr-yuwalkthina Djesuna, nhä ɻayi yurru gurra djäma. * 16:15 Acts 1:8

walŋakumana. Ga ɻunhi ɻayi yurru ɻuyulkthiya, yakaya ɻarraku yurru märr-yuwalkthi, ɻanyanaya ɻunhinaya yolŋuna yurru dhä-dir'yuna bala yurru ɻupthuna warraŋulyina djiwarr'ɻuya. ¹⁷ Ga ɻunhi yurru yolŋu waya gurra märr-yuwalkthiya, waya yurru gurra djämama ɻayanu-ganyim'thunamina romdja malanynha ɻunhi yurru gurra ɻuriŋiya maŋutji-lakama ɻunha ɻunhina God-Waŋarrwuna ganydjarr. Ga ɻarranaya waya yurru gurra ɻunhi yäkuya baki wakinŋumiwuna birrimbirrwu dhawatmanhawu. Ga waŋaya waya yurru gurra ɻunhi wiripuna mulkuruna dhärukta. ¹⁸ Ga ɻuli waya yurru ɻula bapiya mulka', wo ɬuka waya yurru botjin', wayatja yurru ɻunhi yakana rirrikthun. Ga gon-ɻal'yun waya yurru rerrimiwaya yolŋuwaya, ga wayatja yurru ɻunhi yana walŋakumana."

Djesuya marrtjinana djiwarr'yina

(Luke 24:50-53, Acts 1:9-11)

¹⁹ Ga ɻunhi ɻayi gurrana Djesu waŋanaya lundi'miŋuwawayatja wayaŋgaya, ga dhawar'yunaya, ɻaynu ɻayi God-Waŋarryuya ɻätthunana ɻanya ɻayŋuna djiwarr'yina. Ga ɻunhina ɻayi yulŋuya nhinana gurra God-Waŋarrwayana dhunupamiŋuna gali'ɻu, märr maŋda gurra ɻunha rrampaŋina djämaya. [†]

²⁰ Nayŋu wayatja ɻunhi guyurr'miŋuya wayay dhäruknhä ɻanya ɻätthuna. Nayŋu waya marrtjinana dhäwu'na ɻunhi Djesuwalaŋuwuynha latju'na lakaŋaya buku-liw'maŋayana. Ga ɻayiya God-Waŋarryuya gurrana wekaŋaya wayaŋgu ganydjarrnha märr waya yurru gurra djämama ɻayanu-ganyim'thunamina rom, ɻunhi ɻayi Djesuyu wayaŋgu lakaŋaya. Ga ɬuk'u'na gurrana ɻunhi yolŋuya waya märr-yuwalkthinaya Djesuwuya, ɻinygu waya dharajanana ɻunhiya Latju'ya Dhäwu' yuwalknha yana.

Ga buluya wiripuyuna yolŋuyu wukirri dhawar'maŋaya ɻunhiyi dhäwu' †

^{21 (9)} Ga ɻunhi waya ɻunhi ɬurrkun' miyalk mala marrtjina bunana Peterwu ga guyurr'miŋuwu wayaŋgu, bala waya lakaŋaya wayaŋgu ɻunhiyi gurmulnhana ɻunhi ɻayi gurrana waŋana wayaŋgu ɻunhaya mathirraju. ^{22 (10)} Ga dhurrwaraju beŋuya bala ɻayi Djesuya dhäruk-wekanhaminana nhanukalaŋuwu lundi'miŋuwu wayaŋgu waya yurru ɻunhiya Latju'ya Dhäwu' nhanukalaŋuwuy lakaŋama marrtji buku-liw'mamana, dhiya munatha'ɻu wäŋaŋu. Dhiyaŋuya gurra dhäwu'yu lakama ɻunhi God-Waŋarryuya yurru walŋakumana yana yolŋuna wayana yätŋu romŋuyu, märr waya yurru gurra nhina nhanukayana djiwarr'ɻuna walŋa-dhawar'yunamiriwnha.

Dhuwayatja Latju'na Dhäwu' yuwalknha yana. Ga dhiyakuna ɻurruwu ɻayi dhuwaya dhawar'yunamiriwyd dhäwu'.

[†] **16:19** Acts 1:9-11 [†] **16:20** ɻunha ɻäthiliŋuŋuya wal'ɻu wukirriŋu ɻunhi Greekkayatja dhärukkyu, Mark-kuŋu dhäwu' gurra dhawar'yun number 8-ɻu. Ga wiripuyuya yolŋuyu wayay gurrana wukirri ɻunhiyi dhäwu' ga dhawar'mama waya wiripukumana waŋganydja (Mark 16:9-ɻuyu ga bala 20-yi) märr gaŋga wiyin', ga wiripuya (Mark 16: 9-ɻuyu ga 10-dhi) märr dhumbuŋnha. Ga gađamanmiyu gurra lakaŋama ɻunhi Markkuŋuya wukirriwuy dhawar'yunana. Ga yurruna ɻunhi wiripu-ɬuk'u'yuya wayay wukirri ɻunhi dhäwu'. Yurru rrampaŋi maŋda gurrana lakaŋaya Djesuwalaŋuwuy walŋathinyawuy beŋu rakunyŋuyu ga lakaŋama gurra ɻurikina yolŋuwu ɻunhi ɻayi gurra märr-yuwalkthina Djesuna, nhä ɻayi yurru gurra djäma.

¹ Yo. Dhuwaya djorra' ḥarrakuŋu Paul-wuŋu wukirriwuy, yurru nhumaŋgu dhuwaya yolŋuwu wayaŋgu Garrawalaŋumiwu, ḥunhi nhuma gurra nhina dhuwayi wäŋaŋu Rome-ŋu. Narraya dhuwaya nhanjuwuy yana djämamiya Djesu-Christku yana. Nayi ḥarrana ḥunhi God-Waŋarryu märraŋaya bala nherraŋa ḥarrana ḥayi dhiyaku djämawuya, nhakuna ḥarra dhuwaya Djuy'yunawuy nhanukuŋu, märr ḥarra yurru ḥakama dhuwaya ḥunhi latju' dhäwu'. ² Yo, dhuwayi ḥarra ḥuli gurra dhäwu'ya ḥakama latju' yana, ḥunhi bili yana dhäwu ḥunhi ḥayi God-Waŋarryu dhawu'mirriyajaya ḥakaŋaya ḥäthiyi yana baman' nhanjuwuy ḥayi djawarrkmiwaya wayangaya, bala waya marrtjina ḥunhi yäna wukirrina dhuyuyina djorra'yı. ³ Yurru ḥurunyi gurra dhäwu'yu latju'yu manutji-ḥakama ḥunhi nhanjuwuy God-Waŋarrwu Gäthu'miŋuna, Garrawha Djesu-Christnha. Yo, Djesu ḥunhi yuwalk yana yolŋuya malŋ'thuna; dhawal-wuyaŋina ḥayi beŋu David-kaya yarraŋuya. ⁴ Yurru birrimbirrya nhanju ḥunhi gänana darrtjalknha. Ga ḥurinji birrimbirryu ḥayi ḥunhi milkunhamina ḥanyapinya ḥayi ganydarrya ḥunhi ḥayi Djesu bira'yuna beŋu rakunyŋu. Nhakuna ḥayiya ḥunhi yuwalknha God-Waŋarrwuna Gäthu'miŋu. Bala ḥilimū ḥuli bitjana ḥakama, "Djesu-Christtja Garay."

⁵ Yo. Nhuma marŋgi ḥunhi God-Waŋarrya bitjana bili mel-wuyuna ḥarraku. ḥayi ḥarrana märraŋaya nhanjuway ḥayi djämamina nhanukalaŋuwu Djesuwalauwu dhäwu'wu. Yo, ḥayipi djuy'yuna ḥarrana bukmakku bapurru'wu märr waya yurru märr-yuwalkthiyi bala yana märramana ḥanya dhäruktja ga malthuna nhanju. Ga balakuyuna waya yurru märr-yingathina nhanju yäkuwuya ga wokthuna. ⁶ Ga wiripuya, ḥayi God-Waŋarr djäl nhumaŋgu nhuma yurru märr-yuwalkthiyi nhanju ga märramana ḥanya dhäruktja. ḥayi märraŋaya nhumana ga dhiyanu bala nhuma nhanjuwawayana Djesu-Christkuna.

⁷ ḥarra gurra djuy'yun dhuwaya djorra' nhumaŋgu bukmakku yolŋuwu ḥunhi nhuma God-Waŋarrwu yolŋu'yulŋu ḥunhi nhuma gurra nhina wäŋaŋu Rome-ŋu. Yo, ḥayi God-Waŋarrya nhumalaŋgu märr-ŋamathina ga märraŋaya nhumana märr nhuma yurru malthun nhanju.

Dhuwaya ḥarra gurra buku-wekamana nhumana, märr ḥayi yurru God-Waŋarryu Bäpayu ḥilimunyu, ga Garay Djesu-Christthu, wekamana nhumaŋgu ḥunhi nhanjuwuy ḥayi ḥayaŋu-wuyunami, ga mäwaya rom.

Paul-yu God-Waŋarrnha buku-wekama

Paul gives thanks to God

Romans 1:8-15

⁸ Yo. ḥurruŋuya ḥarra nhumaŋgu yurru ḥakama dhuwaya gam', Narraya ḥuli buku-wekama God-Waŋarrnha bukmakku yana nhumaŋguya, yurru nhanukiŋgaya yäkuyu Djesu-Christkalaŋuwu, bili bawalamiŋuna wäŋaŋu yolŋuyu waya ḥuli ḥäma nhumana ḥunhi nhuma bilina nhakuna märr-nherraŋmi nhanukaya Garrawaya. ⁹⁻¹⁰ ḥarra ḥuli buku-wekama nhanukaya God-Waŋarrwaya bitjana bili, ga ḥäŋ'thuna ḥanya gunga'yunawu nhumaŋgu. Narraya nhumaŋgu dhuwaya ḥakama gurra yuwalk dhäwu'ya. God-Waŋarrnha ḥayipina ḥarraku marŋgi. Ga ḥarra ḥuli djäma bukmakthu ḥarrakiyngaya ḥarra ḥayaŋuyu. Ga bitjana bili ḥarra ḥuli ḥakamaya Godkalaŋuwuy latju' dhäwu' ga Gäthu'miŋuwaya nhanukalaŋuwuy. (10) Bawalami ḥarra ḥuli buku-wekama nhanukaya, ga ḥarra ḥuli wäŋa ḥanya God-Waŋarrnha ḥunhi ḥuli ḥayi djäl, ḥayi ḥarrana yurru djuy'yuna nhumaŋgaya märr ḥarra yurru nhumana nhämana. ¹¹ Yo. Baman' ḥarra galkuna. ḥarra djäl

ŋarra yurru nhäma nhumana märr ŋarra yurru wekama munhdhurr ŋayaŋuyi nhumaŋgu, märr nhuma yurru märramana ganydjarr God-Waŋarrwuŋu. ¹² Narraya dhuwaya djälthi ŋilimu yurru Ɂalkunhami ga gunga'yunmi bala-lili. Narraya yurru nhäma ŋunhi nhuma märr-yuwalkthiyi gurra Garaynha, ga balanya bili, nhumaya yurru nhäma ŋarrakaya ŋunhi ŋarra gurra märr-yuwalkthiyi Garaynha. Balakuya, ŋilimu yurru nhina gälŋa-djulŋiyina.

¹³ Yo. Marrkapmi waya, yaka guyanji ŋarrana yätjkuŋu, yana be ŋarra nhumana meŋgumana. Bitjana bili ŋarra ŋuli guyanji marrtjinawu gumurr-withiyanhawu nhumangu, yurru bitjana bili, God-Waŋarryu ŋuli ŋarrana gulmaŋaya. Narraya djäl ŋarra yurru marrtji nhumaŋgaya ga djäma, balanya bili nhakuna ŋarra ŋuli djäma bukmakŋu wäŋaŋu, märr yurru dhaŋaŋ yolŋu waya malthun nhanŋu Djesuwuya.

¹⁴ Wirrka yana ŋarra dhuwaya djäl marŋikunhawu ga Ɂakanhawu bukmakku bapurru'wu, bili God-Waŋarryu ŋarrana ŋunhi djuy'yuna dhiyaku djämawu. Yo, bukmakku yana malawu ga dhärukkuya ŋarra yurru dhuwaya Ɂakamaya, bili nhä mak waya yolŋu dhuŋami, wu mak waya marŋgimi.

¹⁵ Yo. Wirrki yana ŋarra djäl marrtjinyawuya dhipayi wäŋayi Rome-dhi, märr ŋarra yurru bitjana bili yana Ɂakama ŋunhiyi latju' dhäwu nhumaŋgu bukmakku.

Dhäwu Djesuwalaŋuwu ganydjarrmi

Jesus' story is powerful

Romans 1:16-17

¹⁶ Yo. Dhuwaya dhäwu ganydjarrmina. Bäyŋuna ŋarrapiya ŋuli gora dhiyakiyi dhäwu'wu Ɂakanhawu. Narraya yurru Ɂakama yana Garay Djesunha ŋunhi ŋayi garathina dharpaŋu ga bulu ŋayi walŋathina rakunyŋu. Bili balakuyi dhäwu'wu ŋayi yurru ŋunhi God-Waŋarryu walŋakuma ŋula yolŋuna ŋunhi ŋayi yurru märr-yuwalkthiyi ŋanya: Nuruŋuya Djuw malana ga beŋuyi ŋayi yurru bulu walŋakuma ŋunhina wayana bapurru'na bukmakna ŋunhi waya yaka Jew mala. ¹⁷ Yo. Nuruŋiyi dhäwu'yu Ɂakama gurra God-Waŋarrnha ŋurukiwyu, ŋunhi nhaltjanna ŋayi ŋuli walŋakuma yolŋuna wayana. God-Waŋarryu yurru dhunupakuma ŋunhi yolŋuna ŋunhi ŋayi gurra märr-yuwalkthiyi yana Djesuwaya. Yo. God-Waŋarrwaya gurra djorra'yu Ɂakama bitjana gam', "Nayi ŋunhi God-Waŋarryu dhunupa gurra Ɂakama ŋunhiyi yolŋuna ŋunhi ŋayi gurra märr-yuwalkthiyi nhanukaya, bala ŋayi yurru ŋunhiya yolŋu nhina walŋana yana."

Yolŋu waya bilyuna yätjthi romdhi bala God-Waŋarrwuya rom dupthunana

Romans 1:18-32

¹⁸ Yo. Bilina ŋayi gurra ŋunha God-Waŋarryu ŋaramurrya nhanŋuway ŋayi milkumana beŋuya djiwarr'ŋuya, ŋurukiwayanju yolŋuwu ŋayaŋu-yätjmiwuna ga rommiriwuna. Nunhi waya ŋuli djäma yätj malana rom, balakuya waya ŋuli gulmamana yuwalkŋuya rom dhawarthunawuya.

¹⁹⁻²⁰ Yolŋuya waya ŋanya yurru ŋunhi bäyŋuna nhämaya God-Waŋarrnhaya ŋuruniya wayangiyingaya waya warraŋulwuyu maŋutjiyu. Yo. Beŋu bili ŋunhi God-Waŋarryu djäma ŋäthiyi dhuwaya munatha' wäŋa, ga beŋu bili ŋayi djäma nhä malana dhuwaya munatha'ŋuya ŋorra, bala yolŋuya waya ŋunhiyi nhäŋayana God-Waŋarrnha balakuyi. Bili djämayu nhanukaya ŋanya ŋunhi warraŋulkuŋayana, bukmak malŋ'maŋayana, ŋunhi ŋayipi yana waŋgany yuwalktja Waŋarrya, ga Dhärranhayŋu Nininyŋu ŋayi, ga Nutu Dal, ga ganydjarrya nhanŋu ŋunhi bayŋu yurru buwayakthi. Yaka yurru yolŋu ŋula yol waŋa bitjandhiyi, "Way! Dhuŋa ŋarra dhuwaya, bay. Yaka ŋarra nhanŋu marŋgiya." Bitjandhiyi ŋayi yurru ŋula yol yolŋu yaka Ɂakanhami, bili ŋayi God Waŋarrya ɿnguna milkunhamina-Yo. Bala God-Waŋarrya yurru ŋaramurrthina wayanju, bili ŋayi ŋunhi ɿnguna milkunhaminaya

ŋanyapinya ɳayi dhawatmanhaminana, märr ɳilimu yurru yolŋuya waya nhäma ga dharanjana ɳanya.

21 Yo. Yolŋuya waya ɳunhi ɻinguna marŋgithinaya nhanju God-Waŋarrwuya, yurru bøyŋuna waya ɳuli buku-ɳal'yuna nhanju ga buku-wekanha ɳanya. Yo ɻiyaya wayaŋgu ɳunhi bøyŋuthinana; ga bøyŋuna waya ɳunhi guyanina latju'kuŋaya ɳula dhunupaya, bili yakurryu wayana ɳunhi mulkurrya gungaŋayana. **22** Ga waya lakanhamina bitjana, "Way. Nunhi ɳanapu wirrkina marŋgi." Yurru yuwalktja waya ɳunhi ɻiya-dhumukmi balanya. **23** Yo. Yolŋuya waya yuwalktja ɳuli gänaya nhanju God-Waŋarrwuya buku-ɳal'yuna bili ɳayipi yana ɳunhi yuwalk manymak ga djeŋarra'miya ga walŋa-wiŋŋumiya Waŋarr, yurru bøyŋu waya buku-ɳal'yuna nhanju God-Waŋarrwu. Yo. Waya ɳunhi waŋarrkuŋaya ɳunha wiripuna malana, ɳunhi mala ɳunhi waya goŋdu wayaŋgiyingaya waya djäma wuŋili' mala, ɳula nhäna yolŋukuŋaya, ga wäyinguŋaya, ga wiripuya bápikuŋaya, ga wiripuya ga wiripuya, ga ɳurikiyi malaŋuwu waya ɳuli märr-ɳal'yuna.

24 Yo, ɻiya-dhumukthina waya God-Waŋarrnhaya, bala yana ɳayiya wayana gunhay'yuna djälyi wayaŋgaya ɳunhi nhaku waya ɳayaŋu-djälmiyina, ga djäma ɳunhi ɳula nhä yätjnha yuwalkna gora-wekanhamina rom mala dhiyaŋu rumba-lyu wayaŋgiyingaya waya. **25** Yolŋuya waya ɳunhi bili dharanjana yuwalkŋuya rom God-Waŋarrwuya, yurru yakana way ɳunhi djälthinaya; yana waya ɳunhi ganan'maŋayana ɳunhiyi yuwalkŋuya dhukarrŋu, bala ɳurruiya nherraŋa waya ɳunhiyina nyäl'ɳuna rom. Bala waya ɳunhi buku-ɳal'yuna ga märr-ɳal'yuna ɳurikiyina bili malaŋuwu ɳunhi ɳayi God-Waŋarryu bokmana, ga bøyŋuna waya ɳunhi buku-ɳal'yunaya nhanjuwuya God-Waŋarrwuya, ɳurikiyina bili ɳunhi ɳayipi ɳama-ɳamayuna nhä mala bukmak yana. Yo. Yolŋuya waya yurru ɳunhi märr-yuwalkthi ga wokthuna nhanjuwuy yana God-Waŋarrwu bitjana bili yana. Yo, dhuwaya yuwalk dhäwu.

26 Yo. Yolŋuya waya ɳunhi djälthinina yätjkuna romgu, bala ɳayi God-Waŋarryu wayana ɳunhi gunha'yuna ɳunhamayina romdhi wayaŋgiyingayana ɳunhi gora-wekanhamiyina. Bala waya ɳuli ɳunhi märranhamiya djarrpi'nha yana. nhakuna miyalk maŋda ɳuli märranhami miyalknha yana maŋda. Balanyayi bili ɳunhiyi rom djarrpi'na yana yuwalknha, yakana dhunupa. **27** Ga bitjanayi bili wayaya ɳuli dirramu waya märranhami djarrpi'kunhami; bili waya ɳunhi gulyuna miyalkaya wayangaya galŋa-mulŋunhamiŋuya, ga wirrkina waya djälya waya yurru dirramu ga dirramu galŋa-mulŋanhamiya. Yo, djämaya waya ɳuli ɳunhi yuwalknha yana yätjnha gora-wekanhamina romya, yakana manymaktja. Ga ɳunhi waya gurrana bitjanayi djäma, ɳunhiyina waya yurru mariyina gärrí.

28 Yo. ɳurruiŋuya ɳunhi yolŋu waya marŋgi God-Waŋarrwu, yurru waya ɳanya ɳunhi meŋguŋayana, yaka waya nhanju djälthinina. Bala ɳayi ɳunhi wayana gunha'yunana ɳunhimayina bili wayaŋgiyingayana djarrpi'yi romdhi. Bala waya ɳunhi djämaya ɳunhiyi yätjnha rom, yakana latju'ya rom, bili wayangu ɳunhi ɳayaŋu guyaninyawuya djarrpi'thinana wirrkina. **29** Yo. Balanyayi ɳunhi yätjtja yolŋu gam', wanaŋa-dumuyu, ga manutji-di'yunhami, ga mari-djämami, ga rakunydhinyami, ga wiripuya ɳayi yolŋu balanya nhakuna buku-ɖuwaʈha mayali'-gänhamina, ga buwayakunhamina, ga gupa-waŋanhama, ga nyäl-ɳuṭu. **30** Yo, ɳunhiyi nhakuna ɳayi God-Waŋarrya ɳuyulkthi balanyawu yolŋuwu wayaŋgu, bili ɳayi ɳunhiyi yolŋu bitjanminana guyananhama yana beni ɳayi yindina, yana be ɳayi ɳunhi yolŋu ɳurruŋuna, bala ɳayi ɳunhi wiripuŋuhaya yolŋuna guyanji diltjiyina ga nyamir'yuna. Yo. Wiripuya ɳayi yolŋu djäl-ɳuṭu'nha wiripuŋuwuna ga wiripuŋuwuna yätjku romgu, ga wiripuya ɳayi yolŋu bøyŋuna dhäruk märrama yurru ɳunhi ɳaŋdi'miŋuna ga bápamiaŋuna, balanya nhakuna

ŋayi djäl-gänaŋumina. ³¹ Yo, ŋunhiyiya ŋayi yolŋu balanyana mulkurr-dhumuknha. Wiripuya ŋayi ŋuli wäwuna-nherraŋ yolŋuna yurru dhäruknhä waŋganyinha, mayali'miriwnha, mel-wuyunamiriwnha yolŋu.

³² Yo. Balanyayina wayanjuŋu ŋunhi romdja mala, wirrkina yana yätj, ŋurukiwayanjuŋu yolŋuwu wayanjuŋu ŋunhi waya meŋguŋaya God-Waŋarrwu rom. Yo, marŋgi warray waya nhanŋu romguya, ŋunhi ŋayi God-Waŋarryu lakaŋaya bitjana gam', "Nuli nhe ŋula yolthu yolŋuyu gurra mulka ŋunhiyi yätjtja yana rom, ŋayiya yurru ŋunhiyiya yolŋu rakunydhina yana." Yo, biliŋga waya marŋgi ŋuriki Godkalaŋuwuya romgu, yurru waya ŋuli gurra baðak yana djäma ŋunhiyi yätj rom mala, ga bulu waya ŋuli wiripuna yolŋuna wayana gur'yun ŋurikiyi yatjku malaŋu romgu.

2

1 2
3 4 5 6
7 8 9 10 11
12 13 14 15 16

17
18 19-20 21 22
23 24

25 26
27
28 29

3

1
2
3 4
5 6
7 8

9 10
11
12
13
14
15
16
17
18
19 20

21 22 23 24
25 26
27
28
29 30
31

4

1
2 3

4 5
6
7
8
9
10
11 12

13 14 15
16 17 18 19 20 21 22 23 24
25

5

1 2
3 4 5
6
7 8
9 10
11

12
13 14
... 15
16
17
18
19
20 21

6

1 2
3 4 5
6 7 8
9 10 11 12 13 14

15 16 17 18 19
20 21 22 23

7

1
2 3
4
5-6

7
... 8 9 10
11 12
13

14 15 16
17 18 19
20 21 22 23
24
25

8

1 2
3 4
5 6 7 8
9 10 11
12 13 14
15 16
17

18 19 20-21 22 23
24 25

26 27
28
29 30

31 32
33 34
35
36
37 38 39

9

1 2-3
4 5
6 7 8-9
10 11-12 13
14 15
16
17 18

19 20
... 21
22 23 24
25
26
27 28
29

30 31 32
33

10

1 2 3 4

5 6
7
8
9 10 11
12 13
14 15
16
17
18
19
20
21

11

1 2
 ... 3 4
 5 6
 7 8
 9
 10
 11 12

13-14
 15
 16
 17 18
 19 20 21
 22 23
 24

25 26
 27
 28 29
 30 31 32

33
 34
 35
 36

12

1
 2
 3
 4 5 6
 ... 7 8
 9 10
 11 12 13
 14 15 16
 17 18
 19 20
 21

13

1 2
 3
 4 5
 6 7

8
 9 10
 11
 12 13
 14

14

1 2
 3 4

5
6
7 8 9
10
11
12

13 14 15
16 17 18
19 20
21
22 23

15

1 2
3
4
5 6

7 8 9
10
11
12
13

14 15 16
17 18-19
... 20
21

22 23
24 25 26 27
28 29
30 31 32 33

16

1 2
3 4 5
6 7
8 9 10 11
12 13 14 15
16

17 18
19
20
21
22
23
24
25 26
27